

ARCHÆOLOGIÆ
Philosophicæ:
SIVE
DOCTRINA
ANTIQUA DE
Rerum Originibus.

LIBER SECUNDUS.

Per modum Commentarii ad Telluris
Theoriam Sacram, ab eodem Autore
confcriptam.



L O N D I N I :

Typis S. ARIS, Impensis J. HOOKE, ad
Insigne Auratæ-Iridis, in vico vulgò
dicto *Fleet-Street*. M.DCC.XXVIII.





ARCHÆOLOGIÆ Philosophicæ,

LIBER SECUNDUS.

C A P. I.

*Introductio & summa Libri Secundi.
De Chao Antiquo universalis tradi-
tio, & de ipsius motibus in genere.*



UUM non ita pridem expo-
sita fuerit, & in publicum
data, *Telluris Theoria*; tota
deprompta è suis causis, ve-
lut è visceribus Naturæ: ean-
dem jam libet, quo nihil desit instituto
operi, autoritate & testimoniis veterum
confirmare. Neque tamen ab Antiquis
sperare licet, eandem partium integrita-
tem, connexionem, & ordinem, in hoc
T argu-

argumento, cum quibus à nobis exhibetur in illâ compage Theoriæ: sed discerpata membra recolligemus, Caput & Truncum, & præcipuos Artus: quæ latent inter antiquitatis rudera.

Theor.
Sacr. lib. 2.
c. 8. &c

Hujus Theoriæ nonnulla capita in antiquorum monumentis latuisse, antea ostensum est, in priori ipsius parte. Missis igitur, aut leviter tactis, quæ illic dicta sunt: quæ supersunt dicenda, & ab iisdem antiquis repetenda, in hoc tractatu accumulamus. Hic autem tractatus bipartitus est, ut vides: & quemadmodum in præcedenti libro propositum erat, singulas gentes literatas percurrere, & proferre in lucem cujusque Philosophiam & Dogmata, tam quoad Mundum Magnum, quam Sublunarem; tam quoad Cælum, quam Terras, & utriusque origines: ita in secundo hoc libro Tellurem unicè respicimus, &, ipsius ortûs, formæque primævæ, quæ restent apud veteres vestigia, seorsim & diligentius quærimus. Restant autem, nisi mea me fallat opinio, non exigua: id quod in sequentibus, allatis exemplis, probaturi sumus.

VETERUM doctrinam circa *Telluris originem*, perscrutanti, incipiendum est ἀπὸ τοῦ πρωτογόνου χάεθ, velut ab hujusce naturæ, atque Orbis sublunaris, materiâ primâ, aut seminario. Percrebuit autem apud antiquissimos sapientes, tam Theo-
logos

logos & Poëtas, quàm recentioris nominis Physicos & Philosophos, τὸ Ἀρχαίων χάριν & à Barbaris ad Græcos, à Græcis ad Romanos, & ad omnes gentes quaquaversum manavit illa doctrina. Mundum nostrum, sub eadem formâ & apparatu quo gaudet hodiè, semper & æternum extitisse, præter Aristotelem, & nonnullos forsân, Pseudo-Pythagoricos, nemo apertè asseruit. Sed id totum quod Terræ Globum appellamus, orbemque habitabilem, informem olim fuisse massam, turbidam & indiscretam, Chaos dictam, mundi orituri quasi rudimentum; omnes sapientes uno ore tradiderunt.

NONDUM enim temporis longinquitas rerum initia extinxit; nondum sui ortûs oblitum est humanum genus: apud priscos populos, rerum non ità pridem natarum, recens erat memoria, & quasi recordatio: & apud omnes ferè, Hebræos, Ægyptios, Phœnices, Persas, Græcos denique & Latinos, τὸ ἀρχαίον χάριν reperire licet reliquias. Quibus testantur olim incœpisse Mundum, & à materiâ confusâ & indigestâ originem suam traxisse. Cumque hoc sit ipsa basis prædictæ circa Tellurem Theoriæ, operæ pretium erit veterum placita & suffragia hac in re colligere & explicare.

CUM verò inter literarum monumenta nihil antiquius sit scriptis Mosaïcis, ex-

T 2

ordiendum

ordiendum erit à Mose, Hebræorum Legislatore & Prophetâ maximo. Ille origines suas Telluris deducit à Chao, sive à statu materiæ terrestri confuso & tenebroso, quem Tohu Bohu appellat; hoc autem idem valere ac Chaos philosophorum, & res ipsa loquitur, & Interpretes, tam Judæi*, quàm Christiani, assensu comprobant. Quinetiam ad Chaos Mosaicum respicere mihi videtur Apostolus, (Heb. xi. 3.) cùm ait, *μη ἐκ φαινομένων τὰ βλέπομενα γεγονέναι*. Ubi τὰ βλέπομενα notat *Mundum aspectabilem*, qualem jam habemus ante oculos. Et *μη φαινόμενα* idem est ac *ἀόρατα*, quod dicitur de Chao Mosaico (Gen. i. 2.) à Septuaginta interpretibus, quo sequi solent Apostoli. Eò igitur redit sermo Apostolicus ut doceat, hunc mundum aspectabilem, ortum esse a cæcâ & informi materiâ à Mose memoratâ.

QUOD Interpres Christianos, eorum pars longè maxima, Tohu Bohu Mosaicum de Græcorum aut Barbarorum Chao exponunt. Vel potius surreptum esse volunt è Libris Mosaicis hoc Dogma, atque ab exteris Philosophis interpolatum, & varias formas indutum, veras

* Vid. Man. Ben. Isr. de Creat. Je. Abarban de amore Dei, Dial. 2. & 3. Maimon. mor. Nev. pars 2. c. 26. & 30.

veras vel laryatas. Sed ipsius origo non hîc quæritur, quæ ad Noachum & Noachidas referenda videtur. Satis erit impræsentiarum ipsius auctoritatem, & apud omnes gentes literatas receptionem, notam & testatam facere.

DE Hebræis & Christianis, & de Vid. Theor. Tell. l. 2. c. 8. Chao Mosaico, hæc pauca sufficiant. Pergamus ad Gentes exteras, & earum Chaos: quod non uno modo tractârunt. Alii enim nudè & Physicè, ut solent Philosophi: alii *μυθικῶς*, in suis Theogoniis, eandem materiam explicuerunt. Apud utrumque genus Scriptorum omnis Archæologiæ gentilis radix & fundamentum est Chaos, Rectè notavit Aristoteles, *secundum Theologos, omnia ex nocte genita erant: secundum Physicos, omnia erant simul mixta.* Καίτοι εἰ ὡς λέγουσιν οἱ θεολόγοι, οἱ ἐκ νυκτὸς γεννώντες, ἢ ὡς οἱ φυσικοὶ, ἦν ὁμῶς πάντα χρέματα. Metaphys. l. 14. c. 6. Quæ duo eodem redeunt, & eandem rem diversis nominibus exprimunt: nam in Chao, five *nocte Chaoticâ*, omnia simul miscebantur. Rectè etiam distinxit Aristoteles Theologos & Physicos: & diversum, quo usi sunt, loquendi modum in rerum originibus explicandis. Sed illud præter eâ adjiciendum est, è Physicis nonnullos huic materiæ confusæ ipsiusque motibus, Mentem præfecisse. Alii, temere & fortuito in mundi formam coaluisse asse-

bant. Uterque, ut vides, perinde ac Theologi, in quodam Chaos rerum nostrarum origines posuerunt.

Euf. præp.
Evang. l. 1.
c. 10.

SED ut pergamus in proposito. Hebræis succinunt vicini Phœnices, atque suum sibi formant Chaos & exinde omnia. Phœnicum Theologia, inquit Philo Biblius ex Sanchoniathone, τὴν ἥβ' ὅλων ἀρχὴν ὑποτίθειται αἴρα ζοφώδης καὶ χάθ' ἀολερόν. *principium rerum omnium ponit aërem tenebrosum, atque Chaos turbidum.*

Bibl. Hist.
c. 1.

Ægyptii itidem hanc elementorum faraginem & miscellaneam molem, pro primo rerum statu, & nascituri mundi exordio, habuerunt: ità refert eorum sententiam Diodorus Siculus: Κατὰ τὴν ἐξ ἀρχῆς ἥβ' ὅλων σύστασιν, μία ἔχειν ἰδέαν ὑφανόν τε καὶ γῆν, μεμιγμένης αὐτῆς τῇ φύσει, μετὰ δὲ ταῦτα διασάντῃ ἥβ' σωματίων ἀπ' ἀλλήλων, τὸ μὲν κόσμον περιλαβὼν ἅπασαν τὴν ὁρωμένην ἐν αὐτῇ σύνταξιν. Neque aliter *ισεὺς λόγος*, qui dicitur Trismegisti, Philosophiam Ægyptiacam imitatus, & Chaüs & Abyssi meminit, ortúsque rerum ex istis primordiis.

GRÆCOS & Latinos, non opus est memoremus. Orpheus, Hesiodus, Menander, Aristophanes, Euripides, Cycli Epici Scriptores, Antiquum Chaos cecinerunt. Præterea, inter Philosophos Græcos, Ionici & Platonici ex mafsâ confusâ mundi compagem moliuntur.

Deni-

Denique Stoici, à Chao ad Chaos suas periodos, & renovationes instituunt. Latinos prætereo, Ennium, Varronem, Ovidium, Lucretium, Statium, aliosque. Denique, quotquot genitum statuunt hunc mundum, in quavis gente aut sectâ, è rudi materiâ suam διακόσμησιν exordiuntur.

QUAPROPTER notandum est, qui Cosmogonias scripserunt inter veteres, eos semper agnovisse Chaos, & in fundamentum sui operis substruxisse. Denique, qui Theogonias scripserunt, ab eodem Chao suam Mythologiam auspicati sunt. Idem enim valere apud præscos, Theogoniam, & Cosmogoniam patet, non tantum ab Hesiodo, aliisque Græcis : sed etiam inter alias gentes, exemplo Persarum ; qui sacra facturi, Theogoniam cantabant. Cap. 131. Locus est apud Herodotum in Clio, ubi morem Persicum sacrificandi depingit : substratis, inquit, herbis mollissimis, maximè trifolio, hostiam in partes consciam superimponunt ; additque : Διαδέσθω ὁ ἀνὴρ, μάγῳ ἀνὴρ παρὰ σέως, ἐπαίδου θεωγονίην. *Ità depositâ hostiâ Magus astans Theogoniam accinit.* Cùm verò Persæ, præter Solem, Elementa colerent, Ignem, Aquam, & Terram, & pro Diis haberent : inde sequitur, eorum Theogoniam esse Cosmogoniam ; five natales Deorum Persicorum esse natales Elementorum & Mundanorum Corporum,

porum. Id quidem vitii aut erroris non rarò occurrit apud veteres, quod Deos *nativos* statuunt, ut verbo Ciceronis utar; atque eadem dent initia Diis & Mundo. Vel fingendo è materiâ sua numina, vel saltem non, sine ortu, æterna.

QUOTQUOT autem suos è Chao eduxêre Deos, ex eodem multò magis eduxere Tellurem nostram: cujus pariter natales in suis Theogoniis celebrant. Cùm verò passim apud veteres has Theogonias reperiamus, exinde colligere licet, illud dogma, *de ortu rerum ex Chao*, instar communis effati, aut Oraculi, inter priscos receptum fuisse. Neque abs re erit, hujus rei testes, aliquot Antiquorum Theogonias annotare.

Said. in
Voc.

THEOGONIAE Persicæ supra meminimus. Scripsisse etiam dicitur Theogoniam Aristheas Proconnesius, qui temporibus Cyri claruit, & de Arimaspis Hyperboreis historiam condidit, cujus plures meminere. Orpheus Theogoniam scripsit: prout refert Cedrenus, ex Timotheo, antiquo authore. Istam autem Theogoniam idem valuisse ac cosmogoniam, ex reliquiis aut imitationibus Orphicis quæ supersunt, facillè patet. Neque aliter Cyclus Epicus, cujus non semel meminimus, incipit à mixtionè Cæ-

li & Terræ, & exinde Deorum progeniem & mundi ortum profequitur. Neque aliud erant Theogoniæ veterum quàm Theologia Physica : qualem composuit Varro, referente Augustino. Et eodem modo intelligo Æmilii Macri Theogoniam, ^{Civ. D. l. 6. c. 2.} cujus meminit Macrobius. Quid memorem Musæi Theogoniam antiquissimam : atque alteram Epimenides : utramque apud Laertium. Theogoniam ^{In procem. In Epimen.} Dromocydis vel Dromocridis, (viri mihi aliàs ignoti) apud Fulgentium habes : multosque passim veterum tractatus ^{Mytholl. 2. c. 17.} *πρὸς θεῶν*, qui Theogonias imitantur. Denique, quoad Cosmogonias, illam Thamyræ Thracis atque alteram Lini, poetarum inter Græcos vetustissimorum, supra notavimus. Illa autem Hermetis sive Trismegisti apud Ægyptios, cujus meminit Philo Byblius, omnium erat, post Moisaicam, antiquissima. ^{Euf. præp. Ev. l. 1. c. 10.} Citat Leo Hebræus, sive J. Abrabanel Pronapidem de Protocosmo, & exinde multa de Chao & mundi origine, quæ huc spectant. Postremò, Sileni, & Atlantis, antiquissimorum nominum, quasdem habes Cosmogonias apud Virgilium. ^{Ecl. 6. Æn. 1.} Illa quidem definit in fabulas, ut solent Cosmogoniæ antiquæ. Altera castior est, cum in convivio Didonis citharâ canitur,

- - - *Docuit*

--- *Docuit quæ maximus Atlas :
Unde hominum genus, & pecudes :
unde imber & ignes, &c.*

Sed de his fatis.

HACTENUS *ortum rerum ex Chao*, veterum sapientum fuisse dogma, duplici modo probatum dedimus : tam per Theogonias & Cosmogonias, quæ Poëtarum & Theologorum erant maximè (admissis plerumque fabulis :) quàm, inter Philosophos, per Chaos Physicum, nudè & simpliciter expositum. Nemo igitur in posterum lites nobis moveat in hac parte Theoriæ Telluris : cum nihil postulemus quod non confirmatur autoritate, tam sacrâ, quàm prophanâ. Idem denique ratum sit à naturâ & à fidâ ratione, quum hodiernæ Telluris phænomena aliter explicari, aut ab aliis principiis deduci, non possint.

POSITO igitur hoc fundamento, quas subinde mutationes in hoc Chao posuerunt veteres : quas novas formas, quarum interventu transit è confusâ mole in Mundum habitabilem, proximè dispiciendum. Neque enim fiunt Mundi unico ictu, ut statutz fusiles in proplasmate. Sed diuturnâ actione, lentoque progressu, natura sese extricat & evolvit sensim ex illo statu perturbato, & ad ordinem & ornatum nititur. Nempè primùm ex illâ
confu-

confusione & misturâ partium dissimilium oritur lis & lucta in totâ mafsâ : ab illâ autem luctâ & contentione oritur disgregatio, & elementorum diffidentium separatio ad invicem & secessus. Quâ ratione Chaos Mundanum divisum fuit in varios orbes & orbiculos : quasi in tot tabulata aut contignationes elementarium corporum, aliorum aliis superstructorum. Hoc notâsse videtur Antiquitas : itâ Orpheus, Πρῶτα μὲν ἀρχαίης χά-
εθ' μελίφρατον ὕμνον' ὡς ἀπάμειψ' φύσει, --- τε
δίκευε τ' ἄλλον ἀπ' ἄλλου. Nempe cecinit Orpheus in suâ Chaologiâ, sive in explicando mundi ortu ex Chao, varias mutationes, secretiones, diversasque facies, quas identidem subiit illa moles, donec pervenit in formam orbis habitabilis. At hoc idem est ac Cosmogoniam instituere. Hos orientis naturæ vultus suis lineamentis depinximus, in primâ parte L. I. c. 5. Theoriæ, quos juvabit inspicere, quo res præsentior sit animo, ex illâ sui imagine. Videbis illic primùm Chaos Mundanum integrum & indivisum, uniformiter deforme, sive Tohu Bohu. Dein divisum in suas regiones, quasi per diversa strata. Denique, factâ concretionem, in Globum habitabilem dispositum & ordinatum.

DIXIMUS supra, æstum quendam, luctamque, fuisse in primo Chao, ex illâ discor-

discordium & dissidentium elementorum
mixture. Hoc itidem notarunt veteres,
atque maximè Empedocles, per suum
νεῖκος, sive litem & inimicitiam: quod
primum in naturâ rebusque forman-
dis, principium posuit. Neque aliter
illud Hesiodi, φυσικῶς, & sine alle-
goriâ intelligo: Τὴν δ' ἐτέραν περτέρην μὲν ἐ-
γένετο Νύξ ἑρβεμένη. *Hanc Litem primum
genuit Nox tenebrosa*, sive Chaos; idem
enim plerumque valent hæc duo in my-
thologicis. Sed quoad Empedoclem, res
notissima est. Neque aliud sonuit lyra
Orpheï, cùm ad demulcendos Argonau-
tas, suum vetus Canticum renovabat.

1 Argon:
ver. 496.

Ἡεῖθεν δ' ὡς γαῖα καὶ ἕρως, ἦδ' ἐθάλασσα,
τὸ πρὶν ἐπ' ἀλλήλοισι μίῃ συναρπύζετα μορφεῇ,
Νεῖκος ἐξ ὁλοοῖο δέικεσθαι ἀμφὶς ἔκαστα.

AD quem locum ita Scholiaſtes. Ἐμπε-
δοκλῆς φησὶν ὅτι συγκεχυμένων πάντων τὸ πρῶτον,
νεῖκος καὶ φιλία παραπληροφθύντα, τὴν διάκεισιν ἐποίησαν-
το χωρεῖς ὃ τέτων ἑδὲν δύνατον γινώσκει.

VIDES denique ex his authoribus, à
Lite incœpisse, ab Amore perfectam esse,
mundi formationem. Nempe post illam
luctam aut dissidium, duo aut plura e-
lementa coaluere in superficie aquarum:
& ex illo complexu, qui Amori ascribi-
tur, genitus est Orbis habitabilis. Hæc
veterum

veterum Mythologica, vel Allegorica, de ortu rerum ex Chao, nemo non dilucidè intelligit, qui historiam aut Philosophiam de Telluris origine, in primâ parte Theoriæ traditam, cum illâ veterum doctrinâ mysticâ contulerit. Id quod factum est antea, magnâ ex parte, in secundo libro ejusdem Theoriæ, Cap. viii. Et, ne in repetendis ibidem dictis, fastidio simus, eò Lectorem remittimus. Atque hæc breviter de Chao adjecisse sufficiat.

Cap. 5.

C A P. II.

De formâ Telluris Primigeniæ, & de Mundi statu triplici.

EGIMUS hucusque de ortu Telluris ex primo Chao : idque post varios motus & metamorphoses. Nempe ut solent Animalcula ex ovo aut verme in aliud & aliud insecti genus transire, donec fomam ultimam attigerint : ità variis subinde mutationibus, & fugitivis formis, ex Chao fit tandem Tellus habitabilis. Sed quærendum proximè, *Qualis esset formæ & superficiei hæc Tellus primigenia*, cum primum compacta fuit

ex

ex Chao ? an ejusdem cum hodiernâ, vel dissimilis ? Respondeo, Constitui non potuit ab initio, in eadem, quâ hodiè est, formâ, Tellus : propter montes & scopulos ; & alveum maris, & hujusmodi inæqualitates, quæ immediatè à Chao, sive in superficie massæ fluidæ, oriri non poterant. Id quod in ipsâ Theoriâ abundè monstravimus. Proindè necessum est, Terram primigeniam alterius fuisse formæ & faciei ab hodiernâ.

L. I. c. 4.
& 5.

IN hoc puncto vertitur rei cardo, & qui hanc conclusionem probatam dederit, causam tenet. *Probatam* verò intelligo, non rationibus Physicis, id enim jam factum est loco supra citato : sed aliud nunc agimus, ut idem scilicet à priscis sapientibus traditum ostendamus ; & etiamnum extare, non tam in libris, quàm in fragmentis veterum, aut excerptis, ejusdem rei non obscura vestigia. Atque hoc novum opus non ideò suscipimus, ac si necessarium esset præfatæ Theoriæ, quæ suis viribus nititur : sed ut liberemus Providentiam ab omni maculâ, & eorum obstinationi occurramus, qui veritatem ipsam, nisi a majoribus sibi commissam & commendatam, nolunt recipere.

AGE igitur, rem ipsam aggrediamur : conclusio probanda hæc esto. *Mundum* olim fuisse alterius formæ & sitûs ab hodierno.

dierno. Per *Mundum* autem intelligo non immensam rerum universitatem; ejus enim oras aut figuram non novimus, neque partium remotarum ordinem. Sed mundum nostrum, Terram scilicet & Cælos aspectabiles. Proin eò redit assertio nostra, *Terram fuisse olim alterius formæ ab hodiernâ, & alterius ad cælum sitûs*; hoc, primo loco & generatim asserimus. In quo verò positum fuerit istud discrimen, opportuniùs in sequentibus explicabitur, cum proprietates illius Telluris primævæ seorsim expendendæ sunt.

INTEREA, ut hoc discrimen generale autoritatibus confirmemus, notandum imprimis, Triplicem esse mundi naturalis, sive Cœli & Terræ, statum, vel ordinem, secundum sacras literas. Nempe Præteritum, Hodiernum, Futurum. Ita enim distinguuntur ab Apostolo Petro, *Οἱ ἐκ παλαιῶν αἰώνων καὶ ἡ γῆ οἱ νῦν ὄντες αἰώνων καὶ ἡ γῆ* & 2 Pet. iii. 5. versu decimo tertio, *καὶ οἱ αἰῶνες οὗτοι καὶ ἡ γῆ καὶ οἱ αἰῶνες οὗτοι* & 7. *προσδοκῶμεν*. Per Cælos Terramque *præteritos*, intelligit Apostolus Primigenios, *ἀρχαίους*, ut ipsius verbo utar: quos Diluvio periisse ait. *Hodierni* sunt, quibus jam utimur, quique fatis contrariis expositi, Igne perituri sunt, Cap. iii. 7. Denique *Futuri* sunt illi novi Cœli & nova Terra, quæ, peractâ conflagratione, expectamus. Quorum itidem meminerunt Isaias Propheta, (Cap. lxv. 17. & lxvi. 22.)

22.) & Johannes Apostolus, Apoc. xxi. 1.

Hunc triplicem Mundi naturalis statum notavit pariter Apostolus Paulus, ad Romanos capite octavo: aliisque characteribus insignivit. Supponit primò, Mundum, *Vanitati nondum subiectum*. Dein Hodiernum, *vanitati subiectum*. Denique Futurum, *à vanitate redemptum & liberatum*: ab eâ nempe vanitate cui antea subiciebatur. Hæc futura mundi instauratio, quam Apostolus indicat, dicitur à Sancto Petro ἀποκατάστασις & à Christo παλινγενεσία triplicemque mundi statum, de quo loquimur, involvit. Renovatio enim, aut restitutio, fit ad statum aliquem præteritum: est reditus ad similem, aut eandem, quam res illa olim habuit, formam, aut ordinem. Ad quem verò statum priorem fiet mundi futura restitutio? Non ad hodiernum, is enim vanitati subicitur, secundum Apostolum: Restitutio autem illa est liberatio, à vanitate & corruptione: Ἐλευθερώσεται ἀπὸ τῆς δεσείας τῆς οὐροῦς εἰς τὴν ἐλευθερίαν τῆς δόξης τοῦ τέκνου τοῦ Θεοῦ. Ex his unâ collatis rectè deducitur, Hodiernum mundi naturalis statum præcessisse alium, eumque fuisse hodierno prætantiorem.

Hæc idè præmisi, ut sententiam nostram de Mundorum successione, sive de mundi naturalis diversitate & transmutatione,

Act. iii. 21.
Mat. xix.
28.

tione, tam præteritâ, quàm futurâ, in sacris literis fundatam ostenderem. At, inquires forsan, Hic sermo Sancti Pauli non respicit mundum naturalem & inanimatum, sed animatum, genus humanum, atque illam renovationem quam experturi essent homines, ope Evangelii. Itâ quidem Neoterici nonnulli hunc locum Pauli interpretantur. Sed ad locum cognatum Sancti Petri de triplici mundo, supra adductum, quid regerent hi interpretes? Si alterutrum accipiunt de mundo naturali, inutile erit recusare alterum: nulla autem vi ad allegorias detorqueri potest illa dissertatio Sancti Petri de triplici mundo, antediluviano, hodierno, & novo futuro; quippe quòd in unoquoque ordine, Cælum & Terram, mundi naturalis partes, exprimit Apostolus, & tanquam characterem, mundi de quo loquitur, descriptioni interferit: loquitur igitur de Cœlesti & Terrestri, sive de naturali.

HIS interpositis, redeamus ad Sanctum Paulum. Neque enim assentior Neotericis istis, qui vim verborum Apostoli in allegorias dissolvunt, & à mundo naturali ad moralem inflectere satagunt: invito sacro Authore, ut mihi videtur, & reluctantibus Patribus Christianis, qui de rerum naturâ, mundoque inanimato, hunc locum non incelebrem exponunt. Sed

U

digna

digna res est quæ diligentius expendatur.

Rom. viii.

19, 20, 21,

22, 23.

VERBA Beati Pauli hæc sunt. * *Nam vebemens expectatio Creaturæ revelationem filiorum Dei expectat. Vanitati enim creatura subiecta est, non volens, sed propter eum qui subjecit eam in spe. Quia & ipsa creatura liberabitur à servitute corruptionis in libertatem gloriæ filiorum Dei. Scimus enim quod omnis creatura ingemiscit, & parturit usque adhuc. Non solum autem illa, sed & nos ipsi, primitias Spiritus habentes, & ipsi intra nos gemimus, adoptionem filiorum Dei expectantes, redemptionem corporis nostri.*

Hic agitur manifestò de triplici statu Creaturæ sive τῆς κτίσεως: statu primævo, vanitati nondum subiecto: statu vanitati subiecto: & denique statu futuræ redemptionis & liberationis à vanitate & corruptione. Hactenus, opinor, convenit inter omnes interpretes: Sed quærendum ultrà, & quid per τὴν κτίσιν, quæ vanitati subijcitur:

Ἡ γὰρ ἀποκαταδοχία τῆς κτίσεως τὴν ἀποκάλυψιν τῶν υἱῶν τοῦ Θεοῦ ἀπεκδέχεται. Τῇ γὰρ ματαιότητι ἡ κτίσις��ποτάγη· ἢ ἔχουσιν, ἀλλὰ διὰ τὸν ὑποτάξαντα ἐπ' ἐλπίδι. Ὅτι ἡ αὐτὴ ἡ κτίσις ἐλευθερωθήσεται ἀπὸ τῆς δουλείας τῆς φθορᾶς εἰς τὴν ἐλευθερίαν τῆς δόξης τῶν τέκνων τοῦ Θεοῦ. Οἶδαμεν γὰρ ὅτι πᾶσα ἡ κτίσις συσενάζει ἢ συναδίνει ἄχρι τοῦ νῦν. Ὅτι μόνον δὲ, ἀλλὰ καὶ αὐτοὶ τὴν ἀπαρκίαν τοῦ πνεύματος ἔχοντες, καὶ ἡμεῖς αὐτοὶ ἐν ταυτοῖς σενάζομεν, ὑποθεσίαν ἀπεκδεχόμενοι τὴν ἀπολύτρωσιν τοῦ σώματος ἡμῶν.

tur : ab eâdem denuò, præstituto tempore, liberanda. Respondeo, per vanitatem hîc intelligi mutabilitatem, inconstantiam, naturam caducam, & fluxilem, & corruptioni facilè obnoxiam, qualis est hodierna. Et *servire* dicitur Creatura, sive servitutem pati, propter labores ferviles, tam hominum quàm jumentorum, in hoc sæculo : quibus in venturo exonerabuntur. Neque hætenus multa lis est : sed quæritur maximè quid per τὴν κτίσιν, quæ diversas hæc subit conditiones, intelligendum sit. Siquis animo libero, & à præconceptis opinionibus immuni, hæc verba legat, de Creatione, sive externâ rerum naturâ, loqui Apostolum, facilè pronunciabit ; id enim in fronte ferunt verba Apostolica, atque primo intuitu nobis exhibent : neque recedendum est à literali verborum sensu & significatione, nisi aliis scripturæ locis repugnârit, aut id malè patiatur materiæ subjæctæ ratio. Horum autem neutrum hic objici potest : nam hæc triplex mundorum successio, quam innuit Sanctus Paulus, apertius & explicitius asseritur à Sancto Petro, Epistolâ secundâ, capite tertio ; nullo alio renitente authore sacro. Et quoad rerum naturam, non modò tacitè consentit, sed conclamat in partes nostras : hodiernæ enim Telluris facies, & diluvii universalis phænomena, altâ voce testantur, Ter-

Vid. Theoi.
Tell. lib. 4.
c. 6, 7.

rarum orbem olim fuisse alterius formæ & sitûs partium. Prout fusè demonstratum est libro primo *Theoriæ Telluris*. Dein, suppositâ Conflagratione Terrarum, quam omnes agnoscunt, sequitur, quasi suâ sponte, redintegratio quædam & novus orbis habitabilis : id quod in eadem Theoriâ ostensum est, lib. 4. c. 2. Vides igitur, huic interpretationi de triplici mundo, nihil obstare ex utrovis capite : aut nos depellere à genuinâ vi verborum, quam in claris, aut dubiis, sequi tene-mur.

PRÆTEREA, Patres Christiani qui hunc locum interpretantur, vel obiter attingunt, per * *κρίσις* intelligunt *Creationem exter-nam*, mundum naturalem, sive rerum naturam. Ità Tertullianus*, Irenæus†, Origines‡, Hieronymus§, Chrysostomus||, aliique, tam veteres, quam recentiores. Denique, qui futuram Mundi renovatio-nem

* Advers. Hermog. c. 11. & de cor. mil. c. 6. † Lib. 5. c. 36. ‡ Contra Cels. l. 4. § In Isa. li. & in c. ii. ad Ephes. & in Habac. c. iii. || Ad Rom. Hom. 14. & Hom. 10. ad Antioch.

Toletus in hunc locum Apostoli, cum enumerasset Irenæum, Chrysostomum, Cyrillum Alex. Greg. Nazianzenum, Hilarium, Ambrosium : quibus adde Theophylactum, Oecumenium, aliosque : Subjungit, *Conveniunt omnes in hoc, quod universi, seu Mundi partes, nomine Creatura, significantur, qua propter hominem, his corruptionibus inserviunt ; & ab hac servitute liberabuntur, & in perfectionem promovebuntur in hominum resurrectione.* His antiquis adde è recentioribus Interpretibus optimos, Grotium, Toletum, Estium, Med. J. Cap. Calv. aliosque plurimos.

nem recipiunt & tuentur: id quod faciunt, tam è Græcis, quàm Latinis Patribus, plurimi: propendent omnes in hanc sententiam, & in hanc expositionem sermonis Paulini, ut per τὴν κήσιν, *Mundum conditum*, vel rerum naturam intelligant. Quæ, per prosopopœiam, huic Apostolo familiarem, avidè expectare dicitur, & quasi *exerto capite*, suam redemptionem: quinetiam *ingemescere* nobiscum sub hodierno servitutis iugo: denique, instar *Parturientis*, ab onere liberari, atque novam prolem videre cupit. Hæc appositè admodum & eleganter ab Apostolo ad rerum naturam applicantur. Neque his dissimile est, quod, ex mente Sibyllæ, cecinit Poëta,

Aspice convexo nutantem pondere mundum,

Terrasque, tractusque maris, cælumque profundum :

Aspice venturo latentur ut omnia sæclo.

Sed de hâc re fatis. Vides tam ex ipsis verbis, quàm ex autoritate optimorum interpretum, five veterum, five recentiorum, τὴν κήσιν Apostoli referendam esse ad mundum aspectabilem, rerumque naturam. Ad quem significatum magis astringere videtur Apostolus hanc vocem, ad-

dendo, αὐτὴ ἡ κρίσις, ver. 21. ac πᾶσα ἡ κρίσις, ver. 22. ne ad sensus figuratos vagaremur. Superest tantum, ut aliorum interpretationes refellamus, qui relictâ verborum viâ rectâ, diverticula quærunt: & alienas affingunt significationes huic voci κρίσις vel κρίσις, quibus totam Apostoli sententiam pervertunt. Sunt autem in triplici ordine hi Interpretes. Alii enim *per Creaturam* intelligunt *Angelos*: de generes nempe, & à suâ primævâ puritate delapsos. Alii, *genus humanum*. Alii denique *Gentes* specialiter, seu Gentiles: convertendos scilicet, at nondum conversos. Sed nodum in scirpo quærunt qui his ambagibus utuntur in re facili: & dum volunt esse subtiles, in nullam incidunt sententiam aut interpretationem solidam. Nam primò, quoad Angelos, præterquam quod abrumpunt omnem connexionem cum præcedentibus, nulla futura est instaurationis Angelorum lapsorum: loquitur autem Apostolus manifestò de Creaturâ à servitute & corruptione liberanda: quam illa redemptionem anhelat & vehementer expetit. Dein quoad genus humanum, id recipi non potest, quoniam *Creatura* distinguitur ab hominibus, sive à nobis ipsis, in ipso verborum textu. *Scimus*, inquit Apostolus, quod *omnis Creatura ingemiscit & parturit usque adhuc, non solum illa, sed & nos ipsi*. Aliud igitur est

est *Creatura*, aliud homines : ni velis non esse è numero hominum aut humani generis Apostolos aliosque pios. Quinetiam nos hortatur ad patientiam, & consolatur, ex illo communi nixu rerum omnium ad futuram perfectionem. Et licet nonnunquam *κτίσις* aut *κτίων* ad genus humanum aut Christianos referenda esset, id fieri non potest hic loci, ubi ab iisdem apertè distinguitur, & contraponitur. Denique, qui Gentes atque populum Gentilem, nomine *κτίσις* hic intelligunt, maximè omnium à verborum usu & à verà ratione recedunt. Quid enim τῇ κτίσει cum gentibus aut gentilibus? quæ cognatio vocum aut rerum? sub eodem onere gemuerunt *Creatura* & Christiani, (ver. 23.) quod de gentibus & Christianis haud dixeris. Neque magis aspirare potuerunt gentes ad religionem sibi ignotam : nec se tædebat suæ superstitionis & Deorum, quibus maximè delectari populum Ethnicum, atque furere & æstuarè, siquis eos læserit, multis exemplis vidimus. Prætereà, quâ spe subjectæ sunt vanitati Gentes, aut quis eas subjecit, non suâ sponte? Denique, loquitur Apostolus de *futurâ gloriâ* (ver. 17.) tandem revelandâ, quâ nobis ait abundè compensatum iri, quicquid, in hoc sæculo, malorum patimur. Quid hoc igitur ad gentes, aut bona quæcunque hodierni sæculi? Porro,

hæc *liberatio Creaturæ* conjungitur (ver. 21.) cum *gloriosâ liberatione Filiorum Dei*, veluti Synchrona: illa autem ad futurum sæculum unicè spectat, ergo hæc itidem eodem referenda est. Neque minùs ἀπολύτρωσις τῶ σώματι (ver. 23.) tempus Resurrectionis respicit, ut ex aliis Scripturæ locis satis patet. (Luc. xxi. 28. Ephes. i. 14. & iv. 30.) nec rebus quibuscunque hujusce vitæ adaptari potest. Postremò, Quam connexionem haberent ea quæ sequuntur (ver. 24.) cum præcedentibus, si de conversione Gentium ageretur? *Spe enim salvamur*, inquit Apostolus: nempe cum dixisset antea nos expectare redemptionem corporis, subjungit nondum re, sed spe tantum, nos salvos esse: vitam futuram indicans. Summa est, siue antecedentia attentas, si consequentia, siue ipsum textum, in eo conspiciant omnia, ut venturam fœlicitatem denotent, & in futuro sæculo terminentur.

His, opinor, satis constat, per τὴν κτίσιν in hoc sermone Apostolico nihil aliud intelligi posse, quàm, quod vox sonat, *mundum conditum*, siue rerum naturam; prout aliàs accipitur ab hoc autore sacro (infra ver. 39. supra cap. i. 25.) adeoque frustra esse Neotericos istos, qui ad alienas significationes invitum trahunt hoc vocabulum. Neque minùs incongruum est,

est, *Futuram Gloriam*, quam memorat Apostolus: *liberationem à servitute & corruptione: corporis redemptionem*: ad hodiernum sæculum restringere. Hæc mundum futurum quasi digito demonstrant: quemadmodum vanitatis, servitutis, & corruptionis status, hodiernum. Denique, hanc vanitatem cum rerum natura non habuerit ab initio, sed eò postea prolapsa sit, ex consilio divino, ut innuit Apostolus: patet, duos jam subisse status rerum naturam; & tertium, eumque hodierno præstantiorem, subituram esse. Unde conficitur, quod initio diximus, Triplicem mundum, sive triplici mundi naturalis statum & successiōnem, in hoc sermone Apostolico includi & repræsentari.

Hæc, fundamenti loco, subjecimus ex sacris literis, de triplici mundorum ordine. Quem multipliciorem adhuc è veteribus nonnulli statuerunt. Volunt enim Stoici, alios aliis succedere mundos indefinenter, per Diluvia & Conflagrationes, innumeris vicibus, repetita. Quem erro-

Theor. lib.
3. c. 3.

rem alibi notavimus. Quinetiam è Græcis reliqui, qui de Periodis mundanis philosophantur, earum numerum non definiunt: neque id explicant, quoties renovabit faciem rerum natura, & ubi tandem desinet. Ad doctrinam Christianam cæteris accedit propius illa Zoroastri: quam,

ex

Theor. l.4. ex Theopompo desumptam, antea exposuimus: hæc mundum claudit, Morte & Inferno abolitis, cum sanctorum virorum beatitudine, corporibusque cœlestibus: neque *umbram spargentibus, neque cibi indigis*. Quæ est vera rerum nostrarum atque mundi nostri consummatio. Sed de his hæctenus.

C A P. III.

Forma Telluris primigeniæ, & præcipue ipsius differentiæ ab hodiernâ. Harum differentiarum manifestæ notitiæ apud Antiquos reperiuntur.

DIXIMUS supra, Tellurem primigeniam alterius fuisse formæ & fitûs, ab hodiernâ. Idque non tantum rationibus physicis, sed etiam ex Antiquorum monumentis, tam sacris quàm prophanis, innotescere. Exponendum igitur proximo loco, quæ Forma, quis fitus, quod discrimen, utriusque Telluris: ut illius discriminis vestigia quæramus apud veteres: iisque repertis, sententiæ nostræ veritatem, diu absconditam, multo tempore exesam, & tenebris obductam, quasi novâ luce detegamus. Orbis Terrarum, hodierni & primævi, multifariæ sunt & innumeræ differentiæ: quæ

quæ tamen revocari possunt omnes ad duo capita : ad *Formam* nempe, & *Situm*, utriusque Telluris. Ab his enim profluunt, tanquam à suis fontibus, aliæ multæ varietates & discrimina.

FORMA & situs hodiernæ Telluris, notissima sunt : Globus noster est bipartitus in mare & terram : globus scopulosus, montosus, salebrosus, cavernosus : ac si esset moles disrupta aut confracta. Situs autem hujus Globi, est obliquus ad Solem, sive ad axem Eclipticæ : unde varias subit temporum vicissitudines, in anni sui curriculo : Hyemem & æstatem, & media æquinoctia. Ita se habent sedes nostræ : hinc vitam laboriosam brevemque trahimus. Jam mutemus Theatrum, & finge tibi, si lubet, scenas partesque contrarias : terrarum orbem, integrum, continuum, sine mari, aut voragine marinâ : lævem & æquali ubique superficie, sine montibus, scopulis, cavernis aut cavitatibus. Denique rectâ ad Solem conversum, sive protensum in lineâ parallelâ ad axem Eclipticæ ; unde omni careret temporum inæqualitate, & perpetuo vere vel æquinoctio, gauderet.

HÆC est Tellus primigenia, vel ipsius imago. Hæ conditiones ipsius primariæ, peculiaris *Forma* & *Situs*, quibus ab hodiernâ maximè distinguitur. Observandum deinceps, si quas harum rerum

rerum notitias reperire licet apud veteres, ut eorum testimoniis & autoritate vincamus eos, qui à naturâ petitis argumentis non facillè cedunt. Notandum autem imprimis, Hanc Formam Telluris primigeniæ, secundum sententiam nostram, periisse in Diluvio universali : & ex illo tempore, atque ex illâ clade, ortam esse hodiernam. Quâ in re sequimur Apostolum Petrum, qui primum mundum, nempe primos cœlos, primamque Terram, in Diluvio periisse ait, 2 Epist. iii. 6. Loqui enim Apostolum, eo in loco, de mundo naturali, & non tantum de humano genere, dubitari non potest, si antecedentia attendamus : quod enim *Mundum* nuncupat *versu sexto*, proximè præcedenti *Cælum & Terram*, sive rerum naturam, appellârat. Neque Derisorum istorum objectioni, (ver. 4.) ab immutabili statu mundi naturalis deductæ, aptè occurrit Apostolus, nisi ad id, de quo erat quæstio, congruat responsum. Quæstio autem erat de mundo naturali, & si non eodem referatur responsum, nihil erit ad rhombum. Denique, præcedentem Mundi interitum in Diluvio memorat Apostolus, in argumentum futuri interitus in Conflagratione : nulla autem esset vis hujus argumenti, nisi mundus naturalis perierit in Diluvio ; cum id probandum fuerit Apostolo,

postolo, Mundum naturalem in Conflagratione perituum esse. Ita ferè arguit Apostolus contra hos Pseudo-philosophos. Quod factum, fieri potest : Sed mundus jam periit, Natura semel naufragium passa est : quid ni iterum pereat, quid ni secundo naufragium patiatur ?

SED pergamus in proposito : non tantum enim dicimus Terram primævam periisse in Diluvio, sed etiam diversam fuisse, forma & qualitatibus, ab Hodiernâ. Atque hanc diversitatem comprobare mihi videtur idem Sanctus Petrus, in eodem Sermone de revolutione Mundi : nisi causam suam deferere, aut, quod nefas est, male tractasse supponamus. Sed ne fraudem facere videamur sacro auctori, æquum erit ipsius verba apponere, quæ ita se habent. * *Venient in novissimis diebus in deceptione Illusores, juxta proprias concupiscentias ambulantes : Dicentes, ubi est promissio, aut adventus ejus ? Ex quo enim patres dor-*

* 2 Pct. iii. 3, 4, 5, 6, 7.

Ἐλεῦσονται ἐκ' ἐσχάτου τῶν ἡμερῶν ἐμπαίτται, κατὰ τὰς ἰδίαις αὐτῶν ἐπιθυμίας πορευόμενοι. Καὶ λέγοντες, Πῶς ἐστὶν ἡ ἐπαγγελία τῆς παρουσίας αὐτοῦ ; ἃς γὰρ οἱ πατέρες ἐκοιμήθησαν, πάντα ὥτω διαμένει ἀπ' ἀρχῆς κτίσεως. Λαυθάνει γὰρ αὐτοῖς τὸ τοῦ θεοῦ θέλοντας, ὅτι ἕρποντες ἦσαν ἔκκαλοι, καὶ γῆ, ἐξ ὕδατος καὶ οἱ ὕδατες συνεσώσα, τῷ τῷ θεῷ λόγῳ. Δι' οὗ ὁ τοῦ κόσμου ὁδεὶς κατακλυσθεὶς ἀπώλετο. Οἱ δὲ νῦν ἕρποντες καὶ ἡ γῆ τῷ αὐτοῦ λόγῳ τεθησαυρισμένοι εἰσὶν, πρὸς τηρέμενον εἰς ἡμέραν κρίσεως καὶ ἀπολείας τῶν ἀσεβῶν ἀνθρώπων.

orum : quin id potiùs roborat & confirmat. Nam si eadem fuit & immutata naturæ facies ante & post Diluvium, eadem semper fuit ab ipso rerum initio : id quod contendebant *οἱ ἑμπαῖκται*. Itaque, ex hâc interpretatione, non tantum non refellit, sed concedit Apostolus id quod erat refutandum.

SECUNDO, exprobrat, ut vides, Apostolus his Pseudo-philosophis suam ignorantiam, ver. 5. Cujusce autem rei ignorantiam ? non Diluvii in genere : Judæi enim erant, quibus scripsit Petrus : idque arguit ipsa hæc phraseologia, *Ex quo Patres obdormierunt*, quæ est purè Judaica. Judæos autem latere non potuit Diluvium Noachi, lectitatis unoquoque sabbatho libris Mosis : sed ignorabant, vel se ignorare simulabant, Cælos Terramque antediluvianos aliter quàm hodiernos, constitutos esse : iisque pereuntibus in strage Diluvii, τὸς νῦν ἑσθλὸς καὶ γῆν successive, alterius formæ & qualitatum ab antiquis. Hanc iis ignorantiam vel oblivionem exprobrat Apostolus.

TERTIO, si nulla fuit diversitas inter rerum naturam ante-diluvianam & post-diluvianam, versus ille quintus est supervacaneus & inutilis : frustra que memorantur Cæli & Terra ante-diluviani, in exemplum mutabilitatis naturæ (pro-
ut

ut argumentum postulabat) si iidem fuerint in utroque mundo, sine ullâ mutatione.

QUARTO, ex eâdem suppositione, in versu sexto illatio fit sine fundamento, consequentia sine præmissis. * Δι ὧν, inquit Apostolus, ὁ τότε κόσμος ἀπώλετο. Propter quæ verò? vel propter quas causas, inundatus periiit iste mundus? Annon propter illam constitutionem situmque, respectu aquarum, quem versu præcedenti annotârat? Hoc concesso, habes discrimen inter utrumque mundum, & consequentiam ritè deductam: hoc non concesso, nulla est vis consequentiæ aut illationis.

DENIQUE, in versu septimo, opponuntur Hodierni Cœli & Terra antediluvianis: Οἱ νῦν ὕερανὸς καὶ ἡ γῆ, τοῖς ἐκπαλαι ὕερανὸς καὶ γῆ. quemadmodum infrâ (ver. 13.) novi cœli & terra distinguuntur ab hodiernis. Quod si prorsus eadem fuisset utraque compages, ante-diluviana & post-diluviana, nullus esset locus huic antithesi, nulla distinctionis ratio. Quin potius vice particulæ adversativæ, dicendum fuisset Apostolo, οἱ αὐτοὶ ὕερανὸς καὶ ἡ γῆ, &c.

* Δι ὧν, Per quæ Vulgat. Quamobrem; Bez. Quâ de causâ, sive quia talis erat qualem diximus constitutio Terra & Cœli, Grot.

&c. iidem Cœli & Terra, qui aquis antea demersi fuerunt, igni jam reservantur. Ità enim loquitur de *Logo* vel *verbo Dei*, τὸ αὐτὸς λόγος, inquit, ver.7. eodem nempe,quem memorârat antea,ver. 5. Et si Cœlum & Terra fuissent utrobique iidem, non minùs quàm Spiritus Sanctus, cur illis notas distinctionis, huic unitatis, præfixit ?

Hæc pluribus exposui, quod probè nôrim, hunc locum Sancti Petri multis esse lapidem offendiculi : nos autem super hanc petram Theoriam Telluris potissimum ædificamus, quoad authoritatem sacram ; & immobile fundamentum hoc semper duximus. Neque prorsus nova est, aut singularis, quam dedimus, hujus loci interpretatio. Nam plures commentatores, vi verbi coacti, fatentur Apostolum hic loqui de mundo naturali. Et nonnulli Cœlos & Terram, ante-diluvianos, periisse (quod formam, intelligo) & hodiernos ab iis diversos esse, ex authoritate hujus sermonis Apostolici asseruerunt. Ita certè Sanctus Augustinus, qui, pluribus in locis, Mundum antiquum naturalem periisse ait, & hodiernos Cœlum & Terram, alios esse ab antiquis : quinetiam interitum Mundi in Diluvio, futuro ipsius interitui in Conflagratione, non semel comparat & æquiparat ; idque in exponendo hoc ipso argumento Divi

X

Petri.

Petri. Ita de Civitate Dei, l. 20. c. 13. hæc habet: *Apostolus commemorans factum ad Diluvium, videtur admonuisse quodammodo, quatenus in fine hujus sæculi Mundum istum perituum esse credamus. Nam & in illo tempore, P E- R I I S S E dixit, qui tunc erat, mundum; nec solum orbem terræ, verum etiam cælos. Dein cum admonuisset, hanc cladem pertingere non potuisse ad supremos cælos, stellasque altissimas: subdit, Atque hoc modo (penè totus aër) cum Terrâ perierat; cujus Terræ utique prior facies (nempe ante-diluviana) fuerat deleta Diluvio. Qui autem nunc sunt Cæli & Terra, eodem verbo repositi sunt, igni reservandi; proinde qui Cæli & quæ Terra, id est, qui mundus, pro eo mundo, qui Diluvio periit, ex eadem aquâ repositus est, ipse igni novissimo reservatur. Vides ex his paucis, totum argumentum Apostoli, ad mundum naturalem, ipsiusque in Diluvio dissolutionem retulisse Sanctum Augustinum. Id quod etiam * alibi testatur*

* S. August. de C. D. l. 20. c. 24. Agens contra Porphyrium, qui mundi eternitatem & immutabilitatem, pariter ac hi illusores, tuebatur: Locum Prophete citat, Cæli peribunt: comparatque hunc locum cum illo Sancti Petri, ubi Cælum & Terra, ante-diluviana, periisse dicuntur, his verbis, Legitur, Cælum & Terra transibunt, Mundus transiit, sed puto quod Cælum

tur pluribus in locis : quæ, pro lubitu & otio Lectoris perlegenda, in margine apposui.

ITA sensit, ita philosophatus est, Sanctus Augustinus. Neque tamen existimo, vel ipsi, vel aliis veterum innotuisse modum interitus aut mutationis antiqui mundi in Diluvio : nec forsan qualis fuit Cœli & Terræ facies ante-diluviana, quam deletam esse ait in illâ clade. Neque enim ex contemplatione naturæ aut ratiocinatione præeunte, in hanc sententiam descendisse videtur Augustinus, sed auctoritas & lumen sacri scriptoris hanc ei extorsere conclusionem : nonnihil adjuvante forsan, obscurâ aliquâ, de rebus Diluvianis vel Ante-diluvianis, traditione.

HACTENUS ostendimus distinctionem & diversitatem in genere inter Mundum

X 2

ante-

Cœlum præterit, transit, transibunt, aliquanto mitius dicta sunt, quàm PERIBUNT. In Epistolâ quoque Petri Apostoli, ubi aqua inundatus, qui tum erat, periisse dictus est Mundus, satis clarum quæ pars Mundi à toto significata est, & quatenus periisse dicta sit, & qui Cœli repositi igni reservandi. Dein, quæ aut quota pars universi perit in Diluvio, *infra explicat* : In Apostolicâ illâ Epistolâ à toto pars accipitur, quod Diluvio periisse dictus est Mundus, quamvis sola ejus, cum suis cœlis, pars ima perierit. Denique in *expositione* Psal. ci. ad illa verba jam memorata, Cœli peribunt : hoc semel ait contigisse in Diluvio, secundum Apostolum Petrum : apertè dixit hoc Apostolus Petrus, Cœli erant olim & Terra, de aquâ & per aquam constituti, Dei verbo. Per quod, qui factus est mundus, aquâ inundatus, deperit. Jam ergo dixit, periisse Cœlos per Diluvium. *Vid. etiam c. 16. ejusdem libri, ubi figuram mundi mutatum iri, in conflagratione, ut olim in Diluvio.*

ante-diluvianum & hodiernum, ex verbis Sancti Petri. Sed in quo constitit illa diversitas aut diferimen, non ità apertè dicitur. Dicitur quidem ille mundus *ex aquâ & per aquas, constituisse*. *Consistere* autem *per aquas*, si ad Terram referatur, idem esse videtur ac *sustentari per aquas*: vel *fundari super aquas*, secundum phrasin Psalmistæ, Psal. xxiv. 2. vel *extendi* aut *stabiliri* super aquas, prout alibi dicitur ab eodem prophetâ, Psal. cxxxvi. 6 vel denique, in verbis Sapientiæ, *formari, ut orbis, super faciem Abyssi*. Prov. viii. 27. Hæc omnia eodem collimare videntur: nempe ut nobis indicent situm Telluris ante-diluvianæ: *consistentis vel sustentatæ per aquas, fundatæ vel extensæ super aquas*; vel quod cæteris disertius est, *paratæ per modum Orbis super faciem Abyssi*. Hæ locutiones sacræ tam inter se conveniunt, quàm cum Theoriâ nostrâ: quâ, primum terrarum orbem, in superficie aquarum, vel super faciem Abyssi, undique construximus.

Vid. Theor.
l. i. c. 5.

ATQUE eo magis placet hæc expositio, quòd hujusmodi situs & constitutio Telluris antiquæ, eam redderent obnoxiam Diluvio; id quod planè innuit Apostolus: cùm enim dixisset Terram ante-diluvianam *ex aquâ, & per aquas constituisse*, subdit, *Quamobrem, sive quam ob causam,*

causam, nempe propter illum situm vel constitutionem, *mundus iste obruebatur*. Quod pariter multis ostendimus, liquidisque rationibus, in Theoriâ: scilicet L. I. c. 6. Orbem illum Terrarum Abyſſo ſuperſtructurum, obnoxium fuiſſe diſſolutioni: atque ex illâ diſſolutione, lapſuque in Abyſſum ſuppoſitam, ortum eſſe Diluvium univerſale.

HÆC de ſitu Telluris ante-diluvianæ, reſpectu Aquarum vel Abyſſi. Aliud planè eſt ipſius ſitus reſpectu Solis & Cœli: quem in conſeſſione illâ, capite ſecundo propoſitâ, maximè reſpeximus. Hunc ſilet Scriptura Sacra, vel obſcurè ſignificat: ſed authores exotici huiusce ſitûs non pauca retinuerunt indicia, nec obſcura; prout infra videbimus. Id tantum quærendum hîc reſtat, qualis eſſet, ſuppoſito illo ſitu Telluris ante-diluvianæ reſpectu Aquarum & Abyſſi: Qualis, inquam, eſſet ipſius ſuperficies? aſpera & montofa, vel lævis & æquabilis? æquabilis proculdubio, ſi ubique ſuperincubuit Abyſſo; formam enim ipſius ſequeretur, ut glacies aquæ ſuppoſitæ. Neque ulla eſſet ratio aut cauſa inæqualitatis in hoc orbe Terrarum: nulla origo montium, ſcopulorum, ſalcebrarum, aut quarumcunque aſperitatum. Denique, quoad mare, vides incluſum eſſe in viſceribus Terræ, ſub nomine Abyſſi: latuitque abſconditum uſque

ad disruptionem magnam in Diluvio : *cùm aquâ inundatus periit mundus ille Antiquus.*

HACTENUS quadrant omnia ad illam, quam dedimus, Telluris primigeniæ ideam vel descriptionem. Quadrant, inquam, omnia in his authoribus sacris. Sed quid ad hæc alii Authores ? Fateor apud veteres parcius & tenuius tractari hoc caput de Formâ Telluris primæ : hanc, fertilem, foelicem, aureamque dixere, sed formæ ipsius vix meminerunt. Sæpe quidem comparant Ovo : quod, præter alia in quibus conveniunt, superficiem testamve habet lævem & æqualem ; sed nihil memini de Montium natalibus aut origine apud gentes. Authores quidam Christiani, mediæ aut sequioris ætatis, Terram ante Diluvium æquabiliorē fuisse hodiernâ, si non penitus æqualem, ausi sunt affirmare. Ita *Beda**, *Historia*† *Scholasticæ* author, *Glossa ordinaria*‡, *Alcuinus**, *Rabanus Maurus*, aliique. Sed horum autoritas in se spectata, non est magni ponderis : at quatenus sunt veterum sequaces, & traditione tacitâ receptam, vel ex antiquis & ineditis manuscriptis haustam, deferunt ad nos sententiam, aliunde verisimilem, testes sunt non contemnendi. Sed pergamus ad reliqua.

* In 2 Pet. ii. 5. & de sex dierum creat.

† c. 34.

‡ In Gen. vii.

* Interrog. 118.

C A P. IV.

*De naturâ, modo, & causis Diluviorum :
& potissimum de universali.*

S E Q U I T U R disquisitio de Diluvio, cujus hic meminit Apostolus, eoque periisse ait Mundum Antiquum. Quale autem fuit hoc Diluvium, ex quibus causis originem traxit, quâ ratione obruit terrarum orbem, ardua est, & ab omni ævo agitata, quæstio. Nos ad hunc nodum expediendum, in *Theoriâ Telluris* tria præstitimus: primò, quantitatem aquæ requisitæ ad Diluvium universale, quod maximorum montium cacumina tegeret & involveret, investigavimus: comperimusque manifesto calculo, eam superatutam esse molem & magnitudinem octo minimùm Oceanorum. Secundò, tantam aquarum vim nullibi reperiri posse, si omnes aquæ thesauros, sive in Cœlo, sive in Terrâ, sive denique subterraneos, exhaustas: claris rationibus ibidem ostenditur. Tertiò, si quomodocunque, aut undecunque, adducta esset in Terras hæc prodigiosa aquarum massa, eandem amolendi nulla esset ratio: neque modus cognitus, aut possibilis, absumendi, aut aliunde derivandi, tantam aquarum conge-

Lib. 1. c.
2, 3.

riem. Ex hisce tribus capitibus, unâ collatis, rectè probatur, Hodiernam Terram non esse obnoxiam Diluvio: neque, ratione suæ formæ & sitûs, ejusdem capacem. Secundò, Terram ante-diluvianam alterius fuisse formæ & sitûs ab hodiernâ: aliter istoc genere fati non periisset. Saltem non ob dispositiones suas naturales, prout nos docet Apostolus. Denique, suppositâ illâ formâ & situ, sive illa constructione, quam antea dedimus, antiquæ Telluris, super faciem Abyssi (quæ tam scriptoribus sacris, quàm naturæ legibus rerumque ortui ex Chao, est conformis:) ex illius dissolutione, lapsuque in Abyssum suppositam, oriretur Diluvium universale. Idque tale, quod singulis phænomenis responderet, omnibusque occurreret objectionibus: neque enim inopiâ aquarum laboraret hæc hypothesis, neque easdem aquas abducere & amoliri, finiente Diluvio, difficile esset; & quæcunque alia vulgares hypotheses premunt incommoda, in hac nullum locum habent, aut nullam vim exercent.

At dices forsan, hujusmodi hypothesein de dissolutione Terræ, & eruptione Abyssi, respondere quidem omnibus phænomenis, tam Diluvii universalis, quàm hodiernæ Telluris, sed hanc dissolutionem esse fictitiâ, sive gratis dictam. Respondeo, Hypothesis illa, quæ singulis subjectæ
ma-

materiæ phænomenis competit & congruit, non habetur fictitia, aut gratis dicta; suas partes explet, suo officio fungitur: & in iis rebus naturalibus quæ non subjiciuntur oculis, nulla est alia philosophandi aut veritatem indagandi ratio, quam per hujusmodi Hypotheses. Sed quoad dissolutionem Terræ & disruptionem Abyssi in Diluvio, duo sunt prætereà observanda: primò, quid de hac re tradidit historia sacra. Secundò, quid historia naturalis Diluviorum, de modo & causis eorundem prodidit: Si Terræ hiatus, si eruptiones aquarum, & similia, in minoribus diluviis, tanquam propria & adjuncta, memorat; in maximis multo magis his causis gravioribus opus esset.

QUOAD primum igitur, memorat Moses in historiâ Diluvii, disruptam fuisse tunc temporis magnam Abyssum, sive *Tehom-Rabbah*, quod fieri non potuit sine ruptione vel dissolutione Terræ. Prætereà, hanc disruptionem statuit causam primariam Diluvii: exierunt itaque vel eruperunt aquæ subterraneæ ex hac Abyssò, quæ terrarum orbem inundabant. Neque tantùm hiâsse Terram, sed etiam prolapsam esse in suppositam Abyssum, id satis arguit, quòd aliàs non expulsæ fuissent è suis sedibus aquæ subterraneæ: multò minùs sese efferre potuissent ad altitudinem maximorum montium, nullo facto

facto in eas impetu aut impulsu. Denique, cùm Diluvium de quo loquitur Moyses, non esset huic aut illi regioni proprium, sed diffusum per terrarum orbem, inde liquet, ruinam illam vel dissolutionem Terræ, quâ emotæ & expulsæ erant aquæ, fuisse generalem: partesque omnes nostræ hypotheseos, narratiunculam illam Mosi paucis complecti & comprobare.

Huius disruptioni *Tebom-Rabbah*, non dissimilis est locus in Historiâ Jobi, cap. xxxviii. ubi natales Oceani celebrantur, cum prodiit ex utero Terræ; ita enim intelligo *uterum* illum, unde dicitur erupisse mare; fractis claustris quibus occludebatur. Verba hæc sunt, secundum Septuaginta: Ἐφραζα ἡ θάλασσα πύλαις, ὅτε ἐμαίμασεν, ἐν κοιλίᾳ μητρὸς αὐτῆς ἐκπορευομένη. *Conclusi autem portis mare, cum fremeret, ex utero matris suæ egrediens.* Quæ ita explicuit interpres: Τὸ ἐμαίμασεν, ἀπὸ τῆς οἵσεως ὁριωτικῶς ἔχει καὶ δάπερ π βρίσκει ἀποκυνθῆναι τῆς ἀβύσσου ἡπείγου. *Fremet vel fureret, id est, violento impetu ferretur, impulsæ ad exeundum ex Abyssō, tanquam infans ad partum.* Conveniunt ferè omnes per *uterum*, hic intelligi Abyssum, magnam matrem Oceani: & in Paraphrasi Chaldaicâ legitur expressè כַּחֲבֵלִים מִן *de Abyssō*. Sed cum duplex fuerit, secundum nos, Abyssi status, laxus & diffusus; cùm Terræ superficiem undique tegebat, in

in primâ rerum formatione ; dein, inclusus in utero aut visceribus Terræ, unde tempore Diluvii erupit : Quæritur de quo statu Abyssi, primo vel secundo : aperto vel clauso, accipienda sunt hæc verba. Manifestum mihi videtur, cum de *erup-tione* maris *ex utero* sermo est, id velle, mare fuisse clausum antea, instar fœtus in utero ; & exinde prodiisse, viis reclusis, vel fractis repagulis. Nam in Abyssu apertâ, diffusâ, & fluitante in superficie Globi, nullus esset uterus, nulla eruptio ex utero. Rectè igitur vetus interpret Jobi, *Hoc factum*, inquit, *cum omnes fontes Abyssi magnæ aperti erant : proinde vulvam, Terræ matris sinum æstimo.* Quod pluribus exponit confirmatque Casp. Sanctius in locum. Neque frustra quidem : necesse est enim per hunc uterum, magnum aliquem sinum aut recessum intelligamus, cumque subterraneum ; unde prorupisse dicitur Oceanus, vel tanquam partus, vel proluvies aquarum, quæ sequi solet partum.

Quæ præterea sequuntur de fotu & involutione hujus fœtus recens nati, eodem spectant : cœlique & æris faciem, æstuantem diluvio, eleganter exprimunt. *Quum* Ver. 9. *ponerem nubem, vestimentum ejus : & ca-* Ἐτίμην δὲ αὐτῇ νίφος ἀμφιάσιν, ἀμίχλη δὲ αὐτὴν ἐ-σπαράγαντα. *ligine, tanquam fasciis, aut pannis infantie, obvolverem.* Durante æstu aquarum Diluvialium, & labentis mundi tumultu-

tumultu, nebulis, & nimbis, & excussis in altum fluctibus, impletæ erant omnes terris vicinæ regiones. Atque his nubi-
bus, & caliginoso aëre, quali mollioribus pannis, involutum erat mare, cùm primum, ex utero magnæ matris Terræ, non dicam in lucem prodiit, sed in auras qualescunque prorupit.

NEQUE minus congruit quod sequitur, ver. 10. de hodierno maris alveo, & appositis in litore rupibus & vallis, quibus coërcentur ipsius fluctus. *Circumdedit illud terminis meis, & posui vectem & ostia. Et dixi, usque huc venies, & non procedes amplius: & hic confringes tumentes fluctus tuos.* Ita vulgata. Paulò aliter Tremellius: *Cùm diffregi pro eo Terram decreto meo: & apposui vectem & valvas. Dicens, hucusque venies, & ne procedito: & hic opponet se litus superbiæ fluctuum tuorum.* Eodem res redit ex utrâvis versione. Terræ marisque post-diluvianorum formam & situm hæc verba definiunt, cum laxatas & sævientes aquas, ad suos alveos, sub fine Diluvii, relegavit & restrinxit Deus: obicesque posuit & repagula in oris maritimis, secundum fœdus cum Noacho initum, ne denuo inundarent terras.

ALIA sunt sacrorum scriptorum loca, quæ dissolutionem Terræ significare videntur,

dentur, idque in Diluvio. Propheta
Isaias, mundi cladem & dissolutionem
descripturus, incipit ab iisdem verbis qui-
bus usus est Moyses, in descriptione Diluvii,
אֲרֻכּוֹת מַמְרֹוס נִפְתָּהוּ: nec aliter utrobi-

Isa. xxiv.
18, &c.

que *Septuaginta*, *ἡνεὶς ἐν τῷ ἔργῳ ἡνεαίχθησαν.*

Unde cætera quæ sequuntur in eadem de-
scriptione, ad Diluvii formam modumque
pariter alludere censenda sunt. Verba
autem prophetæ sic se habent. *Catarac-
tæ de excelsis apertæ sunt, & concutien-
tur fundamenta Terræ. Confractiōne
confringetur Terra: Contritione conte-
retur Terra: Commotione commovebitur
Terra: Agitatione agitabitur Terra, si-
cut Ebrius.* Hæc, ut vides, Terræ mo-
tus, dissolutiones, concussiones, & omne
genus ruinarum, indicant. Quæ, si ad
futurum mundi excidium referenda cen-
seas, saltem ex præterito futurum descri-
bere videtur Propheta, & in utroque per-
turbatum & dissolutum Terrarum orbem
supponere. In altero ejusdem Prophetæ

Isa. liv. 9.

loco, ubi de Diluvio agitur, ait Deus se
fœderi & promissis Noacho factis, semper
staturum: neque montes aut colles in
posterum commoturum. Verba secun-
dum *Septuaginta*, hæc sunt: Ἀπὸ τοῦ ὕδατος
τοῦ ἐπὶ Νώε, τὸ τό μοι ὄρι. Καθὼπ ὥμοσα αὐτῷ ἐν
χερσὶ ἐκείνῳ, τῇ γῇ μὴ θυμωθῆσθαι ἐπὶ σὺ ἐτι,
μὴδ' ἐν ἀπειλῇ σε τὰ ὄρη μεταστίσιθαι, ἐδ' οἱ βερεὶ
οὔ μετακινήσονται. *Ab aquâ quæ fuit sub*

Noe,

*Noe, hoc mihi est: sicut juravi ei in tempore illo, Terræ nequaquam ultra irasci propter te, neque in comminatione tuâ montes transferre, neque colles tui commovebuntur. Hoc exemplar in-
nuuit, everfas fuisse terras, divulsas, & suis sedibus emotas, in Diluvio: Deum-
que jurasse ait, hæc nunquam reditura, neque ideo Diluvium.*

SACRORUM Authorum loca alia, quæ de subversione aut dissolutione Terræ verba faciunt, Diluvii universalis tempus statumque, tanquam mundi naufragium, atque iræ divinæ monumentum maximum, respicere mihi videntur. Cujusmodi sunt illa dicta Jobi ix. 5, 6, &c. xii. 14, 15. Atque illud Prophetæ, Amos ix. 5, 6. *Jehovah tangente Terram, dissolvitur: conscenditque quasi rivus totam, quasi rivus Ægypti, & submergitur, &c.* Illud etiam Haggai ii. 6. *de duplici Concussione Cæli, Terræ, Maris, siccæ: Præteritâ & futurâ: quicquid figuratè significet, uti futuram de Conflagratione, ita præteritam de Diluvio, ^{εὐστροφῆς} interpretor.* Denique in Psalmis, de concussione Terræ & fundamentorum ipsius, sæpiùs fit mentio: & quandoque afflictæ & periclitantis Ecclesiæ conditio, quam Arca Noæ repræsentabat, verbis, quæ vim & æstus ipsius Diluvii notant, adumbratur, Psal. xlii. 7. & xlv. 1, 2, 3. maxi-
mè

mè verò Psal. xviii. ubi per omne genus tempestatum, & cœli & terræ motuum, scena Diluvii, ut mihi videtur, vivide depingitur. *Tum commota tellus contremiscere cœpit, & concussæ montium moles cohorrescere : namque iratus ille.*

Ver. 8, 9,
10, 11, &c.

Fumum naribus exhalans, ardentem ignem faucibus ejaculans, & carbonibus exardescens.

Proclinato cœlo descendebat, & subjectâ suis pedibus caligine.

In Cherubo inequitans volabat, sequeralis venti librabat.

Circumdederat autem sibi quasi latibulum tenebrarum, atrarumque aquarum, & ætherearum nubium quasi umbraculum.

Quibus nubibus ad ejus præsentia fulgorem discussis, grando & candentes emicabant carbones.

Tum Jova supremus de cœlis intonare, cumque fragore grandinem & igneos agere carbones.

Telaque sua jaculans illos dissipare, & crebris reddere fulguribus attonitos.

Ad has Jovæ minas, & spirantem ex ejus naribus ventum, aperti sunt aquarum gurgites, & fundamenta Orbis habitabilis patefacta.

Tum

Tum ille me desuper recipiendum, & ex tam multis aquis curavit extrahendum.

HI motus & procellæ, quæ numinis præsentia, (ut solent omnia magna, apud Prophetas) attribuuntur, nullibi occurrunt aut locum habere possunt in historiâ sacrâ, nisi sub tempore sævientis Diluvii: cum ruptâ Abyssò magnâ, & effusis nimborum Cataractis, cælum terris misceri videretur. Neque multò dissimilem Naturæ faciem in Diluvio, tam quoad cælum quàm terram, depinxit Philo Judæus, tractatu de Abrahamo. Ubi, cum aquarum undique confluxus motusque turbulentos, descripserat, subdit: Πάντα ἢ ὑρανὸν βαθεὺ καὶ σύννεφες νεφέων ἐπέχε, καὶ πνεύματα ἢν ἐξαίτια· πάταγοι δὲ βροντῶν καὶ ὀπλάμψεις ἀστραπῶν, καὶ κεραυνῶν φορεαί, καὶ καταρρήγνυμύδων ὄμβρων ἀπαύσεων, ὡς νομίσαι τὰ μέρη τῶ πάντων εἰς μίαν φύσιν ἢ ὕδατος ἀναστοιχειέμεθα σπύδιον· ὥς τῶ μὲν ἀνωθεν καταρράττανται, τῶ δὲ κάτωθεν ἐπανίσκονται, μετόρτια ἤρθη τὰ ῥέειντα, οἷς ἢ μόνον ἢ πεδίαις καὶ ὅση χθιμαλὴ κατακλυδιῖται ἠφανίση, ἀλλὰ καὶ ἥν ὑψιλοτάτων ὄρων αἱ κορυφαί. Πάντα γὰρ τὰ μέρη τῆ γῆς εἶδον καθ' ὕδατος, ὡς πᾶσαν καθηρπάδειν, καὶ τὸ κόσμον ἀκρωτειαδίεντα μεγάλῳ τμήματι, ἢ παντλή καὶ ὀλίκληρον, ὃ μήτε εἶπεν, μήτε νοῆσαι θέμις, λελοβῆσθαι δοκεῖν. Ἀλλὰ γὰρ καὶ ὁ αὐτὸς ἔξω μέρος βραχέων τῶ κατὰ σελήνην, ἅπας ἀνήλωπ, νικηθεὶς ὑπὸ τῆς τῶ ὕδατος βίας καὶ φορέας. Denique ait, Πάντα τὰ τῶ κόσμου μέρη, δίχα ἥν κατ' ὑρανὸν, ἐκινῆθη παρὰ φύσιν, ὡς ἀν

βα

Βαρεῖα καὶ θανάσιμα νόον νοήματα. Quùm nulli repererim apud veteres uberiores Diluvii descriptionem, nec imaginem magis vividam; hæc dicta, longiuscula licet, referre non gravabar: quæ ita ferè reddidit Interpres. Nec aër quiescebat interim, *Obtecto cælo toto densis & continuis nubibus, procellis quoque furentibus; simul tonitruum crepitus, micationes fulgurum, ictusque fluminum, & cum impetu dejecti imbres perpetui, faciebant, ut videretur totus mundus abire & dissolvi in naturam aqueam. Donec è supernis Cataractis, infernisque fluentis, tanta moles undarum succrevit, ut non campi tantùm, & depressa loca operirentur, sed & altissimorum montium cacumina. Omnes enim Terræ partes submersæ sunt, ut, illâ ereptâ, mundus magnâ sui portione mutilaretur: & qui prius integer illæ fuisse fuerat, mancus, (*quod cogitatu, dictuque nefas est) esse videretur. Quin & aër, nisi quâ Lunari circulo vicinus est, pene totus absumptus erat, victus aquarum violentiâ & impetu, quæ regionem ejus penitus invaserant. Denique omnium mundi partium, præter cælestes, natura laxata fuerat, quasi morbo quodam gravissimo & fatali correpta. Multa sunt, ut vides, in hâc delineatione Diluvii, sacri Prophetæ verbis cognata & affinia: procellas & turbines, fulgura &*

* Scilicet Philo voluit mundum esse incorruptibilem.

fulmina memorat, densosque nimbos, quasi liquefacto cœlo, & confusâ mundi compage. Fatendum est tamen, virum eloquentissimum ad prophetici sermonis altitudinem assurgere non potuisse. Neque verbis quidem exprimi potest, aut animo concipi, tristis naturæ imago, durante æstu Diluvii. Quod Cœlum, Quas Terras, Quem Aëris vultum, pingemus? Cœlum sine Sole aut Syderibus: fractas aut læsas ubique Terras: hiantem Abyssum: Aërem, aquis, tenebris, & intermicantibus ignibus, horrendum: præter turbines, fluctuum collisiones, & ruentium molium fragores & tonitrua. Denique, hoc modo confusis omnibus, aut primum Chaos, aut supremum Diem, in hoc mundi naufragio videre videor. Sed de Diluvio satis, quoad Authores sacros.

CONSULENDA est deinceps Historia prophana, & Authores exotici: nempe quid illi prodiderint de modo & causis diluviorum, quæ scriptis mandârunt, & quorum nobis conservârunt aliqualem memoriam, nunc in his, nunc in illis regionibus. Atque id ausim dicere generatim, maxima, quæ ab historicis traduntur, diversarum regionum diluvia, ab iisdem causis provenisse, aut ab eodem causarum ordine, quo Oecumenicum illud jam supra explicuimus. Nempe à disruptione terræ,

terræ, lapsuque in hiatum suppositum, aquis repletum ; unde aquæ illæ subterraneæ, ruentis molis impetu expressæ & elisæ, campos aut provincias circumvicinas inundant. Prætereà, hanc dissolutionem terrarum comitari solet, aut præire, Terræ motus : quo solum concutitur, & à situ suo impellitur. Denique, regiones cavernosæ utrique horum, tam Eluvionibus, quàm Terræ-motibus, præ aliis sunt obnoxie. Hæc summam causæ complectuntur, atque horum omnium testem adducturi sumus historiam naturalem : & exemplis inde petitis, quod superius expositum fuit in descriptione Diluvii universalis, id sæpius in aliis occurrisset, sub minori mole, & quasi minoribus tabellis depictum videbimus.

TRIBUS modis in genere, contingere solent Inundationes : aut irruptione maris in terras humiles, dirutis superatissime aggeribus, à naturâ vel ab arte factis. Aut immodicis pluviis. Aut denique eruptionibus aquarum subterranearum. Prima non fit nisi in terras humiles, ut dixi, ipsius maris superficie depressiores ; neque altius assurgunt aquæ aut longius grassantur, nisi æstu aliquo, aut subitâ tempestate propulsæ. Quare huiusmodi Eluviones contingere non possunt, nisi in regionibus maritimis : iisque non arduis aut montosis. Quoad secundum genus in-

undationum, cùm sensim fiant, permagnæ esse non possint; primarum enim pluviarum aquæ elapsæ sunt, antequam ultimæ aut penultimæ accedunt: ideoque prata tantùm, aut fluminibus contiguos campos, aut pagos, obruere solent: neque in iisdem diù morari, cùm per fluviorum alveos facilè exonerentur, & in mare decurrant. Et notare hìc licet, uti nullâ Oceani exundantiâ, propter ipsius situm, terris humiliorem; ita nec ullis pluviis, oriri unquam posse Diluvium universale; quoniam quantumcunque aquarumingas ex terrâ & aquis eductum, cùm in pluvias coactum redit ad easdem terras & aquas, non nisi tantundem loci occupabit quantum antea occupaverat: ut nulla inde effici possit generalis inundatio. Verum quidem est, primo impetu, cum terra nondum imbibierit suam partem, erit quædam eluvies: at ubi, facta distributione, natura ubique suum repetierit, redeunt omnia ad pristinum statum; & pluviis tantum aquæ reficitur, quantum vaporibus exierat. Tertium denique Diluviorum genus, quod à terræ-motibus & eruptionibus aquarum subterranearum oritur, gravissimum est, & funestis cladibus, five rerum naturam spectes, five genus humanum, infame. Hinc absorptæ Insulæ quandoque, aut continentis tractus magni submer-

submersi, montes in voragines mutati, & terra firma in mare. Denique mutationes maximæ & transformationes, quas in hodierni orbis facie oriri cernimus, aut olim ortas novimus, hinc originem traxêre. Neque minùs in homines & animalia grassantur hæc diluvia, Civitates cum suis incolis hinc deletæ, agri & sylvæ cum feris, & regiones terræ cum suo qualicunque apparatu: ut magni & æcumenici Diluvii, quo periit totus terrarum orbis, vera sint compendia.

DE his igitur diluviis nobis agendum est speciatim, & è multis nonnulla feli-genda, ex quorum intuitu & comparatione cum maximo illo & mundano, ipsius causas, & modum, & rationes omnes ab ipsâ historiâ edocti, & exemplis cognatis, faciliùs agnoscamus. Meminimus a-libi, in hâc materiâ, subversionis Sodo-Theor. fac. l. 1. c. 6.mæ & Gomorrhæ, & regionis Pentapolis, horrendæ quidem cladis: quam, uti sulphuris imbribus à cœlo dimissis inchoatam, ità accedente magnâ terrarum disruptione & aquarum, quæ subtus latebant, exundantiâ, perpetratam & perfectam esse novimus. Licet enim Moses non meminerit explicatè nisi sulphuris & ignis cœlitus illapsum hisce urbibus & locis, cum ei in usu sit causas maximè mirabiles & divinas recensere, cæteris silentio prætermis-
Y 3
men

Li. 16. m.
p. 764.

men iis vocibus quæ *subvertere* & *subversionem* significant, & quæ à Septuaginta ibidem & alibi sæpius reddi solent per καταστροφήν. Unde sanctus Petrus utriusque ordinis causas conjungere videtur, 2 Epist. ii. 6. cùm dicit περὶ τῆς καταστροφῆς κατέκεινεν, *in cineres redactas subversione damnavit*. Ambas etiam causas complexus est Strabo, & uberius exposuit utriusque signa & reliquias, in Lacûs Asphaltitis qui inde exortus est, descriptione : Διηκνύουσιν, inquit, πέτρας τινὰς ὀπτακαυμύδας τραχεῖας καὶ σύειγσαι πολλαχῶ καὶ γῆν περρώδην. Κατοικίαι δὲ ἀνατίτραμύδας σποράδην αἴτι περὶ τὴν τοῖς θρυλλομύδοις ὑπὸ τῆς ἐγχαρείων, ὡς ἄρα ὁ κύων τό ποτε τρισκαίδεκα πόλεις ἐν ταύτῃ, ὧν τῆς μητροπόλεως Σοδόμων σώζοιτο κύκλῳ ἐξέχοντά πε σαδίων ὑπὸ σεισμῶν καὶ ἀναφυστημάτων πυρρῆς, καὶ θερμῶν ὑδάτων ἀσφαλτωδῶν τε καὶ θειωδῶν ἡλίμνην περὶ πόσι, καὶ πέτρας πυρίληπτοι γίνονται αἵ τε πόλεις αἱ μὲν καταποθεῖεν, αἱ δ' ἐκλείποιεν οἱ δυνάμειοι φυγεῖν. *Ostendunt petras exustas & asperas & cavernas cæcosque meatus, & terram cinerosam, & habitationes hinc inde everfas ; quæ cuncta fidem faciunt famæ apud indigenas receptæ : In hoc loco tredecim urbes olim habitatas fuisse, quarum caput Sodomā adhuc sexaginta stadiorum habeat superstitem ambitum : terræ autem tremoribus, & ignis aquarumque calidarum & bituminosarum*

rum & sulphurearum eruptione, extitisse lacum, saxa ignem concepisse; urbium alias absorptas, alias à fugientibus incolis derelictas.

HÆC satis explicita sunt, neque plures testes adducere opus est, cùm res ipsa loquatur, viditque omnis posteritas, videatque hodiè, in regione illâ Pentapoli sive Asphaltidis, triplicis exitii vestigia, per ignem, aquam, & absorptionem.

DE his igitur urbibus, & agris Sodomiticis satis: alias jam videamus, quæ ab iisdem causis, nempe Terræ-motibus diluvialibus, ut ita dicam, obrutæ perierunt. Licet enim distinguere Terræ-motus in illa duo genera, Siccis & Diluviales: Diluviales autem sunt Chasmatix, ut dicuntur. *Qui grandiori motu, ut verbis Am. Marcellini utar, patefactis subito voratrinis, terrarum partes absorbent, ut, in Atlantico mari, Europæo orbe potior insula: & in Crisæo sinu, Helice & Bura: & in Criminiâ Italiæ parte, oppidum Succiniense: profundo hiatus absorpta, æternis tenebris occultantur.* Cùmque in profundis terræ cavitatibus semper lateant aquæ, hi motus Chasmatix fere semper sunt Diluviales: si enim terra rupta propendeat & subsidat in suppositam voraginem, proruunt aquæ & impetuosè circumquaque projiciuntur,

Lib. 15.

L. 12.
p. 378.

L. 15.

ciuntur, ut non tantum præceps ruat quicquid incubuit illi terrarum tractui, si-
ve sylvæ, sive oppida, sive animalia; sed
etiam vicinæ regiones integræ licet & in-
fractæ, ex aquarum, quæ eructantur, im-
petu & diffusionem, damnum cum cæte-
ris sæpe participant. Rectè igitur Nep-
tunum, & diluviorum & terræ-motuum
Deum, finxerunt Antiqui, referente Di-
odoro, qui cum irato Neptuno subversio-
nem Buræ & Helices, de quibus postea,
attribuisset, rationem sententiæ suæ subdit,
διὰ τὸ ὅτι σεισμῶν καὶ ὅτι κατακλυσμῶν, τῶτον τὸν
θεὸν ἔχειν διελθῆναι τὴν ἑξέσιν, *quod terræ-
motus & diluvia Deus iste in potes-
tate habere credatur.* Id etiam ob-
servare licet, easdem regiones esse ἐυσεί-
τους καὶ εὐκατακλύστους, cum à communi causâ ea
proveniant, nempe cavernosâ terræ sub-
structione. Unde non malè observatur
à Strabone de Phrygiâ ipsiusque terræ mo-
tibus frequentioribus, ἐμφαίνων ἅμα τὸ πο-
λύτρητον τῆς χώρας καὶ τὸ εὖσειτον, addi etiam
potuit καὶ τὸ εὐκατακλύστον, illud enim quod
appellat τὸ πολύτρητον, *cavernosum* vel *fora-
minosum*, utriusque causas continet. Hanc
etiam cavernositatem notavit in Eubœia,
(l. 10. p. 447.) atque in Bœotiâ, (l. 9.
p. 406, 407.) Eandem de Peloponne-
so memoravit Diodorus Siculus. Unde
regionem Græciæ, & contiguam ex u-
traque parte, tam Asiæ, quam Europæ,
juxta

juxta litora Ægæi & fursum versus Euxinum & deorsum secundum oram Mediterranei, voraginosè constructam esse facile suspicarer. Atque in his terris tam diluvia quàm terræ-motus frequentius contigisse historia testatur.

Id de Asia
minori no-
tat Solinus,
c. 43.

His ità notatis in genere circa terræ-motus, maximè diluviales, horum aliquot exempla jam recenscamus; neque multùm refert quo ordine. Olympiade 88. contigit ille apud Locrenses qui Civitatem Atalantem cum suo agro à Continente avulsit & in Insulam convertit. Hujus Historiam præter alios memorat Diodorus Siculus, hisce verbis: *Ἡλικίτους δὴ συνέβη τὸς σεισμοὺς γενέσθαι κατὰ πολλὰ μέρη τῆς Ἑλλάδος, ὥστε καὶ πόλεις τινὰς ὁπθαλαπτίως ἐπικλύσασθαι τὴν θάλασσαν διαφθίρειν καὶ κατὰ τὴν Λοκρίδα χερσονήσου καθεσώσης, ῥῆξαι μὲν τὸν ἰσθμὸν, ποιῆσαι δὲ νῆσον τὴν ἰσημαζομένην Ἀταλάντην. Tam horrendæ verò tùm Terræ concussiones passim in multis Græciæ partibus acciderunt, ut superinfusa maris unda multis per litora urbibus magnam labem attulerit. Et cùm Locridis antea tractus peninsula esset, perrupto violenter Isthmo, Insulam, quæ Atalantæ nomen gerit, effecerit. Per terræ-motum itidem, in suppositam voraginem, absorpta dicitur à Strabone urbs Eubœia, quæ suæ Insulæ nomen gessit.*

L. 12. m.
fol. 111.

L. 10.

TERRÆ-

TERRÆ-MOTUS quo periit in Bithyniâ urbs Cyzicum, cùm pulcherrimo ipsius templo, diluvialis erat; referente Ziphilino in vitâ Antonini Pii; cùm rem ex parte narrâffet, subdit, Περὶ δὲ τὴν μεσόγειον ἄνω κορυφῆς ὅρας διασάσης θαλάσσιον φασιν ἐκχυθῆναι κῆμα, ἐπὶ πολὺ τε τῆς γῆς ἐλθεῖν ῥιπτομένην τὴν ἄχρην ἀκρότα καὶ διαυγῆς θαλάσσης. *In mediterreo sive ipsâ terrâ continente, hiante montis vertice, ferunt fluctuum marinarum vim effusam esse, spumamque vel asperginem puri & limpidi maris procul inde in terram projectam fuisse.* Idem Ziphilinus in enarrandâ clade Antiochiæ per terræ-motum, subsidentiam montium & aquarum effusiones translationesque conjungit, *Ὅρη δὲ ἀλλὰ ἐφίησαν, καὶ ὕδωρ πολὺ, ἐκ δὲ μὲν πρῶτερον, ἀνεφάνη, πολὺ δὲ καὶ ῥέον ἐξελίπη. *Subsidere præterea alii montes, (nempe præter Corasium,) & aquæ ubi antea visæ fuerant nunquam, extiterunt; contra nonnulla, ubi fluxerant antea, defecerunt.*

In vit. Tra-
jani p. 251.

M. fol. 363,
364.

PLURES memorantur hujusmodi terræ-motus diluviales apud authores antiquos, præ cæteris autem infamis est illa, quæ, circa Olympiadem centesimam, totam ferè Achaiam concussit, & duas civitates, Buram & Helicen, abruptis, ut inquit Orosius, locorum hiatibus devoravit. Meminit hujus cladis Diodorus Siculus, l. 15. & pluribus explicat, quorum hic

hîc summam excerpam: Ἐπὶ δὲ τέτων κατὰ τὴν Πελοπόννησον ἐγένοντο σεισμὶ μεγάλοι καὶ κατακλυσμὶ χώρης καὶ πόλεων ἄπιστοι, &c. ἐγένετο δὲ τῷ τὸ πάθος τῆς Ἀχαιῆς περὶ δύο πόλεις, Ἑλίκην τε καὶ Βούραν, ὧν τὴν Ἑλίκην τε συνέβαινε μέγιστον ἔχειν ἀξίωμα πρὸς τὸν σεισμόν.

Sub his (principibus) tam enormes in Peloponneso terræ-motus & aquarum inundationes per regionem illam & urbes acciderunt, ut res omnem pene fidem excedat. Clades hæc duas præcipuè urbes Achaïæ Helicen & Buram corripiebat, quarum illa maximam inter Achaïæ urbes dignitatem ante terræ-motum illum obtinuerat. Dein hujus causas explicaturus, cum primò, irato Neptuno hanc cladem tribuisset, rationem physicam postea subnectit: Πρὸς δὲ τέτοις τὴν Fol. 365.

Πελοπόννησον κατὰ βάθος ἔχειν μεγάλα κοιλάματα καὶ συστάσεις ὑδάτων ναματιαίων μεγάλας, κ.τ.λ. *Ad hæc sunt in Peloponneso magnæ in visceribus terræ cavitates, ubi vasti etiam fiunt aquarum hinc inde confluentium & scaturientium lacus aut conceptacula.*

Atque hæc sunt terræ-motuum & absorptionum & inundationum causæ. Huic exemplo Buræ & Helices subjungit aliud Pausanias in Achaïcis, de Idæâ urbe in Sipylo monte, his verbis: Τοῦτό γε δὴ κατέλαβεν καὶ ἔτερον, τὴν Ἰδέαν ἐν Σιπύλῳ πόλιν ἐς χάσμα ἀφανισθῆναι ἐξ ὅτου καὶ ἡ Ἰδέα κατεάγῃ, τῷ ὅρῳ ὅδωρ ἀντόθεν ἐρρεῖν καὶ λίμνη τὸ ὄνομα ζαμίνη Σα-

λόη τὸ χάσμα ἐγένετο. *Tale quid accidit etiam alio loco, cùm Idea, in Sipylo urbs, in hiatus terræ absorpta evanuit. Ex quo autem confracta fuit urbs, statim e monte profluxerunt aquæ, & vorago illa facta est lacus, vel stagnum, dictum Saloe.* Addit dein, καὶ ἐρείπια πόλεως δῆλα ἦν ἐν τῇ λίμνῃ, πρὶν ἢ τὸ ὕδωρ ἀπέκλυεν αὐτὰ τῷ χειμάρρῳ. *Et in ipso lacu manifestò cernebantur urbis rudera, donec aquarum limosis torrentibus obducta fuerant.* Quod etiam de Helice dicitur. Denique, ut plura exempla non addam, notissima est historia demersæ Atlantidis apud Platonem, à Sacerdotibus Ægyptiacis recepta. Quæ licet fabulosa nonnulla, ut solent narrationes antiquæ, admista habeat, alicujus regionis permagnæ per terræ-motum & aquarum eruptionem, absorptæ, non fallacem memoriam retinet. Sed de his satis.

Ab his exemplis facilè transitur ad causam nostram, & ad partes nostras: cum enim in minoribus hisce diluviis terrarum hiatus & dissolutiones intervenisse, ab historiâ edocti noverimus; in maximo illo, de quo agitur, haud æquum est supponere leviores causas. Et quemadmodum his terris aut urbibus absorptis & demersis, lacus subterraneos subjacuisse constat; ità si totum Terrarum orbem Abyssò Magnæ incubuisse, in primâ rerum

rum constructione, supponamus, eumque dissolutum esse, tempore Noachi; universalis Diluvii causas non minùs conspicuas, quàm in minoribus istis, ante oculos habebimus; effectisque suis atque suis claudibus utrobique pares. Denique, peracto Diluvio, hodiernæ Telluris facies, tam quoad formam, quàm situm, & cætera quæcunque Phænomena, ex his aquis, ex his ruinis, derepentè emergeret. Id quod in Theoriæ libro primo, capite sexto & sequentibus, plenè & perspicuè declaravimus.

SUPEREST unicum, quod prætermisimus, idque præ cæteris celebre diluvium, Deucalionis intelligo; quod instar universalis, deleto toto genere humano, à Græcis exhiberi solet. Est etiam antiquius Deucalioneo Ogygium: sed præter ipsum nomen, & tenuem rei memoriam, nihil ultra retinemus de modo aut causis istius inundationis. Quinetiam priscus Ogyges multis esse videtur Noachus ipse, & suum diluvium idem cum Noachico: mutatis nominibus, & mutilatâ chronologiâ & historiâ, quod in rebus pervetustis non rarò accidit. Hoc igitur misso, alterum Deucalionis paulisper expendamus, ut siqua maneant vestigia hiantis & dissolutæ terræ, quod in multis aliis reperimus, in hoc etiam observemus. Terram scissam & divulsam fuisse in diluvio
Deu-

Deucalionis, testatur illud Apollodori: Τότε δὲ, de hoc diluvio loquitur, καὶ τὰ κατὰ Θεσσαλίαν ὄρη δίδεσθαι, καὶ τὰ ἐκτὸς Ἰσθμοῦ καὶ Πελοποννήσου συνεχίσθαι πάντα. *Tunc secesserunt, vel discessum aut hiatum fecerunt, montes Thessalici, & quæ sunt extra Isthmum & Peloponnesum, turbata & confusa sunt omnia.* Scio, Interpretem Apollodori aliter reddidisse δίδεσθαι, ac si immunes fuissent à diluvio hi montes, sed notum est διαστῆναι ea dici quæ secessum & hiatum faciunt. Atque ita occurrit supra in descriptione terræ-motûs in Bithyniâ ex Ziphilino: Κορυφῆς ὅθεν διαστάσας, inquit: *dirempto vel biante montis vertice.* Neque aliter rem intelligo de montibus Thessalicis. Secundum illud Senecæ: *Aiunt aliquando Ossam Olympo cohesisse, deinde terrarum motu recessisse, & scissam unius magnitudinem montis in duas partes.*

Nat. Quest.
lib. 6.c. 25.

Est præterea locus notatu non indignus apud Lucianum, de hiatu Telluris in Templo Hieropolitano: sacrisque à Deucalione institutis circa hunc hiatum, in memoriam sui Diluvii. Cùm illius eluvionis historiam secundum Græcos, enarrasset Lucianus, subdit: Τὰ μὲν Δευκαλίωνος περὶ Ἕλληνας ἰστορέουσιν. Τὰ δὲ ἀπὸ τέττε, λέγειναι λόγος ὑπὸ τῶν ἐν τῇ ἱερᾷ πόλει, μαγάλως ἀξιόσπουδάσκει, ὅτι ἐν τῇ σφετέρῃ χώρῃ χάσμα μέγα ἐγένετο, καὶ τὰ σύμψαν ὕδωρ κατεδύξατο. Δευκαλίων δὲ,

δὲ, ἐπεὶ τὰδε ἐγένετο, βαμῶς τε ἔθετο, καὶ νηὸς ἐπὶ τῷ
 χάσματι, ἥρης ἅγιον ἐποίησεν. — Σῆμα ἦ τ' ἰσοείας
 τόδε πρήναι· δις ἐλάττω ἔτεσσι ἐν θαλάσσης ὕδατος
 ἡ νηὸς ἀπικνέεται, φέρεται ἢ ἐκ ἰσῆς μύρον, ἀλλὰ πᾶσα
 Συεὶν καὶ Ἀραβίην, καὶ πέραθεν τῷ Ευφράτη, πολλοὶ ἄν-
 θρωποι ἐς θαλάσσαν ἔρχονται, καὶ πάντες ὕδατος φέρεται.
 Τὸ, πρῶτα μὲν ἐν τῷ νηῷ ἐκχέουσι, μετὰ ἢ ἐς τὸ χάσ-
 μα κατέρχεται· καὶ δέχεται τὸ χάσμα, μικρὸν ἔδον, ὕ-
 δατος χρημῖμα πολλόν. Τὰ δὲ ποιεόντες, Δευκαλίωνα
 ἐν τῷ ἱερῷ τόνδε νόμον δέδοται λέγουσι, συμφορῆς τε καὶ
 εὐεργασίας μνῆμα ἔμμεναι. Ὁ μὲν ἄν ἀρχαῖος ἀν-
 τὶς λόγος, ἀμφὶ τῷ ἱερῷ, τοῖσιν δὲ ὄντι. *Hæc
 sunt, quæ de Deucalione referunt Graeci.* De iis verò quæ postea consecuti
 sunt, fertur quidam sermo ab iis qui
*Hieropolim incolunt, magnâ certè admi-
 ratione dignus. Quod in ipsorum vide-
 licet regione hiatus quidam Terræ factus
 fuerit, ac totam illam aquam absorbue-
 rit. Deucalion autem cùm hæc ità fac-
 ta essent, Aras constituit, & Templum
 Junoni sacrum, supra hiatus illum, e-
 rexit. Signum autem, quo fidem histo-
 riæ huic faciant, hoc peragunt. Bis
 unoquoque anno, ex mari aqua in Tem-
 plum defertur; afferunt autem illam non
 sacerdotes modò, sed tota Syria, & Ara-
 bia, & qui trans Euphratem incolunt
 multi, eunt ad mare, atque omnes inde
 aquam afferunt. Ac primò, quidem in
 Templo effundunt illam, dein in hiatus
 defluit, recipitque hiatus ille, quamvis*
 ex-

exiguus, immensam vim aquæ. Hoc cum faciunt, ritum & legem Templi istam instituisse aiunt Deucalionem, ut cladis pariter, partæque salutis monumentum esset. Talis est vetus de Templo hoc sermo.

Gen. viii.
20.

EST quidem hoc insigne monumentum disruptæ Terræ in Diluvio Deucalionis: quæ disruptio, tam cladis quàm salutis, author erat. Nam ex illo hiatu proruperunt aquæ, & in eodem, defervescente diluvio, refederunt. Utrumque memorant Heliopolitani: & quemadmodum Noachus, finito Diluvio, *Aram erexit Domino*; ita & aras & templum construxisse dicitur Deucalion, ad celebrandam rei memoriam. Quot denique, & quanti populi confluerunt ad hunc ritum peragendum Heliopoli? plures utique quàm Hierosolymas unquam adicere in maximè solenni festo. Et si totius orbis incolæ cò convenissent, tanto cœtui non impar fuisset occasio: cum demolito, ut nos credimus, mundo antiquo, mutata fuit naturæ facies. Neque aliter de hâc clade sensisse videntur veterum illi, quorum meminit Seneca: *Nec sine concussione mundi tanta mutatio est* (loquitur de Diluvio universali) *ut quidam putant, inter quos Fabianus est.* Dein capite 29. de eodem argumento hæc habet: *Quidam existimant Terram quoque concuti, & divisio*

Nat. Qu.
lib. 3. c. 27.

vulso solo, nova fluminum capita detegere, quæ amplius, ut è pleno, vel Abyffo & inexhausto penu, profundant. Sed de hiatu & dissolutione Terrarum in Diluviis, hæc fufficiant.

C A P. V.

De situ Telluris primigeniæ, ad Solem recto; & secutis inde proprietatibus: Quales sunt, Ver perpetuum, sive perenne Equinoctium, per totum terrarum orbem: Cælum Impluvium & sine Iride: Primorum hominum Longævitas.

DISTINXIMUS suprà Tellurem Primigeniam ab Hodiernâ, duplici modo, *Formâ & Situ*. Situs autem ille diversus, itidem duplex erat, vel respectu suæ fabricæ & positionis super aquas Abyffi: vel respectu Solis & Cœli. De priori actum est: de altero, sive cœlesti, superest ut agamus. Quod, cùm in hâc quæstione primarium sit, unde aliæ profluunt differentiæ, & conditiones notabiles, cò diligentius quærendum est, si, præter rationes naturales, suppetant testimonia veterum, ad illum naturæ statum confirmandum.

Z

DE

DE Aureo sæculo, atque ævo Saturni, multa tradidere veteres, à sæculis nostris & hodiernâ naturâ, planè aliena: quæ, tam propter causarum ignorantiam, quàm intermissas plerumque fabulas, fidem rarò impetrabant. Quibus verò perspectum est, quo fundamento nititur ille rerum status primigenius, & à quibus causis oritur illud discrimen ab hodierno, iis non difficile erit, à fabulosis vera distinguere, & à spuriis genuina: sepositisque malis, reliqua bono animo amplecti gaudebunt, atque maximi facient, tanquam Historiæ naturalis antiquissimum monumentum.

PRIMÆVAM Tellurem, quoad rationes Physicas, in secundo libro Theoriæ, satis explicuimus; neque hîc repetenda sunt istius Theoriæ principia, sed conclusiones: illa autem de quâ agitur impræsentiarum, hæc est; *Situm Telluris primævæ fuisse rectum*, posito, retentoque semper suo axe, in lineâ parallelâ ad axem Eclipticæ. Unde motus cælorum essent omnes uniformes, cursusque anni simplex & sine temporum differentiis. Quæritur jam, siqua manent vestigia hujusce formæ anni, hujusce motûscæli, & mutati deinde rerum statûs in hodiernum.

ORDIAMUR à Platone, suæ gentis & sæculi ornameto. Qui res divinas plerumque tractat, sed traditiones nonnullas ad-

admodum antiquas, de mundo naturali, de ipsius periodis, catastrophis, & mutationibus magnis; quas, opinor, in Ægypto peregrè agens à Sacerdotibus collegat; sparsim proponit: præcipuè verò in tribus Dialogis, Timæo, Politico, & Phædone. De posterioribus tantum hic agendum est, & primum de Politico sive de Regno. Ubi sub nomine Fabulæ, de Saturni ævo vel regno, geminum Mundi ordinem, primævum ac hodiernum, & utriusque conditiones, exhibet. Ait autem hanc narrationem suam traditam fuisse ab antiquissimis temporibus, & à majoribus nostris qui proximè contingebant primam mundi revolutionem.

Ἀπαιμνημονεύετο ὃ ὑπὸ τῶν ἡμετέρων περιγόνων τῶν πρώτων, οἱ τελευτώσῃ μὲν τῇ περτέρᾳ περιφορᾷ τὸν ἕξῃς χρόνον ἐγγετόνεν, &c. M.p. 271

IN hoc sermone, duplicem ætatem mundi, ut dictum est, ac duplicem naturæ & rerum humanarum statum, distinguit: sub Saturno primum, sub Jove alterum. Et quod maximè spectat ad propositum nostrum, in ævo Saturni dicit, motum cælorum fuisse uniformem, idque ætatis aureæ, ac fœlicitatis, tam naturalis quàm humanæ, causam fuisse & fundamentum. Postea verò ingravescente hominum nequitiâ, declinasse rerum naturam, in quandam cælorum ἀναρμόσιαν, quod, sub Jovis regno, malorum fons &

P. 169.

origo extitit. Τότε ὃ ὁ θεὸς μετέβαλεν αὐτὸ ἐπὶ τὸ νῦν σχῆμα. *Tunc Deus universum mutavit in illam quam jam habet formam.* Denique hunc duplicem cœlorum statum, omnium mutationum, quæ nobis in Terris, aliterve contingunt, maximarum, causam esse ait. Quare cùm hunc duplicem

P. 170.

ordinem explicuisset, subdit statim: Λογισάμενοι ὃ ξυννοήσωμεν τὸ πάθος ἐκ τοῦ νῦν λεχθέντων, ὃ πάντων ἔφαμεν εἶναι τῶν θαυμαστῶν αἰτίον· ἔστι γὰρ ὃν δὴ τὸ αὐτὸ, τὴν αὖ πάντες φερόμεν τότε μὲν, ἐφ' ἧ νῦν κυκλεῖται, φέρεται, τότε δ' ἐπὶ τὰναντία.

Ex his quæ dicta sunt, rem eam vel passionem, quam omnium esse diximus mirabilium causam, animadvertimus. Est autem hæc ipsa: universi motum quandoque ferri, prout nunc volvitur, quandoque contrario modo. Dein rem ultra prosequitur his verbis: Ταύτην τὴν μεταβολὴν ἡγεῖσθαι δ' αὖ τῶν περὶ τὸν ἑρανὸν γινόμενων τροπῶν πασῶν εἶναι μεγίστην καὶ τελειοτάτην τροπὴν· μέγισται ποίουν καὶ μεταβολὰς χρὴ νομίζειν γίνεσθαι τότε τοῖς ἐσθλὸς ἡμῖν οἰκῶσιν αὐτῷ. *Mutationem hanc existimare oportet omnium cœlestium alterationum maximam & consummatissimam.* Quocirca æquum est putare, tunc maximas circa nos, qui intra ipsum cœlum habitamus, mutationes contingere. Sequitur postea subobscura commentatio de corporum nostrorum labefactione, mutato cœli cursu: & eorundem renovatione fu-

futurâ, ubi cœlum redierit ad suum motum regularem.

Hoc primum caput atque summa rei est : à cœlorum motu, regulari & irregulari, mundi sublunaris pendere statum, fœlicem vel infœlicem. Notandum verò, id quod ille cœlo tribuit, reverâ soli Telluri tribuendum esse : cujus recto vel obliquo situ, oritur in motibus cœlorum illa congruentia vel ἀναρμοσία. Præterea, cum motus Cœli vel Telluris mutatur, non vertitur in retrogradum, prout fingere videtur; sed ex recto fit obliquus & inclinatus : unde omnia illa phænomena sequuntur, quæ retroactò cœlo attribuit. Sed pergamus ad reliqua.

Ab hoc capite primario alia profluunt, atque illud proximè, Temporum æqualitas, five Annus ἀχέμας, absque ullâ tempestatum differentiâ. Id notavit Plato his verbis : *Τυμνοὶ δὲ καὶ ἀσφατοὶ θυραυλαῖς καὶ πολλὰ ἐνέμοντο, τὸ δὲ τῶν ὥρων αὐτοῖς ἄλυτον ἐπέκραπ.* *Nudi verò, & sine stratis, sub dio plerumque habitabant : nam anni tempora ita erant temperata, ut iis nulla inde esset molestia.* Scio hæc aliter reddidisse Serranum : sed, nec vim sententiæ, nec vim verborum, conservavit. Præterea, ex loco, in Phædone cognato, satis patet mens Platonis, ubi ait, *Τὰς δὲ ὥρας αὐτοῖς κρεῖσιν ἔχειν τοιαύτην, ὥστε ἐκείνους ἀνόσους εἶναι.* Pro

ἀλυτον legit Proclus ἄλυτον. sed eodem

Theol. Plat.
lib. 5. c. 7.
m. p. 260.

sensu, in hæc verba, Τὴν γὰρ τῶν ἀνθρώπων κρατὸν ἀ-
λυσὶν ἔχουσι. *Habent enim quatuor anni*

temporum indissolubile constansque tem-

peramentum. Denique eodem mihi re-

M. p. 288. spicere videtur Plato in *convivio*, cū
hunc Anni, sive ἀνῶν, statum κόσμον, vel
ordinatum, qui olim obtinuit, *Amori* ad-
scribit temperato: hodiernum verò, sive
ἀνοσμίαν, ut appellat, intemperato. Sed
in re clarâ non diutiùs immorandum.

P. 271,
272.

PRÆTEREA, spontaneam terræ fertili-
tatem, ferarum mansuetudinem, & in
regimine διοκράσιας, memorat. Characteres
insignes, quos ab Iſaia prophetâ (cap. lxxv.
17, &c.) desumpsisse videretur. Theo-
crasiam illam sæpius repetit, unde totum
hunc sermonem de rerum mutationibus
introduxerat: de Magistratûs origine,
variisque ipsius generibus præcipuè dis-
serturus. Ait, in primo rerum statu,
Deum ipsum unicè exercuisse imperium.
Sed degenerante humano genere, & per-
verso naturæ ordine, Deum recessisse à
mundi gubernaculo, & se quasi abdicasse
magistratu; permissâ hominibus licentiâ
mundum regendi suo modo. Hæc liberiùs
dicta sunt: rectè tamen, tam primi sæ-
culi, quàm, mundo renovato, futuri,
Theocrasiam indicant. Atque hodierni
mundi regimen effrænatum, quasi mali
dæmonis instinctu natum, actumque, his
tacitè reprehenditur,

DE

DENIQUE, licet in his mundi revolutionibus & catastrophis, nec Diluvii, nec Conflagrationis, meminerit Plato: ingentem tamen concussionem Cœli & Terræ, sub hâc rerum conversione, memorat; atque ex illa concussione perturbata omnia, & extincta omne genûs animalia. Quod dissolutioni, cladique, in Diluvio factis, tam mundi animati, quàm inanimis, secundum sententiam nostram, non obscurè respondet. Dein, Renovationem mundi futuram, & resumptam Theocratiam in illo sæculo, hic apertis verbis celebrat: 'Ο θεὸς πάλιν ἐφεδρεῖ αὐτῷ τῇ πηδαλίῳ γιγνόμενῳ, τὰ νοσήσαντα καὶ λυθίοντα ἐν τῇ καθ' αὐτὸν περιτέρῃ περιόδῳ στίψαι, κοσμεῖ τε, καὶ ἐπανορθῶν, ἀθάνατον αὐτὸν καὶ ἀγήρω ἀπεργάζεσθαι. *Deus rursùm mundi gubernacula repetit, agrotasque & dissolutas in præcedente periodo, mundi partes restituens, ornat eas atque emendat: ipsumque proinde immortalem & senectutis expertem constituit.* Hæc, Futurum Sæculum, novos cœlos atque novam Terram, auream ætatem redivivam, manifestò respiciunt; cùm instaurabitur natura pristina & primæva; eadem Cœli facies, eadem Terræ; &, præsentē Numine, res humanæ, sub divinis auspiciis & regimine, summâ pariter fœlicitate ac pulchritudine gaudebunt.

SED de his satis. Id obiter notandum, Periodos & conversiones Mundanas innotuisse quidem Antiquis: sed de earum numero & ordine iis minus constitisse. Ex sacris literis nobis constat, Mundum jam semel periisse, idque in Diluvio; atque iterum semel periturum esse, in conflagratione; neque plures fore percundi vices: has autem singulas numerare & distinguere non ità promptum erat Antiquis. Denique ut verum fateamur, in omnibus gentium Archæologiis est quædam confusio & perturbatio: atque in hac ipsâ re, de quâ nunc agitur, id optimè monuit in superioribus Plato:

P. 169.

Ταῦτα τοίνυν ἔσι ξύμπαρτα ἐκ ταυτῶ πάθους, καὶ πρὸς τέτοις ἑτερομυεία, καὶ τέτων ἐπ θανάσότες. Διὰ τὸ χρόνι πλῆθος, τὰ μὲν αὐτῶν ἀπίσβηκε, τὸ δὲ διὰ τὰς παρῶν εἰρηλα χρεὶς ἔχεται ἀπ' ἀλλήλων. *Cuncta hæc* (loquebatur de conversionibus Mundanis atque ævo Saturni) *ab eâdem causâ proveniunt, & alia præter hæc permulta, his longe mirabiliora: verùm longinquitate temporis, ex iis nonnullorum planè extincta est memoria, alia, dissipata & distracta, seorsim & sine nexu memorantur.* Juvabit, non tantum in hoc argumento, sed in aliis etiam rebus priscis tractandis, hoc monitum retinere fideliter, & sæpius revolvere.

Hæc

Hæc ex Politico Platonis, de regulari & uniformi cœlorum motu, vel Telluris situ, Annique æqualitate, in primis Mundi sæculis. Sequitur in Phædone locus non dissimilis, excutiendus. Notandum verò illud, tanquam Theorema primùm in hâc materiâ, & dictorum à Platone, tam in Politico, quàm Phædone, fundamentum, *διτλὰς εἶναι διακοσμίῃς αὐτῆς*, duas esse mundi constructiones, formâ & situ diversas. Quam diversitatem in Politico explicuit ratione Cœli maximè: hic autem in Phædone, ratione Terræ; & sub nomine Telluris cujusdam puræ, & in æthere positæ, multas proprietates enumerat, quæ hodiernæ Telluri minimè congruunt: nostræ autem primigeniæ, aut novæ futuræ, quàm optimè. Illæ verò dictæ proprietates reduci possunt ad duo capita, Situm & Formam: &, utroque respectu, Telluri primigeniæ aptè accommodari possunt, hodiernæ repugnant.

PRIMO, quoad situm, supponit Plato Terram suam Æthercam & Pa-
P. 109.
 radisiacum hodiernâ nostrâ, non majorem tantùm, sed etiam multo sublimiorem,
 & quasi in æthere positam. Quemadmo-
Theor. l. 2.
c. 9.
 dum Patres nonnulli Christiani Paradisum hodiernâ Terrâ altiore statuērunt, & ferè ad orbem Lunarem evehunt. Hoc nihil aliud mihi indicat, quàm primum orbem

In Tim. β.
κ. p. 56.

orbem habitabilem, super Abyſſo conſtructum, hodierno reverâ fuiſſe altiore, & in puriori cœlo, quaſi in æthere, poſitum. Hanc Terram Platonis, cùm memorat Proclus, ait, *doctrinam illam à ſacrâ Ægyptiorum famâ traditam eſſe*, ὁ δὲ Πλάτων ἡμᾶς μὲν ἐν κοίτῃ φησιν οἰκῆν, αὐτὴν δὲ φησὶ εἶναι ἀεὶ ὅλην ὑψηλὴν ὅτι καὶ ἡ εἰς Αἰγυπτίων ἐκ τῆς φήμης παρεδίδουκα. Ità etiam Plato, ſub perſonâ Socratis, initio hujus ſermonis, inquit, *ὡς ἐγὼ ὑπὸ τινος πέπυσμαι quemadmodum à quodam edoētus fui*. Sed hunc errorem erravit Plato, quod duas Terras ſucceſſivas in unam confuderit : atque cavitates illas, ubi nos ait habitare, cum illâ Terrâ æthereâ ſimul exiſtere cogita- verit ; cùm reverà, ex primâ illâ æthereâ, fractâ & diſſolutâ, Terra altera, quam nos jam incolimus, orta ſit. Cujus pars maximè habitabilis ſunt campi, valles, & loca depreſſiora : quæ, reſpectu mon- tium, aut primæ Terræ ſublimioris, ſunt quædam cavitates. In hunc ipſiſſimum errorem inciderunt etiam Patres Chriſti- ani, quod ſenſerint Paradifum Terreſtrem adhuc extare : Regionem ſublimem, luci- dam, & amœniſſimam : quò delatum iri crediderunt piorum animas poſt obitum. Id quod etiam voluit hîc noſter Philo- ſophus. Sed in excutiendis veterum dog- matis, & antiquitate rimandâ, ſive Ec- cleſiaſtica, ſive prophanâ, ſemper animo infideat

infideat illud Apostoli, *Omnia explorate, quod bonum fuerit retinete.* Nisi enim sensum attuleris veterum scriptis, nihil magni inde referes: adeò sunt exesa, mutilata, corrupta aut interpolata omnia. Sed pergamus in instituto.

SECUNDO, Terram suam *Ætheream* P. 109.
Æquilibrem fuisse ait, & sine omni declinatione; quod de *situ* ipsius *recto* sine ullâ obliquitate, intelligo. Neque tamen negandum hoc aliter interpretatum esse Platonem, & ad ipsius situm in medio universi retulisse. Sed illud τὸ ἰσορρόπον, & τὸ ἀκλινές, Polit. p. 279. (cujus & hic meminit, & antea in ævo Saturni describendo) ipsius axis situm respicit, non sedem in medio Cœlo. Constat autem Platonem, quicquid senex senserit, Hypothesin de quiete Telluris, situque in centro Mundi, cùm hunc dialogum scripsit, secutum esse: corrigendæ sunt igitur, quæ illo errore profluxerunt interpretationes, & ad veritatis normam reducendæ. Quod nos non perperam fecisse, ex illâ, quæ proximè sequitur, notâ, magis elucescet.

TERTIO igitur ait: Τὰς ὅσας αὐτοῖς κερῶν ἔχον τοιαύτην ὥστε ἐκαίνας ἀνύσους εἶναι, καὶ χρόνον τε ζῆν πολὺ πλείων ὅρ' ἐνθάδε. *Anni autem tempestates illam habere illic temperiem, ut & morbis careant illius terræ homines, & nostris sint multò longæviores.* Anni æqualitatem denotat, ut vides: & Incolarum Longævitatē, in istâc Ter-
âr.

L. 2. c. 2,
& 3.

rá. Quorum utrumque Orbi nostro primigenio convenit. Ac uti illa temporum anni æquabilitas provenit à situ recto Telluris; ita eandem sequitur, ut effectus suam causam, Incolarum Longævitas. Prout à nobis in ipsâ Theoriâ fuse ostensum est.

P. 110.

P. 111.

HACTENUS de situ Terræ Platonicæ: Quæ ad Formam ipsius spectant, juvat etiam breviter recensere, licet non sint propriè hujusce capituli. Supponit primò, Terram illam integram & illæsam esse: nostram vero laceram, corruptam, & exesam. Dein de Aquis subterraneis, & ipsarum conceptaculis, commentatur varia: sed unum præcipuè memorat Barathrum maximum, *διὰ μπάρες τετραμήδων δι' ὅλης τῆς γῆς*, *trajectum penitus per universam Terram*: aquas omnes recipiens instar vasis pensilis. Hoc autem Barathrum, sive Tartarus, nisi purum putum figmentum esse velis, orire videtur ex imminutâ & vitiatâ memoriâ Abyssi magnæ, sive Tehom Rabbah; quæ primævam Terram interiùs undique circumivit: maximum, quod unquam extitit, aquarum vas & receptaculum. Cætera verò quæ sequuntur, de fluviis inferni, Poëtarum fabulas redolent.

P. 110:

SED de Formâ externâ suæ Terræ, jucundior est sermo. Ait enim superficiem illius Terræ distingui & dispertiri per

per varias fascias aut zonas, diversis coloribus præditas : quæ procul intuitibus aspectu sunt pulcherrimæ. Hæc regio purpurea videtur, illa aurea, atque tertia nive candidior : altera denique alterius coloris. Ut pictâ fasciatim veste totum corpus Terræ nitescere videatur. Dein, ubique occurrere gemmas & corpuscula lucida : quæ Sardios, Jaspides, ^{Ibid.} Smaragdes imitantur, aut pulchritudine superant. Hæc, quid sibi velint, si quæras; respondeo, Tellurem primigeniam in suas zonas aut cingulos manifestò distinctam fuisse : quæ, fasciarum instar, totum corpus ambiebant. Earum autem singulæ, pro diversâ qualitate & dispositione suæ materiæ, repercussêre Solis radios, alio atque alio modo : ac proinde eminùs intuitibus, diversâ facie & coloribus unaquæque resplenderet. Hujusmodi fascias nonnullas observare licet in Planetâ Jove, (qui mihi videtur adhuc in statu primigenio, suamque nondum subiisse dissolutionem aut diluvium) sed propter ingens intervallum, & oculorum nostrorum debilitatem, non nisi Zonas, aqueas, nigras & macularum instar, è Terrâ discernimus. Denique, quod Gemmatam dixerit suam Terram Ætheream Plato; splendidisque corporibus ornatam & repletam : id forsân nonnullis lusus ingenii videbitur. Hoc tamen sæpiùs ad-
verti,

verti, nec sine admiratione, Prophetas & Authores Sacros, in repræsentando nobis Paradiso, five etiam *novis Hierosolymis*, his semper usos esse loquendi modis, & gemmarum apparatus huic argumento intexisse, ut videre est apud Mosem, (Gen. ii.) apud Ezechielem, (c. xxviii. 13.) & quàm maximè apud Sanctum Johannem, (Apoc. xxi.) Ac si, in illo rerum statu, novâ & eximiâ luce perfusa essent omnia, vel magnâ ex parte pellucida. Ut quemadmodum in arenis, lapillis, aut animalculis, ope specillorum, quæ Microscopia dicuntur, omnium gemmarum luces & colores conspiciamus: ità fieri potest, ut, auctâ oculorum acie, & vi Animæ eisdem conformandi in omnes specillorum figuras, nudis oculis appareant objecta, non minùs splendida, ac coloribus variegata, quam artis & vitrorum ope jam exhibentur. Sed de conjecturis nostris in Platone interpretando, hæc sufficiant.

Id restat unicè ut moneam. Platonem in Politico præteritam naturæ faciem, in Saturni regno, descripsisse: in Phædone autem, futuram potiùs, in mundo renovato. Cùm verò idem ferè fit utrobique naturæ vultus, secundum

L. 4. c. 2. Theoriam nostram, in primigeniis cœlis & terris, & in novis cœlis & terris, futuris: ad utrumlibet accommodari possunt

ea Phænomena, de quibus in hoc vel altero dialogo philosophatur Plato; ea nempe, quæ ad formam vel situm Telluris spectant. Alia sunt, apud alios authores, bene multa, de hoc argumento: sed dignus est, qui solus in scenam prodeat Plato, totamque sibi occupet. Cæteris igitur locum parabimus in sequenti Capite.

CAP. VI.

De mutato Telluris, Cælive, Situ; olim recto, hodiè obliquo: & secutis inde Phænomenis, aliorum veterum Testimonia.

RELIQUI, qui sequuntur deinceps, testes veritatis, in suas classes distribui possunt: cum plures sint, & diversi ordinis. Agmen non immeritò ducunt philosophi: qui de mutato situ Telluris, vel poli declinatione, nos iterum iterumque monuerunt. In hac classe sunt, Anaxagoras, Empedocles, Diogenes, Leucippus, & Democritus: Platone nostro antiquiores vel cœvi. Horum testimonia, satis aperta, in *secundo* Cap. 10: *libro Theoriæ* adduximus. Quæ lectori memori

memori non opus est repetamus, immemorem verò eò remittimus. Id solum monendum est hoc loco : In citandis testibus quæritur tantùm de *Faëto*, non de *causis facti* ; neque rationes mutati sitûs Telluris ab his philosophis petimus, quas ferè ignorabant : sed ut ea nobis testata faciant quæ ab aliis doctis accepère, literatâ quadam traditione, circa mutatum Telluris, polive, situm. Suas autem conjecturas, quæ causæ esse poterant tantæ mutationis, nec poscimus, nec multùm moramur.

NEQUE temperare mihi possum quo minùs credam, antiquissimam famam de *Zonâ Torridâ inhabitabili*, & interdicto nobis commercio cum alterâ orbis parte, ab hâc origine profluxisse. Quicquid erat terrarum ultra *ἡ καρυμμένη*, aliud Orbem appellabant veteres : atque Antiëthonas illos alterius esse generis à nostris crediderunt. Idque propter interpositam Zonam Torridam, quàm non tantùm inhabitabilem duxère, sed etiam

Theor. I. 2.
c. 6.

inaccessam aut impermeabilem. De utrâque re exempla alibi ex antiquis retulimus, & utriusque causas faciles reddit Theoria nostra. Sunt enim hi errores veteris vestigia veri. Bisectus erat terrarum Orbis in primo suo statu, atque Zonâ torridâ, cui semper imminebat Sol, tanquam igneo muro, in duos mundos direm-

diremptus: ubi verò Tellus suam ad Solem positionem mutasset, illa Zona media, & pervia & habitabilis evasit. Mansit autem apud posteros plerosque, mutationis istius ignaros, eadem fama & fides de solitudine æstuque intolerabili mediarum Terræ regionum; donec navigatione certisque experimentis deprehensum fuit, partes illas terræ multò temperatiores esse quàm communis ferebat opinio: & tam generi nostro, quàm cæteris animantibus, sedes præbere non incommodas.

INTER Astronomorum inventa, celebrantur à veteribus *Zodiaci Obliquitas, Annique tempestates*. Quæ nisi aliquo modo nova fuissent phænomena, eorum observatio nihil laudis meruisset. Utrumque adscribitur Thaleti, viro præstantissimo, Physicorum & Astronomorum Coryphæo. Τὰς τε ὥρας τῶ ἐνιαυτοῦ φασὶν αὐτὸν εὗρεν. *Annique tempestates eum primum invenisse aiunt*, inquit Lactertius: dein alibi inquit, Πρῶτος τε καὶ τὴν ἀπὸ τροπῆς ἐπὶ τροπὴν πάρεδον εὗρε. *Accessum vel cursum Solis à Tropico ad Tropicum, vel à conversione ad conversionem, primus etiam invenit*. Unde Apuleius Florid. 4. Thaletem ait, inter alia, invenisse *temporum ambitus, siderum obliqua curricula, Solis annua diverticula*. Scio observatam primo Signiferi obliquitatem Anaxi-

L. 2. c. 8. mandro dedisse Plinium : Plutarchum
 Pythagoræ, invito Oenopide, (Plac. Phi-
 los. 1. 2. c. 12.) Diodorus tamen hunc
 Oenopidem à Sacerdotibus & Astrologis
 Ægyptiis, Signiferi obliquitatem, inter
 alia Astronomica didicisse ait : Τὸν π'Οι-
 νοπίδην ὁμοίως συνδιατρίψαντα τοῖς ἱερεῦσι καὶ ἀστρο-
 λόγοις, μαθεῖν, ἀλλὰ τε, καὶ μάλιστα τὸν ἡλιακὸν
 κύκλον, ὡς λοξὴν μὲν ἔχει τὴν πορείαν. Quod plu-
 res ambiunt, detur, me judice, antiqui-
 ori : nempe Thaleti nostro ; quem,
 cùm primus Eclipses prædixerit, con-
 stat novisse & Solis & Lunæ vias &
 utriusque flexus & anfractus. Quod si
 easdem vias tenuissent hæc Sydera à mun-
 do condito, haud latuissent, opinor, in-
 cognitæ, usque ad Thaletis ætatem.

INVENTUM Gnomonices & Sciateri-
 corum celebratur etiam ab antiquis. Est
 enim artis & ingenii opus, rationes um-
 brarum in obliquo Telluris situ, ad nor-
 mam revocare : in recto, levioris res ne-
 gotii, ubi omnes, ut mihi videtur, ef-
 sent Ascii. Dein Æquinoctia & Solsti-
 tia, alternantia ; atque ortus occasusque
 syderum, secundum diversa anni tem-
 pora : hæc & hujusmodi sunt obliqua-
 tæ Telluris phænomena, quæ *non fue-
 re sic ab initio*. Et in hisce novis phæ-
 nomenis observandis, & ad calculum re-
 ducendis, sese maximè occupâsse mihi
 videntur prisca Astronomi : & eorum
 quæ

quæ memorantur, inventa, hæc & hujusmodi capita potissimum respiciunt. Sed periit, magnâ ex parte, crescentis Astronomiæ historia, unde harum rerum plenior notitia haurienda esset. Periit *Eudemi* ἡ ἀστρολογημένων ἱστορία, cujus hic meminit Laertius in Thalcte : necdum lucem vidēre Theonis Smyrnæi Astronomica ; aliique. in eodem argumento scriptores veteres latent adhuc, vel penitus exciderunt. Denique si ex altera parte, *Doctrinam sphaeræ antediluvianæ*, tam cœlestis quàm terrestris, liquidò deductam, ante oculos haberemus, de multorum phænomenon novitate certior esset judicandi ratio. Sed ex hoc diverticulo in viam redeamus.

Qui de *Ætate aureâ* atque regno Saturni scripserunt, memorant apertissimè Annum uniformem, verque perpetuum, istoc tempore obtinuisse. Illo autem regno & sæculo exeuntibus, Annum pluriformem, vel quadripartitum, qualis est hodiernus : veluti novum regimen naturæ, introductum esse. *Ver erat æternum*, inquit Ovidius, cùm de aureo Saturni sæculo verba faceret. De in pereunte illo regno, & rerum ordine, inquit,

*Jupiter antiqui contraxit tempora
veris,
Perque hyemes, æstusque, & inæquales
Autumnos,
Et breve ver, spatiis exegit quatuor
Annum.*

IDEM Virgilius, aliique cecinerunt:
sive ex antiquorum libris, sive sui tem-
poris traditione & sermonibus, accepta.

NEQUE aliter in suis Elysiis, post
hanc vitam, ad exemplar Paradisi nos-
tri, aut suæ aureæ ætatis, compositis,
Cœli clementiam & perpetui veris de-
littias, conjungunt. Neque frigus illic,
neque æstus: neque temporum incon-
stantiam, aut procellas qualescunque per-
mittunt. Ita suum Elysium descripsit
Homerus,

Ἄλλὰ σ' ἐς Ἡλίου πεδίον, καὶ πείρατα γαίης,
Ἀθάνατοι πέμψουσιν, ἔθι ξάνθῳ· Ῥαδάμανθῳ·
Τῇ περ φήσῃ βιοτὴ πέλει ἀνθρώποισιν,
Ὅν νικητὸς, ἐτ' αἶψ' χειμῶν πολὺς, ἔτε ποτ' ὁμβ-
ρὸς,
Ἄλλ' αἰὼν ζεφύροιο λιγυπνέοντος αἴητας
Ὠκεανὸς ἀνίσσῃ ἀναψύχων ἀνθρώπους.

Sed

*Sed te ad Elysios campos, & extrema
terrarum,*

*Dii dimittent : ubi flavus Rhadaman-
thus.*

*Illic vitâ facili & beatâ fruuntur ho-
mines :*

*Neq; nix ibi, aut vehemens hymes, aut
unquam imbres :*

*Sed dulcisonos perpetuò Zephyri flatus
Oceanus emittit ad recreandós incolas.*

HISCE affinis est sententia Essenorum, neque aliunde opinor desumpta, de
piarum Animarum Elysiis. Jof. de Bel.
Jud. l. 2.
C. 12.

νειδῶσι ἤβ' κατὰ σαρκεν δισμῶν, ἔινον δὲ μακροῦς δι-
λείας ἀπηνυγμέναις, τότε χαίρειν καὶ μετεώρους φέρεσθαι
καὶ ταῖς μὲν ἀγαθαῖς, ὁμοδοξῶντες παῖσιν, Ἑλλήνων,
ἀποφαίνονται τὴν ὑπὲρ ὠκεανὸν διαίταν ἀπικνέσθαι, καὶ
χῶρον ἔτε ὀμβροῖς, ἔτε νιφετοῖς, ἔτε καύμασι βαρυ-
νόμονον· ἀλλ' ὅν ἐξ ὠκεανῷ πρᾶνς ἀεὶ ζήφυρος ἐπι-
πνέων ἀναψύχει. *Cum verò fuerint à car-
nis vinculis exolutæ, de animabus loqui-
tur, quasi de longâ servitute liberatas,
itâ illicò letari eas, sublimesque ferri :
& quidem bonas, (concinentes in hac re
Græcorum sententiis) pronunciant ultra
Oceanum vitam agere, in regione quæ
neque imbris, neque nivibus, neque
æstibus aggravatur : sed quam lenis
Zephyrus, ab Oceano spirans, semper
demulcet.*

A a 3

NEC

NEC ab his longè recedit Virgilius,
de Animarum Elysiis.

Æncid. 6. *Devenère locos latos, & amana vi-
reta
Fortunatorum nemorum, sedesque be-
atas.
Largior hinc campos æther, & lumine ves-
tit
Purpureo: Solemque suum, sua sydera
norunt.*

CUM de Inferis agit Virgilius, id laxè intelligendum est, ut cùm Græci verba faciunt, πειρὶ τοῦ ᾍδου quod vitâ defunctorum statum potius, quàm locum, significat; ità inferi apud Poëtam. Quid enim umbris & locis subterraneis cum sole & syderibus? cum largo æthere, & lumine purpureo? Hæc ad aprica & ætherea loca spectant. Atque hinc etiam Platonem imitari Virgilium, ut alibi non rarò: atque Terram Platoniceam, Ætheream nempe, de quâ antea dictum est, hinc adumbrari, suspicor. Illa enim majori luce perfusa, & Solem & Cœlum sibi proprium, & ab hodierno diversum, habuit. Prout supra ex Platone explicuimus. Audi, in alium locum Virgilii, quid commentatus est Servius: *Elysi descriptionem Homericam Pius Commentator dicit esse sublatam, secundum*

secundum Theologos, circa Lunarem circum-
culum; ubi aër purior est: unde ait
ipse Virgilius, Aëris in Campis. Me-
 minit hujus Commentatoris Homericī,
 πειρῆσθαι & ὠμῆρεσσι, neque alibi mihi oc-
 curit. Sed evectum esse ad *circulum*
Lunarem Paradisum, è Patribus Chris-
 tianis plures asseruerunt: modus iste
 loquendi utrobique obtinuit. Ita de a-
 nimarum receptaculis Lucanus.

Vid Theor.
 l. 2. c. 9.

Quæque patet, Terras inter Lunæque
meatus,
Semidei manes habitant: quos ignea
virtus
Innocuos, vitâ patientes ætheris imi
Fecit, & æternos animam collegit in
orbes.

SED de Poëtis fatis. Audiamus porrò
 Plutarchum de Fortunatis Insulis (re eà-
 dem cum Elysiis, sed recentiori nomine)
 differentem.

Ὅμβροις ὃ χρώμεται μετέοις σπα-
 ρίαις, τὰ ὃ πλεῖστα πνεύμασι μαλακοῖς καὶ δευροβύλοις,
 ἔ μόνον ἀρεῖν καὶ φευτεῦεν παρέχουσιν ἀγαθὴν καὶ πόνα
 χώραν, ἀλλὰ καὶ καρπὸν αὐτοφύῃ φέρουσιν, ἀποχρῶντα
 πλῆθει καὶ γλυκύτητι βόσκειν ἀνεὺ πόνων καὶ περὶ γεματίας
 χοράζοντα δῆμον· αἷρε ὃ ἀλυπτόν, ὡρῶν τὲ κοῦρει
 καὶ μελαβόλῃς μετείτητι καλεῖται τὰς νύκτας. *Imbres*
habent moderatos, idque rariis: plerum-
que molles ventos & roriferos, unde regio

In vit. Ser-
 tor. m.
 p. 571.
 572.

illa pinguis & commoda non sementi modò & plantis, sed & suâ sponte profundit fructum, qui copiâ & suavitate, sine laboribus aut agricolatione, populum alere otiantem sufficiat. Cælum autem & aër, quæ ambiunt Insulas, adeò sunt temperata & tantillùm mutantur, ut nullam unquam incolis afferant molestiam. En præcipuas Paradisi nostri, aureæ ætatis veterum, & Telluris primigeniæ, aut futuræ, conditiones. Ipsisque ferè Platonis verbis, quibus suam Terram Ætheream descripserat, in his Elysiis orandis utitur Plutarchus. Dixerat Plato, τὸ γὰρ θεῶν ὥρων αὐτοῖς ἄλυσον ἐπέκρατο. Plutarchus, Ἄλλοι δὲ ἄλυσον ὥρων τὸ κρείσσει κατέχει τὰς νήσεις. Ut minimè dubium sit, eundem locum statumve, utrumque authorem in animo habuisse.

SUPEREST locus insignis Diodori Siculi, quem intactum præterire nequeo: ubi ille, sub nomine & historiâ Insulæ Toprabanæ, Paradisum Terrestrem, Elysios Campos, Terram vel primam vel novissimam, vividè depinxit. Εὐκρατότατον, inquit, εἶναι τὸν αἶρα παρ' αὐτοῖς, ὡς ἀνὰ κατὰ τὴν ἰσημίειον οἰκῶντας· καὶ μὴδ' ὅτι καύματι, μὴδ' ὑπὸ φύχης ἐνοχλυμένους· καὶ τὰς ὁπώρας δὲ παρ' αὐτοῖς παρ' ὅλον τὸν ἐνιαυτὸν ἀκμάζον· εἶναι δὲ διὰ παντὸς παρ' αὐτοῖς τὴν ἡμέραν ἴσην τῇ νυκτὶ, καὶ κατὰ τὸ μέσον τὴν ἡμέραν μὴ γίνεσθαι παρ' αὐτοῖς σκιὰν μνηστῆρος· διὰ δὲ κατὰ κορυφὴν εἶναι τὴν ἥλιον. — Διὰ δὲ τὴν ἀρετὴν

τὴν τῆς νύσσης, καὶ τὴν εὐκρασίαν τῆς αἰέρος γενναῖαν τε-
ραὺς αὐτομάτως πλεῖον τῶν ἰκανῶν. — Πολυχρονίως
δ' εἶναι τοὺς ἀνθρώπους καθ' ὑπερβολὴν, ὥς ἂν ἄλλοι
τῶν ἑκατον πενήκοντα ἐτῶν ζῶντας, καὶ γινόμενες ἀν-
θρώποι κατὰ τὸ πλεον. *Optima illic (sub æ-
quinoctio enim habitant) temperatura
cæli existit. Et nec ab æstu, nec à fri-
gore, molestantur. Fructus arborei per
totum illic annum 'maturi habentur.
Dies ibi perpetuò noctem æquat : nec in
meridie ab ullâ re cadunt umbræ : quia
super verticem Sol est. Atque ea Insu-
la virtus est, & aëris benignitas, ut
plus quàm satis annonæ ultrò prove-
niat. Longissimæ sunt ætatis Incolæ,
ut qui ad centum quinquaginta annos,
absque omni, ut plurimùm, morbo, vitam
producant.*

Hæc nulli climati, nulli regioni hodi-
ernæ Telluris conveniunt. Qui æquinoc-
tio nunc fruuntur per totum annum, soli
illi sunt qui in mediâ Torridâ, & sub li-
neâ æquinoctiali habitant. Qui quidem
est locus habitabilis, sed neque sine æstu,
neque sine imbribus : quin etiam sævis pro-
cellis est obnoxius. Prætereà, non vivi-
tur diutiùs sub Torridâ, quàm in cæteris
locis : neque morborum aut egestatis sunt
immunes Incolæ. Hæc igitur non nisi
universali æquinoctio, sive Telluri in situ
recto, conveniunt. Quæ suis Elysiis pri-
mò, dein aliis regionibus, ad modum E-
lyfiorum

lyfiorum adornandis, accommodârunt veteres. Neque illud officit interpretationi nostræ, quod hujus fœlicis Insulæ homines Afcios faciat hic Author: id enim accideret omnibus in Tellure rectâ, quod umbris carerent, quoties Sol esset in eorum meridiano. Prout antea notavimus.

DENIQUE, ne te moretur illud, aut negotium faceffat, quod ea jam superesse velint in rerum naturâ hi authores, quæ revera abierunt, atque dudum abolita sunt. Hunc errorem errârunt tam Patres Christiani, quàm Gentium Scriptores. Nullus jam superest Paradisus Terrestris: nulla ultra Oceanum Elyfia: eò tamen amandant piorum Animas, tam hi quàm illi, tanquam ad sedes beatas. Et perinde est, sive de præterito, sive de futuro Paradiso: de primâ ætate aureâ, vel de futurâ redivivâ, hæc gentium Elyfia intelligas. Eodem res redit, eadem repetenda est scena, paucis in melius mutatis. Id saltem observare licet, Veteres semper, cùm Paradisos vel Elyfia depingunt, fundamenti loco, cœli aërisque statum æqualem & temperatum constituisse.

HÆC de Gentium scriptoribus, Philosophis aut Poëtis. Judæi & Christiani demùm accersendi sunt. Illi verò non de aureâ ætate aut regno Saturni, verba faciunt, sed de Paradiso & Horto Domini,

ni. Diversi sunt tituli, sed eadem materia. Id quod faciliè comperies, si utriusque phænomena tecum repetens, alia alijs conferas. Exulabant è Paradiso omnia mala aut noxia, & sponte nascebantur omnia Terræ bona. Neque aliter in Regno Saturni atque aureâ ætate. Vivebant homines sine legibus humanis, *δοκρᾶτικῶς*, in utroque statu. Aperti, nudi, tam animo quam corpore. Denique, in Cœlo sereno vitam longam pacificè ducebant. Hæc facies naturæ atque rerum humanarum in primis mundi sæculis, quocunque nomine hunc rerum ordinem appellaveris. Sed quod ad argumentum nostrum spectat maximè, ver perenne, non interruptum æquinoctium utrobique statuerunt. De Saturni regno hoc antea ostensum est: atque idem de Paradiso testantur, tam Judæi quàm Christiani. Quoad Judæos, consule, si placet, Is. Abarbanelem in caput secundum Genesim: Aben Ezram in eundem locum; & in cap. lxx. Isaïæ. Maimonidem in cap. x. Sanhedr. & Manassem Ben Israel de creatione, cap. xvii. His adde, si vacat, nuperi Authoris, Abrahami Echellensis, testimonium, de Judæis simul & Arabibus: Dicunt Arabes, inquit, *Mundum æquinoctii tempore procreatum fuisse, aut Paradisum sub æquinoctiali situm lineâ: aut utrumque concurrisse. Diem enim* Hist. Arab. c. 9.

enim perpetuò duodecim horis metiuntur Hoc idem Judæi tenent. Cùm enim noctes diebus æquales in Paradiso posuissent Doctores Judæi, neque auctas unquam aut imminutas, idque rectè: ex iis nonnulli in mediâ regione Terræ, sub hodierno æquinoctio, hoc suum Gan-Eden collocârunt; quandoquidem, ob ignotam istius mundi primi dispositionem, perpetuum in Paradiso æquinoctium aliter tueri non poterant.

De Parad.
c. 13.

DICUNT quidem nonnunquam Judæi Gan-Eden esse in Oriente, sed orientem Æquinoctialem intelligunt, ubi Sol oritur sub initio veris. Illud discimus ex Mose Bar Cephâ, qui rem ità explicuit. *Sunt etiam qui hinc constare existiment Paradisum in Oriente esse, quia, qui templa aut ædes construere volunt ad Orientem spectantia, ità describunt, ut ad Solem in mense Nisan (respondet is Lunæ Aprilis nostri) orientem, obversa sit fabrica.* *QUIA illo MENSE Sol suprâ Paradisi locum oriatur.* Vides igitur apud eos in hoc argumento Orientis nomine intelligi æquinoctium vernal, vel locum ortûs Solaris in vere.

HÆC breviter de Judæis: Neque incelebris est hæc opinio apud Christianos, de situ æquinoctiali Paradisi. Id quod verbis explicitis nonnunquam testantur: quandoque autem omnes temporum vicissitudines è Paradiso eliminant, atque
co

eo signo, æquinoctium constituunt perpetuum, vel in illâ Terrâ, vel in illâ regione Terræ. Tatianus in suâ Orati-M. p. 159:

one contra Græcos, cùm Paradisum ab hodiernâ Terrâ distinxisset, ab illo omnes aëris annique mutationes removet, atque instar Terræ Æthereæ Platonis suum mundum Paradisiacum depingit.

Τὰ δ' ὑπὲρ τῆτον, αἰῶνες οἱ κρείττους, ἢ μεταβολῇ ὥρων ἔχοντες, δι' ὧν ποικίλαι νόσοι καθίστανται· πάσης δ' ἐνκρασίας μετεληφότες, ἡμέραν ἔχουσιν διαμένουσαν, καὶ φέγγει τῷ ἐνταῦθ' ἀνθρώποις ἀπείρατον. *Super cælum inferius mundus est præstantior: cui nulla accidit temporum anni mutatio, ex quâ varii apud nos nascuntur morbi. Sed jucundissimâ temperie præditus, diem habet permanentem, & luce terrenis hominibus inaccessâ resplendet.* Huic

respondet quod legitur apud Suidam de Paradiso, undecunque desumptum sit. In voc.

Πάσης τ' γῆς ὑψηλότερος κείμενος, ἐνκρατὴς δ', αἰεὶ λεπτωτάτῃ καὶ καθαρωτάτῃ περικυκλόμενος, οὗτοῖς ἀνδράσι κομῶν. *Omni Terra altior Paradisus, & præstantis temperiei, aëre subtilissimo & purissimo undique resplendens, plantisque semper virentibus ornatus.*

Facile esset in hujus classis authoribus recensendis abundare, sed in re notâ præstat in unum locum plures contrahere: id quod antea fecit Bellarminus, ad exterminandum Paradisum Mesopotanicum, his Verbis: *Accedit ad hæc, quod Paradisus ita describitur à Sancto Basilio, in libro*

De Grat.
pri. hom.
c. 12.

de Paradiso: a Johanne Damasceno, lib. 2. de fide, cap. undecimo: a Sancto Augustino, lib. 14. de Civ. Dei, cap. 10. ab Alchimo Avito, & Caud. Mario Victore, & aliis supra citatis; Isidoro lib. 14. Etymol. cap. tertio, & aliis communiter, ut fuerit in eo *VER PERPETUUM*. Nulla frigora, nulli æstus, nullæ pluviae, nives, grandines, nullæ etiam nubes. Quod ipsum significat Scriptura, cum dicit primos homines in Paradiso fuisse nudos. — Quod magis Lutherum miror, qui in comment. 2. cap. Genes. scribit, in Paradiso non fuisse Hyemem, sed *VER PERPETUUM*: & tamen contendit Paradisum fuisse Syriam, Mesopotamiam, Ægyptum & Damascum; in quibus regionibus non potest fuisse ver perpetuum, *NISI ALIUS TUNC FUERIT CURSUS SOLIS QUAM NUNC EST*. Rectissime concludit, obtinere non potuisse *VER PERPETUUM*, siue in Mesopotamiâ, siue aliis quibuscunque regionibus extra æquinoctialem, nisi alius tunc fuerit cursus Solis, quàm nunc est: vel, quod eodem redit, alius Telluris situs. Nulla igitur hypothesis veterum Christianorum placitis, de sede Paradisi, respondet, nisi eam statuamus sub æquinoctiali: vel totam illam Terram, rectâ ad Solem positam, fuisse æquinoctialem.

HÆC

Hæc de vere & æquinoctio perpetuis, in Paradiso & prima ætate, secundum explicita antiquorum verba, maximam partem. Sed aliis præterea indiciis, non minus certis: & quæ nobis cum Scripto-ribus exteris sunt communia, æqualitas temporum in primis mundi sæculis demon- stratur. Spontaneam Terræ fertili- tatem fructusque perennes, ab omni E- lyfio, inseparabiles, hic non memoro. Licet ea sit indoles rerum istarum, quæ minimè patiatur anni nostri vicissitudines, Solemque postulet æqualem & immuta- tum. Ita pariter spontaneum animalium ortum, ineunte mundo, attribuebant ve- teres τῇ εὐκρασίᾳ καὶ εὐταξίᾳ τῷ περιέχοντι ἀέρι, τῇ ἐξ ἀρχῆς. ut est apud Diodorum Si- culum. Id voluit etiam Phurnutus, (*de* Lib. 1.

nat. Deor. cap. de Prometheo) cum, Deo providente, & conspirante naturâ, omnia eduxit è Terrâ, in mundi primordio.

Κατὰ τὴν αὐτὴν ἢ πρόνοιαν τὰ τ' ἄλλα ἐγένετο, καὶ ἐκ τῆς γῆς ἐφύεσαν οἱ ἄνθρωποι, ἐπιτηδείως πρὸς τὸτο ἐχέουσιν κατ' ἀρχὰς τῆς τοῦ κόσμου συστάσεως.

Secun- dum hanc Providentiam omnia facta sunt, atque homines è Terra progenerati: ad hanc rem aptè accommodata prima mundi constitutione.

Hoc argumentum pluribus profecutus est Lactantius; cùm- Lib. 2. c. 12. que Philosophis objecisset, homines è Terrâ nasci non potuisse, propter vim frigoris in hyeme, aut caloris in æstate:

re-

respondet, ex mente veterum, *non erant, inquiunt, in principio mundi, hyems & æstas; sed perpetua temperies & ver æquabile.* Hæc erat reverà sententia veterum: sed rectè instat Lactantius, hoc ipsum probare; hunc, inquam, ordinem, hanc provisionem: divinam aliquam rationem rerum originibus præfedisſe. Denique, ut hæc claudam, Finxêre veteres Terram esse Cœli uxorem: & cum adhuc vegeti essent uterque, numerosam sobolem, tam plantarum quàm animalium, sine femine ortorum, procreâſſe. Postmodum verò, ubi exoleverit hæc virtus, Cœlum *castrari* dicebatur; quod nullas, ut pridem, fruges aut animantes suâ vi & sponte proferret; sed omnia deinceps per cultum & semina propagarentur.

ALIUD indicium habetur temperati & æqualis cœli, priscorum hominum longævitæ, atque rerum omnium stables & diuturnæ formæ, in mundo primævo; quemadmodum nos docent literæ, tam sacræ, quàm prophanæ. Notavit Aristoteles ab inæquali motu cœli, provenire rerum generationes & corruptiones: *Ὁὐκ ἡ πρώτη πορὰ αἰτία ἐν γενέσει καὶ φθορᾷ· ἀλλ' ἡ κατὰ τὸ λοξὸν κύκλον.* Id quidem rectè quoad rerum interitus potissimùm: ex obliquo enim motu cœli, vel, si mavis, Terræ, oritur rerum omnium, maximè animatarum,

De gen. &
cor. lib. 2.
c. 10.

rum, vanitas, corruptio, vita caduca.
Hunc locum Aristotelis respexit Author Cod. 259.

Anonymus apud Photium de vitâ Pythagoræ: Ὁ ζῳδιακὸς λοξῶς κινεῖται, ὡς ζητίσας εὐρεῖν ἔδειξεν Ἀριστοτέλης, ἕνεκεν τῆς γενέσεως τῆς περὶ γῆν τόπων πρὸς ἀναπλήρωσιν τοῦ παστος· εἰ γὰρ καταπαλλήλως κινεῖτο, αἰεὶ αὖν μία ἄρα ἦν τῆ ἔτος, ἥτοι θέρους, ἢ χειμῶν, ἢ ἄλλη τις. *Zodiacus motu obliquo fertur, quod Aristoteles sua investigatione reperisse videtur: ob generationem eorum, quæ in diversis Terræ regionibus, ad universi complementum, producuntur. Nam si recto, ☿, cum reliquo cælo parallelo motu, ferretur, una semper eademque anni tempestas esset: vel æstatis, vel hyemis, vel alterius cujusdam.* Ità quidem, sine obliquo Solis vel Terræ motu, eadem semper esset anni facies: quod à subitaneis aut anniverfariis corruptionibus omnia conservaret. Et cùm non nisi unius corruptione, alterius generationi, locus fiat, raræ essent itidem, in illo naturæ ordine, rerum novarum generationes. Hoc crassius explicuit in sequentibus hic author anonymus: & cùm hoc numeret inter dogmata Pythagorica, Aristoteli inventori malè attribuit.

VETERUM Astronomorum sententias, in hâc materiâ, explicuit Baptista Mantuanus: & ad rem nostram de longævitate priscorum hominum ante Dilu-

De pati.
lib. 2. c. 37.

B b

vium,

vium, accommodavit. Dicit, Cœlos omnes fuisse concentricos, & motu uniformes, ante Diluvium : & Zodiacos primi mobilis, & Firmamenti sive Planetarum, in unum coisse. Unde, istius cœli beneficio, & vitâ & virtute vegetioribus prædita erant omnia, tunc temporis, sublunaria. Hæc sunt ipsius verba. *Erant illis, nempe ante-diluvianis, ut Astronomiâ & experimento constat, Cœli propitiores. Volunt namque Astronomi duos esse Zodiacos : unum in nonâ spherâ, alterum in octavâ, quod Firmamentum vocant. Et initio rerum & temporum, sic à Deo dispositos, ut Aries Arieti, Taurus Tauro, Gemini Geminis, jungerentur : & amborum coëuntibus in unum viribus, fortior in terris fiebat influxus ; unde & herbas tunc salubriores, & fructus terræ meliores, & longiores animantium vitas fuisse, non dubium. Postquam verò, solutâ per motum societate, ab invicem discesserunt, totus inferior mundus ægrotavit.* Hæc planè consonant supra dictis à Platone, de regno Saturni & Jovis. Ille enim cœlorum ἀναρμωσίq. omnes naturæ debilitates & inferioris mundi ægritudines, detulit & affixit. Et qui Cœlorum philosophiam intelligunt, facilè nôrunt, varios illos loquendi modos, de motuum cœlestium inæqualitate,

qualitate, incongruentiâ, obliquitate, rectè exponere; dein, idem significare, Cœli obliquitatem, Zodiaci obliquitatem, Solis vel Solaris cursûs obliquitatem: & factò examine, in unius Telluris obliquitatem, hæc omnia recidere.

Ἡ ἐκ de causis longævitatis in primâ mundi ætate. De re ipsâ, ex aliorum testimoniis, jam satis constitit. Sed cum illa scriberem, exciderat animo testimonium Orphei: quod nobis conservavit Proclus, in explicando Saturni Regno: testesque ejusdem rei adhibet, Theologos, tam Græcos quàm Barbaros: in hæc verba: Theor. l. 2
c. 1, & 3.
sub fine.

Τῶν ἢ θεολόγων τὸ ἀγέρον τῇ τάξει ταύτῃ προσήκεν λεγόντων, ὡς οἱ τε βάρβαροι φασί, καὶ ὁ σφῖς Ἕλληνας θεολόγους Ὀρφεὺς (καὶ γὰρ ἔ- τῃ αἰὲς μελαίνας τὰς τῷ Κρονίῳ προσώπῳ τείχας μυ- στικῶς λέγει, καὶ μηδ' αὐτῶς γίγνεσθαι πολιὰς) θαυμάζω ὅτι τῷ Πλάτῳ ἐνδεον νῦν τὰ αὐτὰ περὶ τοῦ θεοῦ τέτυκτο τοῖς καθ' ἑχρὸν αὐτῶ πορευομένοις, ἐμφαίνοντα. Ἐν γὰρ τῇ Κρονίᾳ περὶ τὴν γῆρας ἀφίεσθαι φησὶ τὰς ψυ- χὰς, ἐπὶ ἢ τὸ νέον ἀνακάμπτειν, καὶ τὸ πολλὸν μὲν ἀ- φαιρῆναι, τὰς τε τείχας μελαίνας ἴσχειν --- ὁ δὲ καὶ Ὀρφεὺς τὰ τέτοις ὁμοίᾳ περὶ τοῦ θεοῦ διατάττει.

Ἐπεὶ Ζηνὶ Κρονίῳ

Ἀθάνατον αἰῶνα καμῶν, καθ' ἑαυτοῦ γενεῖν

——— διερὸς χαίτας ἐυωδίας, ἔδδ

——— ἠπεδ' ἀνοῖο μὴ γήμῃαι ἀνδρῶ λευκῶ

——— ἀλλ' εἰς ἀλγέα λάχνην.

Cum autem Theologi vitam senii expertem, huic ordini convenire dicant, ut & ipsi Barbari dicunt, & ille Græcorum Theologus, Orpheus (etenim ille semper Saturnii vultus pilos nigros esse mysticè dicit, & nunquam fieri canos) miror illam Platonis mentem eadem de hoc Deo dixisse, quæ dixerunt illi, qui ipsius Orphei vestigia sequuntur accuratè. Nam in Saturniâ periodo dicit homines senectutem abjicere, & ad juventutem redeuntés, canitiem deponere, & nigros pilos habere. Orpheus verò his similia, de isto Deo, disertis verbis tradit,

----- Sub Deo Saturnio dicunt homines
*Immortale ævum transgisse : puri
 menti
 Habentes molles pilos, suavem odorem
 spirantes, neque
 Infirmi canitiem mixtam : sed valde
 florentem lanuginem.*

Hæc autem, ut alia omnia, Proclus, pro suo more, in allegorias dissolvit. Quibus tamen, apud cordatos interpretes, veritas historica non læditur.

UT huic capiti finem imponamus, notare licet, quibus gentibus Antiqui longævitatē insolitam tribuerunt, iisdem etiam

etiam dedere, in longævitatis causas,
& vitæ fomitem, cœlum æquale & tem-
peratum. Ut videre est de Brachma-
nibus, apud Suidam, & Palladium: de
Taprobanensibus, apud Diodorum Sicu-
lum: de Hyperboreis apud Plinium,
Solinum, Strabonem, aliosque plures;
& de suis Macrobiis, in Saturni reg-
no apud Platonem. Quo more, satis
testantur veteres, Naturam, ex eorum
sententiâ, hæc duo conjunxisse, atque
aliud ab alio pendere, secundum leges
universi: ut alterutro posito, alterum se-
qui aut comitari, facile scias. Neque id,
prætereâ, mihi vitio vertat quisquam,
quod Paradisum nostrum fecerim eun-
dem cum Elysiis gentium, vel hunc
illa peperisse: id enim sæpius repetunt
& inculcant Patres Christiani, atque hæc
in re, ut in aliis multis, plagii cujus-
dam accusant authores externos. Audi-
amus, si placet, pro cæteris, Nazianze-
num: Ἀἴρετος ὁ Μίνως ἐκεῖν, καὶ ὁ Ῥαδάμανθ. In vit. BasC
Mag.
ἔς ἀσφοδιῶν λεημῶνων καὶ ἡλυσιῶν πεδίων ἡξίωσαν οἱ
Ἕλληνες, ἐς φαντασίᾳ τοῦ καθ' ἡμᾶς παραδείσου γνέ-
μμοι, ἐκ τῶν Μωσαϊκῶν, διμαί, βιβλίων καὶ ἡμετέρων,
εἰ καὶ πλεὶς τὴν κλῆσιν τι διηνέχθησαν, ἐς ἄλλους ὀνόμα-
σι τοῦτο παρακληώσαντες. Pluribus supersedeo.
Hæc rei summa est: ut antiquis fabu-
lis aliquid veri subesse solet, loco fun-
damenti; ità multis fahulosis narrationi-
bus ansam præbuisse mihi videtur Tellus

De fac. in
orb. Lun.
Phot. Bibl.
Cod: 166.

Ælian.
var. Hist.
l. 3. c. 18.

Primigenia. Res vera, cujus umbram aliquam retinebant, aut creperam lucem, præci homines: & ex qualicunque memoria rei desideratissimæ, fingeant novas Terras, aut terrarum regiones, ad exemplar & imaginem hujus Terræ Primigeniæ: idque plerumque in locis inaccessis, extra Oceanum, in aëre, apud Inferos; ne oculatis testibus in errore deprehenderentur. Ita Ogygia Insula, apud Plutarchum. Supra Thulen Insula amœna, in sublimi posita, apud Ant. Diogenem. Hyperboreorum regio prope Lunam, ab omnibus ferè celebrata. Sileni Terra, ex Theopompo, ἔξω τέτρε ἢ ἑσπεύ. Præter Elysia & pensiles Alcinoi hortos: unde Paradisum nostrum desumptum voluit Celsus. Hujusmodi autem Gentium Paradisi, non tantum clariores notas gerunt Terræ nostræ Primigeniæ; nempe ver perpetuum, uberes soli proventus, & incolarum longævitatem; sed etiam è secundariis & minoribus nonnullas: quales sunt illæ, quod pensilis fuerit ille orbis habitabilis, aliter quàm hodiernus: quod situ sublimior: fudoque semper cœlo, sine nube, sine pluvia, gauderet. Hæc habent nobiscum communia: adduntque alias, quisque pro suo genio, delicias ornamenta, & amœnitates. Atque his omnibus,

nibus, quasi pictis tabulis, nobis exhibent, primæ atque aureæ Telluris effigiem, sed rudiori penecillo delineatam.

C A P. VII.

De narratione Mosaicâ circa Paradisum, & circa Naturæ, rerumque humanarum, statum, in Mundo novo.

HACTENUS rerum origines, & veram Paradisi notitiam, inter veteres quæfivimus : adhibito etiam, quâ licuit, sacrarum literarum lumine. Sed de regione aut loco Paradisi, nihil à nobis definiendum est : cùm perinde sit quoad Theoriam Telluris, ubicunque locorum posueris, modò non sit in Hodiernâ Terrâ. Quod si apud veteres Patres ipsius locum quæsitum eas, aut nullum esse volunt, aut à cognitione nostrâ remotum & absconditum. Eorum alii Intelligibilem nuncupant Paradisum, nulli loco astrictum : alii sensibilem : hic primùm itur in partes. Dein, qui sensibilem & corporeum credunt, statuunt eum in hâc Terrâ, vel extra hanc Terram : nempe in aëre, vel in orbe Lunari. Qui in hâc Terrâ, aut

cis æquatorem five Zonam Torridam, sedes ponunt beatas. Denique, qui nobiscum sentiunt, in Terrâ quidem, sed aliâ ab hodiernâ, verum Paradisum, qui jam transiit, olim floruisse tradunt.

Theor. I. 2.
c. 6.

Hæc sententiarum discrimina alibi pluribus explicuimus: eamque maximè, quæ ultra Æquatorem, Zonam Torridam, Oceanum, orbemque nostrum Borealem, Paradisum transfert. Non quòd hæc, præ cæteris, mihi placeat opinio, sed quòd veterum calculis comprobetur, & apertè nos doceat, Paradisum Mesopotamiæ affixum, figmentum esse Neotericorum. Intereà, quoad Telluris Theoriam, ea nihil moratur Paradisum Topicum in quâvis terrarum parte: cùm totum orbem habitabilem, in novo mundo, instar Paradisi habeat. Consequenter verò & consentaneè ad hypothefin Mosaïcam, quæ genus humanum, quantum quantum, ortum docet ex unico viro & unicâ fœminâ; horum duorum natale solum & primam patriam, Paradisum, si libet, dicito; locum aquis & arboribus amœnissimum: modò concefferis itidem cæteris ejusdem Terræ regionibus *Ver perpetuum*; & quæ inde sequuntur, fertilitatem spontaneam, & Incolarum Longævitatem. Hæc enim ubique obtinuisse in novo mundo,

ex

ex naturâ rei, & veterum fide, probavimus.

AT, inquires, Moscs non meminit nisi unius Horti, quem Gan-Eden appellat *hortum deliciarum* : cæterasque Terræ istius regiones, communis esse fortis, & hodiernis non dissimiles, supponere videtur. Respondeo, duplex erat apud veteres, maximè orientales, Theologiam & Philosophiam tradendi modus, *δημιώδης καὶ ἀνθρώπινος*, *popularis & arcanus* : atque duplici hoc stylo, in rebus naturalibus explicandis, uti mihi videtur Scriptura Sacra : quandoque sese accommodans ad populi captum, quandoque ad occultiorem veritatem. Sed cum hanc mihi legem imposuerim, ut *Nunquam* recederem à sensu literali, sine necessitate ; nunquam, aio, nisi id penitus persuaserit, aut coëgerit, rei natura ; dispiciendum imprimis, qualis sit, & quid ferat iste sensus literalis, in hoc argumento. Dein, ex altera parte, quid ferat, & quid ferre recuset, materia subiecta. Ut, rectè constitutâ quæstione ex utrâque parte, quæ causâ sit potior, & ubi lateat veritas, certiùs dijudicemus.

HISTORIA Paradisi, inde enim exordiemur, ita se habet secundum Mosem. Cùm Deus Mundi creationem absolverat, sex dierum spatio, septimo die requievit,

quievit, & vacavit ab omni operâ. Uniuscujusque diei pensum Moyses articulatim enarrat : hominis autem, tam maris quàm fœminæ, historiam tractat seorsim. Missis igitur cæteris, si placet, impræsentiarum, circa hæc tria capita, Adamum, Evam, & Hortum Edenis, cum iis quæ adhærent vel intertexuntur, doctrinam Mosaicam contemplemur. Quoad primum hominem, Adamum, Moyses ait eum formatum esse, non ex lapidibus, aut Dentibus Draconum, ut de suis hominibus fabulati sunt alii ; sed ex pulvere Terræ, vel è terrâ rusâ. Et

Gen.ii. 7. corporis statuâ formatâ, *Deus sufflavit in nares ipsius halitum vitæ, & factus est homo Anima vivens.* Alio autem modo, & ex aliâ materiâ condita est Fœmina : * nempe ex osse quodam, vel officulo, Adami. Scilicet cum somno obrutus jaceret Adamus, execut ei Deus unam è costis : & ex illâ costâ fabricavit fœminam. Sic enim ait Moyses,

Gen.ii. 21. *Injecit Jehovah Deus soporem altum in Adamum, qui obdormivit ; & extractâ uni de costis ejus, inclusit carnem pro illâ. Extruxitque Jehovah Deus ex costâ illâ quam sumpserat de Adamo,*

* Hæc & hujusmodi ἀπὸ τῶν ὀστέων καὶ ἀμφοτέρωθεν appellat Celsus. Orig. l. 4. p. 186.

Adamo, mulierem : eamque adduxit ad Adamum pro uxore.

HACTENUS de formatione primi viri & primæ fœminæ, secundum literam. De primâ eorum sede pluribus egit Moyses : ait nempe Deum iis parâsse Hortum quendam celebrem in *Oriente*, vel, ut plurimi reddunt, ab *antiquo* ; atque hunc iis dedisse, tanquam hærediolum, ad habitandum & eolendum. Erat autem hortus ille locus amœnissimus, quatuor fontibus aut fluviis irriguus, arboribus confitus omne genus, tam frugiferis, quàm umbrâ & aspectu gratis. Steterunt autem inter has arbores, in medio horti, duæ præ cæteris insignes & memorabiles, quarum una dicta est *Arbor vitæ*, altera, *Arbor mortis*, vel *scientiæ boni & mali*. Quamobrem dicta sit *Arbor vitæ*, non certò constat : forsân quòd vescentibus immortalitatem dedisset, ut plurimi conjiciunt. Alterius Arboris effectum funesta nos docuit experientia : hinc *illæ lacrymæ & infandus dolor*. Quòd de fructu hujus arboris comederint primi parentes, plectuntur hodiè omnes eorum posterì : atque pœnas luunt peccati, aliquot annorum millia antequam nati essent, commissi. Sed rem totam tibi indicabo.

VERUIT Adamum & Evam Deus, gustare fructum hujus arboris, idque sub
pœnâ

pœnâ mortis. Accidit verò, Evam sedentem sub hâc arbore, seorsim à viro, ut accederet Serpens vel coluber, qui, nescio quâ vi aut facultate, his vel hujusmodi verbis, si rem ex eventu judicemus, blandè compellavit fœminam.

Serp. Salve pulcherrima, Quid rerum agis sub hâc umbrâ, sola & seria?

Ev. Ego hujus Arboris pulchritudinem contemplor.

Serp. Jucundum quidem spectaculum, sed multo jucundiores fructus: gustâstin' mea Domina?

Ev. Minimè verò: Deus nobis interdixit esu hujus Arboris.

Serp. Quid audio! Quis iste Deus, qui suis invidet innocuas naturæ delicias? Nihil suavius, nihil salubrius, hoc fructu. Quamobrem interdicare, nisi per legem ludicram?

Ev. Quinimò sub pœnâ mortis interdixit.

Serp. Rem malè capis proculdubio: nihil habet mortiferi hæc Arbor, sed potius divini aliquid, & supra vires communis naturæ.

Ev. Ego non habeo quod tibi respondeam, sed adibo virum, & quod illi visum fuerit, faciam.

Serp. Quid virum interpellas de re tantillâ? utere ingenio tuo.

Ev. Utarne: Quid pulchrius hoc pomo? quàm suave redolet? sed forsan malè sapit.

Serp. Est esca, crede mihi, Angelis non indigna: fac periculum, & si malè sapit, rejicito: & me insuper habeto

beto

beto pro mendacissimo. *Eva.* Experiar: Est quidem gratissimi saporis: non me fefellisti. Porrigere huc alterum, ut viro afferam. *Serp.* Commodum meministi, en tibi alterum: adi virum, vale beatula. -- Ego interea elabar: illa curret cætera.

DEDIT Adamo, nimis uxorio, hoc pomum Eva: ille pariter comedit, eoque comeso, suæ se, nescio quo pacto, utrosque statim pudebat nuditatis: & confutis foliis ficulneis, fecerunt sibi subligacula, ad tegendum pudenda. His ita peractis, sub horam vespertinam Deus descendit in hortum: aufugere parentes nostri, & inter densissimas arbores latibula quærebant. Sed frustra: Deus inclamabat, *ubi es Adame?* Comparuit timidus, dixitque Deo, cum te audirem in horto, malè mihi metuebam quod nudus essem, & me abdidi inter umbrosa nemoris. Quis tibi dixit, inquit Deus, quod nudus esses? Comedisti' ex istoc fructu quem tibi prohibueram? Illa, Illa, quam mihi dedisti, Fœmina, Illa mihi attulit, & comedi. Probè rem curastis, Tu & Tua! Heus tu muliercula: Quid hoc rei est? Mihi miseræ dedit Serpens tuus, & comedi. Magno tibi constabit hoc pomum: neque tibi solum, sed posteris tuis, & toti humano generi. Quinetiam Cœlum,
Terram,

Terram, totamque naturam, propter hoc facinus disperdam & execrabor. Tuque imprimis, Improbæ Bestiæ, astutiæ tuæ & mali doli pœnas lues. In posterum pronus ibis in ventrem : & pulverem terræ, non poma, comedes. Tu verò, curiosæ & delicatula, in dolore liberos paries : mariti jugum feres, nec discedes unquam ab ipsius latere, nisi impetratâ veniâ. Denique, quod ad te spectat, Adame, quoniam auscultavisti uxori tuæ magis quàm mihi, in sudore vultûs ei & liberis ejus parabis victum. Non, ut antea, sponte natos fructus, sed cum labore & molestiâ proventum terræ colliges. Sterilescat deinceps Terra, propter te maledicta : tribulos, spinas, lolium, herbas noxias, proferat. Et ubi vitam exegeris incommodam & onerosam, *Pulvis es, & in pulverem revertêris*. Intercâ temporis, exulent ab horto meo hi perdueles, & in alias terras relegantur ; nè ex *ar-bore vitæ* pariter decerpant fructus, & vivant in æternum. Deus autem, ne frigore & incommodis cœli perirent, fecit iis tunicas ex pellibus animalium : atque ità pellitos extrusit è Paradiso. Denique, ad præcludendum reditum, apposuit Angelos ad introitum sui horti ; qui, vibrando flammeum gladium, & in

in omnes partes versando, viam, quæ ducebat ad arborem vitæ, custodiebant.

DE Paradiso & primorum hominum forte, hæc est summa narrationis Moisaicæ: quam, salvo sensu, in aliis verbis explicui, quò liberiùs de re ipsâ, quasi à novo authore conscriptâ, judicemus. Quædam esse Parabolica in hâc narratione, neque penitùs ad literam exigenda, omnes ferè agnoscunt. Nonnulli etiam totum sermonem esse volunt *ὑποτύπωσις* artificiosam ad explicandas res veras: nempe humani generis novitatem, & degenerationem: dein, naturæ primæ statum Paradisiacum, & ejusdem degenerationem. Quanquam enim, in principio sermonis, hic status Paradisiacus ad unicam regionem, quæ Gan-Eden dicitur, restringi videatur; postea tamen cùm sterilitatis maledictio profertur, tota Terra in censum venit. Non spontaneos feret ultrà proventus Terra, non fruges sine agricolatione & culturâ: sed in sudore vultûs tui, inquit Deus, tibi in posterum ad vitam & victum necessaria comparabis. Proinde ante hanc mutationem, vel maledictionem, Terra tulit spontaneas fruges & fructus, absque satû, absque labore: aliter nihil novi effecisset, nihil mutâisset in rerum naturâ, hæc maledictio. Prætereâ, patet aliunde, non regiunculam aliquam, aut aliquot terrarum

rarum jugera, quale quid est hortus, hâc fertilitate, cæterisque privilegiis, tam soli, quàm cœli, unicè est potita : sed totum orbem habitabilem, in primo rerum statu. Quid enim si innocuus perstitisset Adamus ? quis locus fuisset posteris ipsius intra unius horti septa ? vel si omnes ibidem incluseris, tanquam implumes pullos in nido, quid fieret à reliquis magnæ Terræ tractibus ? stetitissentne vacui, deserti, & sine incolis ? id non patitur natura, neque id decet sapientiam divinam. Hisce igitur consequens est, & consentaneum rationi, ut credamus, Mosè, partem pro toto, & exemplum unum pro cæteris, populo ante oculos posuisse ; quòd eorum captui & ingenio accommodatius esset, Hortum amœnum concipere, aut singularem agrum, quàm totum terrarum orbem novâ facie, & novâ indole indutum, ab hodiernâ naturâ prorsus alienis. Sed incœptam viam pergamus.

PRÆFATA narratio quinque aut sex partibus constat : quarum prima est, de ortu & formatione primorum hominum. Secunda est descriptio Horti Edenis. Tertia est historia duarum Arborum, vitæ & mortis. Quarta tractat de serpente confabulante cum Evâ. Quinta est de irâ Dei, & maledictione, propter comestum pomum vetitum. Sexta denique

que complectitur expulsionem proto-plastorum ex horto Dei. Et quo modo Deus iis fecerit tunicas pelliceas, posueritque Angelos, cum flammantibus gladiis, ad introitum sui horti : aliaque his affinia.

MAGNA vis est consuetudinis & præconceptæ opinionis, in animos humanos. Hos breves commentarios aut historiolas de hominum rerumque primordiis, ex ore Mosis sine examine, sine morâ, accipimus & amplectimur. Apud alium verò si eandem doctrinam legissemus, putà apud Philosophum Græcum, apud Doctorem Rabbenicum, aut Mahometanum, hæsisset animus in unaquaque periodo, dubiis & objectiunculis plenus. Hoc discrimen oritur non ex naturâ rei aut materiæ subjectæ, sed ab opinione nostrâ de fide & autoritate scriptoris, utpote divinitus inspirati. Hoc libenter agnoscimus, nec dubitatur hoc loco de autoritate scriptoris, sed quo animo, quo consilio hæc scripserit, quo genere styli usus fuerit, plebeio an philosophico ; Plebeio inquam, non fabuloso, quanquam eo nomine uti liceret, si de authore exotico ageretur. Fabularum autem aliarum sunt figmenta, pura puta : aliarum vero nituntur fundamento, sed decorantur additamentis & ornatu ascititio. Præterea, sunt quædam narrationes quibus veritas subest, non autem singulis apicibus, sed

quoad summam rei, & propositum authoris. Ut in parabolâ Christi de Lazaro & Divite: & in multis quæ de Die Judicii narrantur, quoad corticem & formam exteriorem. Hujusmodi narrationes, non fabulas, sed quandoque parabolas, quandoque *ὑποθέσεις διμυώδεις*, nuncupandas esse censeo: & si in hâc classe, narrationem, quæ præ manibus versatur, collocaveris, salvo authoris nomine & honore, non indignabor. Hujus autem, si placet, aliquot articulos expendamus.

QUOAD primum, Temporalem ortum humani generis pro certo & indubitato semper habui: idque quinque, & ultra, retrò millenniis, ex fide Chronologiæ Sacræ. Sed è quâ materiâ factus fuerit primus homo, mas vel fœmina, non tam facile est, nec tanti refert, cognoscere. Si Deus voluit extundere fœminam ex costâ Adami, videtur quidem materia minùs idonea; sed ex quovis ligno, vel quovis lapide, vel quovis esse, Deus potest effingere fœminam. Quærunt hîc curiosi, an supervacanea fuerit Adamo hæc costa, aut ultra numerum qui requiritur in justo corpore? Si non, eâ detractâ, mancus esset Adamus, & parte sui necessariâ spoliatus. Necessariâ inquam, supponimus enim nihil esse superflui in fabricâ humani corporis: neque os ullum abripi posse, sine labe totius, aut aliquâ suæ

suæ integritatis læsione. Quod si alterum dixeris, nempe, supervacaneam reverâ, & inutilem fuisse Adamo hanc costam; & in uno latere tredecim habuisse, in altero duodecim tantum: hoc monstri simile esse aiunt; ac si tripes, vel trimanus, factus fuisset primus homo; vel plures oculos, aliave membra, habuisset, quàm fert usus aut integritas humani corporis. Omnia autem *numero, pondere, & mensura*, facta fuerunt ab initio.

HANC ego litem non dirimo: id me magis anxium habet, Quomodo ex unicâ costâ extrui poterat tota moles corporis fœminci? Costa enim non adæquat centesimam, vel millesimam, partem totius corporis. Et si reliquum materiæ aliunde desumptum dixeris, ex illâ materiâ alienâ, qualis qualis fuerit, formatam fuisse Evam, quàm ex costâ Adami, veriùs diceretur. Scio, Doctores Rabbinicos rem totam aliter expedire. Nempe aiunt primum hominem fuisse bicorporem, marem & fœminam; lateribus invicem cohærentes, vel, ut alii volunt, tergoribus. Hos autem dissecuisse Deum, atque Evam ità divulgatam, Adamo in sponsam dedisse. Hujus fabulæ simillimam habet Plato, in Symposio: de primo homine Androgyno, & dein in marem & fœminam bipartito. Alii denique conjiciunt, quod non est improbabile, Mosem hoc modo originem fœmi-

Maimon.
mor. Nev.
pars 1. c.
30. Gen. i.
27.

næ explicuisse, quo mutuum amorem, marem inter & fœminam, ingeneraret, quasi ejusdem Totius partes; atque eâ ratione, institutum conjugii (quo iterum uniuntur) suis efficacius commendaret, quasi in ipsâ naturâ radicatum. Ego verò, his relictis, ad alia propero.

ARTICULUS secundus agit de *Horto Dei in Edene*: quatuor fluviis irrigato, qui ab uno fonte oriuntur. Hunc Hortum Dei apud Mosem eundem esse volunt nonnulli ac *Διὸς κήπος*, Jovis hortum, apud Platonem; & eandem esse utrobique historiam vel allegoriam *κατὰ πνεῦμα ἀπορρήτου λόγου Μωσέως*, *secundum arcanos sensus Mo-*
 Sympol. sis: inquit Eusebius. Atque hunc sensum arcanum quoad Hortum Edenis, eò libentius amplector, quod nullus sit in orbe locus cui omnes notæ & characteres istius Horti conveniant: nam, ut mittam cœlum jugiter serenum, & spontaneam loci fertilitatem, de solis fluviis vexatissima est Theologorum, Geographorum, veterum, recentiorum, necdum finita controversia. Fluvii isti à Mose appellantur Pishon, Gishon, Hiddekel, Perath: quos antiqui authores interpretantur de Gange, Nilo, Tigride & Euphrate. Idque, opinor, rectè. Neque enim aliud sibi videtur proposuisse Moses, quàm ut deduceret ad hunc Hortum rigandum, quatuor cele-

Præp. Ev.
lib. 12. c.
11.

celebratissimos & fertilissimos Terrarum fluvios.

Ατ, inquires, hæc quatuor flumina non oriuntur ex eodem loco, aut eodem capite; rectè, neque quatuor alii quicunque nominantur ab Interpretibus. Hæc igitur objectio ubique valebit, tam contra recentiores quàm antiquos. Quin etiamsi hæc flumina ad duo restrinxeris, quod faciunt nonnulli, nempe ad Euphratem & Tigrim, neque illi duo fluvii ab eodem fonte, vel ab eâdem scaturigine proveniunt. Sed reverà subterfugium est, non expositio, plures fluvios ad pauciores redigere, contra historiam Mosis, quo commodiùs ad eandem originem referantur. Hæc sunt verba Mosis: *Fluvius autem procedit ex Edene, ad irrigandum Hortum: & inde sese dividit, ferturque in quatuor capita. Primi nomen est Pison, &c.* Hinc clarè patet, aut sub ingressu, aut egressu, horti, quatuor fuisse fluvios: & quatuor illos fluvios ab eodem fonte, in Edene, prorupisse. Jam verò, dic quibus in terris sit illa regio Edenica, ubi quatuor fluvii nascuntur ab uno fonte. Neque dicas, quæso, duos tantùm ortos esse ex illo fonte Edenico, reliquosque duos oriri ex Tigride & Euphrate, ubi divaricant prope mare, & finduntur quasi in bivia. Hoc neutiquam respondet verbis Mosis.

CC 3 Præterea,

Præterea, Moses memorat primo loco Pishon & Gihon, dein Tigrim & Euphratem, quasi minores fluvios. Tu è contra, ab his illos derivari velis, tanquam fluvios secundarios. Quæ est manifesta historicæ narrationis distortio.

SED ad rescindendas has difficultates, vel controversias, de originibus alveisque fluviorum Paradisi, dices forsan ultimò, Mutata esse per Diluvium fluviorum capita, cursusque: neque jam constare posse, quâ parte emerferint olim, aut quas terras peragrârint. Esto, Ego juxta tecum sentio: modò fractionem & disruptionem Terræ, quales nos supponimus, in Diluvio contigisse fatearis. Sed ex simplici inundatione, aut redundantia aquarum, hujusmodi mutatio oriri non potuit. Præterea secundum quam Geographiam, vel Hydographiam, descripsisse velis Mosem hæc flumina: ante-diluvianam, vel post-diluvianam? Si posteriorem sumpseris, nulla contigit insignis terrarum mutatio à tempore Moïsis vel Diluvii. Si priorem, supervacaneam reddis descriptionem Moïsaicam, & inutilem ad situm Paradisi investigandum. Denique, ægrè concipi potest, fluvios qualescunque, hos aut alios, extitisse ab ipsâ Terræ origine: sive aquas eorum spectes, sive alveos. Alvei fluviorum fieri solent sensim & diuturnâ attritione; quod si, Terrâ effossâ & aggestâ, facti

facti fuissent, ut scrobes & sulci, in utrâque ripâ fluvii, vel saltem alterâ, magni ubique extitissent aggeres & terrarum cumuli. Id verò planè fortuitum esse videmus; decurrunt enim sæpe per planities, & cum campis adjacentibus æquales sunt, aut æquè altæ, fluviorum ripæ. Præterea, unde essent aquæ his alveis in primâ Terræ foundatione? Si dixeris, cùm factus est alveus Oceani, tertio die, facti sunt etiam alveoli fluviorum: & quemadmodum maxima pars aquarum Abyssi delapsa est in voraginem maris, ità reliquæ partes descenderunt in hos canales fluviatiles, primosque fluvios constituerunt. Esto: sed præterquam quod hujusmodi aqua esset falsa, perinde ac marina, nulli essent fontes perennes ad alendos hos fluvios; ideoque ubi defluerat primum flumen, vel primus amnis, cùm nullæ essent à tergo successuræ aquæ, hi fluvii, vel hæc acquilegia, statim aruissent. Dico, cùm nulli essent *fontes perennes*: sive enim oriuntur fontes à pluvîâ, sive è mari, neutro modo oriri poterant tantillo tempore. Non à pluvîâ, nondum enim pluerat; neque fieri potuit ut aquæ Abyssi decurrerent à locis maximè Mediterraneis ad mare, dein redirent per terræ viscera, novas vias tentando, & percolatæ ascenderent ad capita fluviorum, unius dieculæ spatio. Sed de fluviis satis: pergamus ad reliqua.

SEQUITUR tertio, De Serpente qui allocutus est Evam, & ad diffidendum Deo pellexit: mira historia. Bestiam illam loqui posse, aut quâcunque voce uti, præter sibilam, nondum scimus. Sed quid de eâ re scivisse Evam credemus? Si promuto animali habuisset, ipsa loquela tenuisset fœminam, & ab omni sermonis commercio pepulisset. Quod si loquax fuit, & fermocinator, ab initio serpens, perdiditque loquelam ob hoc facinus, quòd pietatem fidemque Evæ suis blanditiis corruerat; hoc genus pœnæ neuti quam tacuisset Moses: neque levius damnum de *lambendo pulvere*, ipsius loco substituisse. Præterea, vis unicum serpentum genus, vel omnes bestias agri vocales fuisse in Paradiso: ut olim arbores in nemore Dodonæo? Si omnes, Quid commiserunt cætera, ut usum linguæ perderent? Si unicum serpentum genus, hoc gaudebat privilegio: fœdum animal & ab humanâ specie alienissimum, qui potuit mereri, præ aliis omnibus, sermonis gratiam & beneficium? Denique, cum omnis fermocinatio includat rationis usum, cuicunque animali sermonem dederis, illud animal eo ipso rationale constituis.

SED facile credo, hunc nodum aliter soluturos esse sensûs literalis vindices. Aiunt nempe, sub hoc Serpente latuisse Diabolum, vel malum Dæmonem, qui
hujus

hujus animalis ore & organis usus, affatus est fœminam voce quasi humanâ. Sed quo teste, quo authore, hoc dicitur? non id præ se fert litera Mosis, cujus illi sunt adeò tenaces. Quid aliud præ se ferre videtur, & astutiæ naturali hujus animalis id dare penitus, quod Evam deceiverit. Sic enim præfatur Mosis, *Erat autem Serpens callidior quâvis bestiâ agri, quam fecerat Dominus Deus.* Dein iubdit, *Ille dixit mulieri, etiam ne edixisse Deum,* &c. Præterea, Si quâvis Cacodæmonis ope loqui audiisset Eva animal naturâ mutum, obstupefacta statim aufugisset à monstro. Illa verò è contra, familiariter excipit: sermones serunt, confabulant, argutantur: ac si nihil miri, nihil novi, accidisset. Quod si hoc totum ab inscitia & imbecillitate mulieris provenisse dixeris, æquum utique fuisset, ignaræ & imbecilli fœminæ succurrisse, ex alterâ parte, bonos Angelos. Æqui spectatores rerum humanarum haud tulissent tam imparem congressum. Quid enim, si dolo mali Dæmonis, multisicii & in rebus agundis versatissimi, victa fuerit imbellis fœmina, quæ solem nondum orientem vel occidentem viderat: recens in lucem edita, & rerum omnium inexperta? Meruit certè tam charum caput, quod annexam sibi tenuit humani generis salutem:

tem: meruit, inquam, custodiam Angelicam.

SED cavere sibi debuisset fœmina, inquit, ne legem violaret pœnâ mortis sanctam. *Quo die comedetis, moriemini: Vos & vestri: ita se habuit Lex. Mori!* Quid hoc rei est, inquit ignara virgo, quæ nihil unquam mortuum viderat, ne florem quidem; neque mortis imaginem, Somnum, vel noctem, oculis vel animo adhuc fenserat. Sed quod de posteris ipsius adjicis, eorumque pœnâ, id non exprimitur in Lege. Nullæ autem leges sunt torquendæ, minimè pœnaræ.

DE pœnâ Serpentis etiam non levis est quæstio. Si Diabolus rem totam egit sub specie serpentis: vel si coëgit serpentem ut ea ageret vel pateretur: quid serpens luit pœnas criminis à Diabolo commissi? Dein quoad modum & formam pœnæ in serpentem irrogatæ, nempe quod in posterum *pronus iret in ventrem*, quid hoc sibi velit non est facile explicatu. Erectum fuisse antea serpentem, aut quadrupedum more incessisse, ægrè quis dixerit: quod si verò ferebatur pronus in ventrem ab initio, ut hodierni angues, ineptum videri possit, id pro supplicio, & in pœnam singularis facti, huic animali imponi aut attribui, quod semper & à naturâ habuit. Sed de Muliere & Serpente fatis: transeamus ad Arbores.

ARBO-

ARBORES hîc duas intelligo, in medio Horti, *Arborem vitæ*, atque *Arborem scientiæ boni & mali*. Arbor vitæ dicta est, ut aiunt, quod longissimam hominibus vitam datura esset. At, sine hujus arboris ope, longissimam vitam duxerunt omnes ante-diluviani: ut ex sequentibus in eâdem historiâ patet. Præterea, si ex unâ arbore, vel ipsius fructu, pependisset longævitas vel immortalitas hominum, quid si non peccâisset Adamus? Quî potuissent ipsius posterî, per totum terrarum orbem diffusi, fructus repetere ex hoc horto, vel ab hâc arbore? aut quî potuisset sufficere toti humano generi unius arboris proventus? Quoad alteram arborem, *scientiæ boni & mali*, ad quid valuerit, aut unde nomen illud adepta sit, non ita clarè constat. Videtur ingenerâsse, nescio quo succo, vel quâ aliâ virtute, novos sensus pudoris & modestiæ, vel *nuditatis*, ut dicitur; quasi nullum pudorem habuissent in rebus venereis ante lapsum; hodiè tamen, in rebus istiusmodi, innocuos maximè comitatur pudor. Nescio quid sibi vult Sanctus Augustinus, cum ait, in primo hominum statu & innocentia concepturas & parituras fuisse fœminas sine violatione claustrî Virginalis: immisso semine, & exeunte fœtu, per poros, ut exeunt virginum profluvia: totumque opus veneris peractum iri sine ardore

Civ. Del.
lib. 14. c.
26.

ardore ullo, aut stimulis, ut manus manum fricat. Hæc si exigantur ad naturæ & philosophiæ leges, ægrè poterunt expediri. Sed vim aliam hujus arboris innuit Deus, cum ait, *Ecce Adam quasi unus è nobis factus est, sciens bonum & malum* : nempe vi & virtute fructûs istius quem comederat. Quicunque autem impetus aut affectus oritur ex vitio aut inordinato metu, non Dei similes nos reddit, sed dissimillimos. Sed de Arboribus hæc pauca sufficiant : ad reliqua progrediamur.

Post eum hujus pomi, aut ficûs, aut aliûs qualiscunque fructûs, Parentes nostri fecerunt sibi subligacula : ita ait Textus, *Consuerunt folia ficulnea, & fecerunt sibi subligacula*. En primordia artis futuriæ. Sed unde illis acus : unde filum, in primo die suæ creationis ? Linificio, vel Arte Ferrariâ nondum inventis. Hæ forsan liberius quæsitæ videantur ; sed res ipsa postulat ut liberè agamus, cum nudam veritatem quærimus. Quum verò ipsi sibi fecerant subligacula, Deus iis dedit Tunicas : factas nempe ex pellibus animalium. Sed hic iterum incurrimus in difficultates. Ad rem molliendam, loco Dei substituamus Angelum : Angelus igitur, necuit & excoriavit animalia, vel innocuis & vivis pelles detraxit. Sed hoc

hoc Lanii aut Carnificis est, non Angeli. Præterea, ex hâc Lanienâ perissent integra genera Animalium : neque enim plura duobus in unoquoque genere, ab initio producta, creditur : atque alterum sine altero, sive conjuge, nullam habuisset progeniem.

HIS utcunque peractis, quid sequitur ? Parentes nostros, ità pellitos, Deus exegit è Paradiso ; posuitque, ad introitum Horti, Cherubinos, cum versatili & flammanti romphæâ, ne beatas sedes vi & armis, vel etiam ex improvviso repeterent. Ecquis est interpretum qui hæc ad literam astringet ? Angelosque, instar satellitum, strictis gladiis, ante fores horti, per nescio quot sæcula, stetisse asseret ? ut Dracones dicuntur à Poëtis Hesperidum mala custodiisse. Quousque autem durârunt hæc excubiæ Angelicæ ? Ad Diluvium, opinor, si non ultra. Ita occupatos esse censet Angelos, per sesquimillennium & ultra, in custodiendo viridario nocte dieque.

Sic vacat exiguis rebus adesse Deos ?

Quàm facilè fuisset, in loco riguo, qualis erat Paradisus, rivo vel fluvio circumduxisse hortum : quod Adamo & Evæ, qui cymbarum aut navigiorum usum & fabricam adhuc ignorabant, satis superque

perque fuisset obstaculi. Sed hæc & huiusmodi, ne invidiosa videantur, mallet aliis meditanda relinquere.

ITA paucis percurrimus historiæ Paradisiacæ summa capita. Restat unicum expendendum, *Quantillo* tempore hæc omnia peracta narrantur : unius diei spatio, vel forsan dimidio. Supponunt Theologi Adamum consummasse, suum cum Evâ matrimonium, primâ nocte : dein aiunt, si Eva, adhuc innocua, primogenitum suum concepisset, eum pariter peperisset innocuum, & ab omni labe peccati primi immunem. Unde suam etiam progeniem, Patrem quod spectat, ab eodem malo intactam conservasset. Sed nulla est istiusmodi progenies, immaculata, aut semipura : omnes eadem labe inficimur, eodem morbo laboramus. Quapropter statuamus oportet hæc omnia perpetrata fuisse sexto die creationis, ante cubitum aut genialis lecti amplexus. Quot autem, & quanta, congerenda sunt in hunc unum diem ! Hæc breviter, si placet, repetamus. Istoc die Deus creavit omnia pecora, omnes feras & omnia reptilia : denique creavit Adamum. Et cum hæc omnia creasset, adduxit unumquodque genus animalium coram Adamo, ut, pro cuiusque ingenio, nomina iis imponeret. Quam linguam calluit Adamus, primâ suæ nativitatis horâ, vel die, mihi prorsus

prorsus ignotum : sed utcunque, cùm tot sint classēs & familiæ animalium, cuiusque indolem æstimare, aptamque inde nomenclaturam singulis imponere, non exiguum tempus postulare videtur. Finitâ quomodocunque hâc operâ, Deus immisit soporem Adamo, & obdormivit ; altum verò dormienti eripuit ei costam, & ex eâ fabrefecit fœminam : eodem die conjugium ineunt, mas & fœmina recens nati : sine sponsaliis, aut frigidis procorum ambagibus. Eodem die nova nupta, nescio quo proposito, vagata inter arbores nemoris, incidit in Serpentem : ille Serpens colloquium instituit cum fœminâ, argumenta jactant, hâc illâc, de quâdam arbore, aut quodam fructu, edendo vel non edendo. Illa tandem rationibus aut lenociniis victa, fructum comedit ; neque id tantum, sed eundem defert marito, qui pariter comedit. Magna inde mutatio : alter in alterius nuditatem conjiciunt oculos, erubescunt ambo, & confutis foliis ficulneis conficiunt sibi subligacula ; quod aliquot saltem horarum opus esset. Rebus sic stantibus, sub vespere Deus descendit in hortum : aufugiunt fontes, & sese abscondunt inter arbores & frondosam opacitatem. Sed frustrâ, Deus citat reos, comparent, factoque examine totius causæ, in Virum, in Fœminam, in Serpentem,

tem, debitas pœnas discernit. Denique, ad explicandas omnes pœnæ partes, ejiciuntur ex Paradiso parentes nostri, in exilium aguntur: & præpositis Angelis ad omnes aditus horti, vagantur soli per sylvas, & pernoctant inter feras.

INTRA unius diei spatium hæc omnia confecta legimus: magna & multifaria negotia. Sed ardeo dolore, cum tantillo tempore, omnia inversa & perturbata video: totamque rerum naturam vix dum compositam & adornatam, ante primi Solis occasum ad interitum ruerere & deformari. Mane diei Deus dixit, *Omnia esse bona*: sub vespere omnia sunt execrabilia. Quàm fluxa est rerum creaturarum gloria! Opus elaboratum per sex dies, idque omnipotenti manu, infamis Bestia totidem horis perdidit.

HÆC est rerum & temporum ratio, in historiâ primi hominis & Paradisi. Quæ cum singula mecum revolveo, æquo animo, & in omnem partem flexili, quæ ducit ratio & veritatis amor; succensere non possum, ex Patribus & authoribus antiquis, illis, qui in symbola, aut parabolas aut sermones populares, hæc convertere studuerunt. Succenseo autem Celso, qui anilem fabulam, *μύθη τινα ὡς γεχυσὶ διηγούμενον*, hanc narrationem appellat. Ubi rectè monet, per modum responsi, Origines, *ὅτι μετὰ τρηπολογίας ταῦτα ἔρηθ*.

Orig. contra
Cell. l. 2.
p. 186, 187.
& p. 191.
*ἑτεχνῶς
παισὶν ἡπί-
αις ἐμυθε-
λάγησαν.*

ἐξῆν. Quin ipse Celsus testatur in frequentibus, æquioris judicii Interpretes, tam Judæos, quàm Christianos, pudere sensûs literalis, & ad allegorias hæc accommodare, οἱ ὑπεκρίνεσθαι Ἰουδαίων τε καὶ Χριστιανῶν ἐπὶ τέτοις ἀιχνύμενοι, πειρῶν[αί] πως ἀλληγορεῖν αὐτά. Ibid. Hinc vides in primis Ecclesiæ Christianæ sæculis, quibus vixit Celsus, & apud Judæos etiam ante Christum natum, æquiores interpretes à literâ narrationis Mosaicæ recessisse.

Id utique videtur gravissimum & asperrimum in hâc narratione, quod Gentem humanam plexisse, imò perdidisse, dicatur Deus, ob rem exiguam, & fœminilis ingenii levitate perpetratam. Quapropter sentiunt nonnulli, quibus non refragor, ideò in leviusculum, ut videtur, peccatum, tantam pœnam conjecisse Mosẽm, quò Legibus suis, quæ de rebus sæpè minutis, neque suâ naturâ, aut bonis aut malis, graviter decernunt; vim & auctoritatem conciliaret. Quis enim non veretur minimam violare præceptiunculam, quæ Dei venit nomine, si unius pomĩ vetiti esus perniciem attulit humano generi. Sed de his cæterisque Mosaicæ narrationis articulis, quisque suo fruatur sensu, modò fundamentum non subruat. Fundamentum autem hîc appello, Doctrinam de ortu

D d

tempo-

temporali humani generis, & hujusce Telluris; & de utriusque degeneratione: hominesque redemptum iri semine mulieris. In errorem sumus omnes proclives in hoc cæco mortalitatis statu, & inter charitatis officia non minimum est, alios aliis labentibus indulgere aut succurrere. Ego interea Deum testor, qui corda & cogitationes scrutatur, nihil mihi aliud propositum esse, in hoc vel in alio quocunque scripto, quàm ut pietatem promoverem, in veritate fundatam. Neque in hac dissertatione circa primos homines & Paradisum, quicquam affirmatè & asseveranter dico, sed modestè & submissè, ut cordationum judicia experiar. Qui si mecum perpendere velint, primorum sæculorum usum & genium, præcipuè gentium Orientalium; quibus moris erat, per symbola, similitudines, & parabolas, sua placita & doctrinas tradere; res antiquissimas eo modo explicanti, si non consentient, saltem non irascentur. Atque hæc hætenus.

CAP. VIII.

*De rerum Originibus in primo Capite
Geneseos expositis : & de modo in-
terpretandi Hexaëmeron Mosaicum.*

EA quæ præcedenti Capite disseruimus, de rerum originibus, respiciunt maximè humanum genus, eorumque causas & primævum statum. Sed non minùs adversari videtur Telluris Theoriæ rerum inanimatarum & Universi origo, quemadmodum describitur à Mose in primo capite Geneseos. Hanc igitur Cosmogoniam Mosaicam, cæteris omnibus, quarum antea meminimus, antiquiorem habitam, expendere debemus diligentius; atque has lites ita componere aut diluere per amicam interpretationem, ut veritas interim quod utriusque æquè interest, sarta tecta conserve-
tur.

CONVENIUNT quidem Hexaëmeron & Theoria in primis rerum staminibus, ut ita dicam; quòd utrumque supponat Chaos pro substratâ mundi materiâ. Conveniunt etiam in ordine generali, quod mundum inanimem primò, dein anima-

tum constituent. In cæteris autem, ut in formâ & limitibus mundi producti, in modo, tempore, aliisque, non parùm discrepant. Quæ jam pluribus sunt examinanda.

OBSERVANDUM igitur primò, Quam mundi formam, quos limites, proposuerit sibi Hexaëmeron. Notum est, jactari inter eruditos & plebeios duplex mundi systema : quorum unum, Solem habet pro centro ; alterum Terram. Quæritur idcirco, utro nitatur systemate, hoc an illo, Hexaëmeron Mosaicum. Constat quidem Mosem opus suum inchoasse à Terrâ, tanquam totius machinæ basi aut fundamento : Solemque non produxisse nisi quarto, ut ait, die : terrâ, marique, jam constructis & absolutis. Non erat itaque centrum totius operis, Sol, cùm, non nisi post opus semiperfectum, extiterit. Præterea, tam Sol, quàm sydera reliqua, à Mose exhibentur in usum Telluris condita, tanquam corpora serva, ut dies, & annos, & reliqua tempora, nobis metiantur. Ex altera autem hypothese, Sol & Fixæ non tantùm sunt corpora maxima, sed etiam nobilissima : totius universi partes primariæ, & magnæ molis fundamenta. Liquet igitur, utrâque ratione, Mosem secutum esse plebeium systema : quod populo placet, quod adblanditur sensu-

senſibus, quod creditur, & capitur, aut capi videtur, à pluribus. Qua in re rectè conſuluit ſaluti publicæ, & neglectâ philoſophiâ, gravioribus conſiliis, & majoris momenti rationibus, adhæſit.

SECUNDO, Quùm pateat Terram fuiſſe centrum hujusce Chaus Moſaici, quærendum proximè, quouſque ſe protenderit ſurſum hæc maſſa cæca & conſuſa. Videtur quidem ſupponere Hexæmeron, hoc Chaos implèſſe & occupàſſe totum Univerſum, quantum quantum : cœlos omnes & regiones æthereas quaquaverſum diffuſas. Quinetiam lucidiſſimas ſtellas ex hâc materiâ Chaoticâ compoſitas eſſe, neque extitiſſe ullas ante ortum & natales Telluris noſtræ. Hæc præ ſe ferre videtur litera Hexæmeri : ſed reluctantè rerum naturâ, & rationibus philoſophicis.

CONSTAT Fixas eſſe corpora ignea : neque omnes in eâdem hærere ſuperficie : ſed alias aliis eſſe remotiores à Terrâ, & profundius in Cœlum immerſas ; ac propterea nullum communem eſſe omnium umbilicum. Saltem, Terram noſtram, particulam univerſi cæcam & fordidam ; ſingulis Fixis, tam mole quàm dignitate, minorem : hanc, inquam, immenſi corporis eſſe cor, partem maximè nobilem, maximè vitalem ; à naturâ re-

rum & ab omni ratione alienum est. Dico iterum indignanter, hanc Terram, sæcem & recrementum naturæ, caput esse rerum & quasi primigenitum omnis creaturæ, sine opprobrio aut contumeliâ, tam in opus, quam opificem, dici aut cogitari vix potest. Prætereà, si Chaos illud terrestre protensum fuisset per immensam rerum universitatem, Tellusque esset unicum centrum, quò omnes partes crassiores confluebant : illa Tellus, five illud corpus medium, commune receptaculum omnium partium crassarum, evasisset in molem infinities majorem hanc nostrâ Terrellâ. Sufficit enim Chaos sublunare, five ad Lunam protensum, ad constituendam hanc Terram : & si insuper adjicias totum Cælum aspectabile, & quæ sensus nostros fugiunt, omnemque imaginationem, spatia supercœlestia ; neque Sol, neque ullum Corpus visibile, tantæ est magnitudinis, quantæ foret illud corpus in medio Chao compositum.

PRÆTEREA, Mundum, tam incorporeum, quàm corporeum, antiquiorem esse hanc Terrâ habitabili, probari potest aliquo modo, ex authoribus Ecclesiasticis, si penitus rem excutiamus. Plures à Patribus Christianis Angelos existisse ante Terram, vel ante Mundum Mosaicum, per ignota nobis sæcula, statuerunt ;

tuerunt ; aliqui etiam cœlos supremos, vel cœlum Empyreum. Sed de Angelis constantior est, & à pluribus celebrata, sententia. Ut mittam Origenem, hoc Sanctus Basilius in Hexaëmero : Chrysostomus, πρὸς τὰς σκαρδαλιζήντας, c. 7. Hom. 1: πολλὰ ταύτης τῆς κτίσεως πρεσβύτεροι, &c. Gregorius Nazianzenus, Orat. 38. & alibi. Johannes Damascenus, lib. 2. Orth. fid. c. 3. Joh. Philiponus, de Creatione Mun. 1. 1. c. 10. ult. Olym-piodorus in Job. xxxviii. alique è Græcis docuere. E Latinis etiam non pauci eidem sententiæ adhæserunt. Hilarius, l. 12. de Trin. Hieronymus, Ambrosius, (in Hexam. l. 1. c. 5.) Isidorus Hispalensis, Be- In Tit. 1. 2. da, alique. Hieronymi verba libet apponere, *Sex mille necdum nostri orbis implentur anni, & quantas prius æternitates, quanta tempora ; quantas seculorum origines fuisse arbitrandum est, in quibus Angeli, Throni, Dominationes, cæteræque virtutes servierint Deo.* In Libro de Trinitate, sive Novatiani, sive Tertulliani sit, tam mundus Angelicus, quàm super-firmamentarius, conditus dicitur ante mundum Mosaicum ; his verbis : *Quanquam etiam superioribus, id est, super ipsum quoque solidamentum, partibus, Angelos prius instituerit, spiritales virtutes digesserit, Thronos, Potestatesque præfecerit, &*
D d 4
alia

L. 8. Col-
lat. c. 7.

alia multa, cælorum immensa spatia condiderit, &c. Ut hîc mundus novissimum magis Dei opus esse appareat, quàm solum aut unicum. Ad quem locum ita Pamelius: Fuit non modò Novatiani hæc sententia, sed etiam Beati Hieronymi, tum Græcorum omnium, Quod Angeli priùs, (id est, ante omnem creaturam mundi nostri) instituti fuerint. Denique, Catholicorum hanc communem fuisse sententiam, notat Cassianus suo tempore, nempe sæculo quinto in-eunte. De quâ, inquit, nemo fidelium dubitat. Et cùm hoc dogma plenius exposuisset, subdit, Ante illud Genesews temporale principium, omnes illas potestates cælestes Deum creasse, non dubium est.

ET quo minùs dubitent de hæc præ-existèntia Angelorum, faciunt verba Domini ad Jobum, c. xxxviii. 4. &c. *Ubi eras quando ponebam fundamenta Terræ: cùm me laudarent stellæ matutinæ & jubilarent omnes Filii Dei?* Ubi subdit Olympiodorus: Ἀπὸ τούτου δὴλον, ὅτι πρῶτοι οἱ ἄγγελοι τῷ κόσμῳ γενέσθην. *Angelos in creatione mundi primò conditos fuisse, ex hoc loco manifestum est. Constat scilicet ex his verbis, ante jacta Terræ fundamenta, extitisse Angelos, & laudes Deo cecinisse in primâ orbis nostri molitione. Dein, si Stellas matutinas*

matutinas ad literam accipias, constat hinc Sydera & cœlos Telluris nostræ foundationem antecessisse. Præterea, rerum intellectualium existentiam ante-mundanam eruit Hieronymus ex iis factarum literarum locis, ubi aliquid agi dicitur *πρὸ χρόνων αἰώνων*, ut Tit. i. 2. 2 Tim. i. 9. vel *πρὸ ὧν αἰώνων*, 1 Cor. ii. 7. ante sæcula hujus mundi. Neque minus includitur in illâ locutione, *πρὸ καταβολῆς τοῦ κόσμου*, 1 Pet. i. 20. Ephes. i. 4. Joh. xvii. 5. & 24. *ante jacta mundi fundamenta*. Quod non denotat nudam æternitatem, sed hujusce mundi periodos & foundationem. Quorum utrique præ-extetit Anima Messię, & œconomię Christianę mysterium. Sed ad Angelos redeamus.

DENIQUE, ut oraculis sacris, & auctoritate Patrum, ita ratione & argumentis, idem licet evincere. Lapsi sunt Angeli ante mundum nostrum conditum, ergo prius creati, idque per aliquot sæcula. Neque enim verisimile est, eâ imbecillitate factas esse præstantissimas creaturas, ut in malum & miseriam prolaberentur statim ab ortu & natalibus : neque id convenit Deo optimo, maximo, rerum omnium intelligentium Patri benigno, ut sui operis partem nobilissimam loco adeò lubrico collocaret, ut statim, amotâ Conditoris manu, præceps rueret in perniciem ; in extremas
pœnas,

pœnas, & tristissima Tartara, æternùm damnanda.

QUÆ cùm ita sint, ab Angelis ad mundum corporeum transeamus. Ubi illud primò notandum, si nulli prorsus materiæ uniti fuissent Angeli, nullum inde voluptatem, aut perceptionem qualemcunque habuissent, vix fieri potuit, ut à suis sedibus & primævo statu, detorquerentur. Ubinam locorum habitârunt Angeli ante-mundani? In cœlo & luce habitâsse, ait Basiliius. Ex antiquis multi, ut notum est, *σώματα λεπτά*, atque sui generis; non crassa & terrestria, instar nostrum, Angelis attribuunt: & Concilium Nicænum secundum, hanc doctrinam, ex libro Johannis Episcopi Thessalonicensis propositam, ratam esse voluit. Ita se habent verba: *De Angelis & Archangelis, & eorum potestatibus; quibus & nostras Animas adjungo: ipsa Catholica Ecclesia sic sentit. Esse quidem intelligibiles, sed non omninò corporis expertes, & invisibiles; ut vos Gentiles dicitis; verùm tenui corpore præditos, & aërio, sive igneo: ut scriptum est, Qui facit Angelos ipsius, spiritus: & ministros ejus, ignem urentem. Sic autem multos Sanctorum Patrum sensisse cognovimus: quorum est Basiliius, cognomento Magnus: & B. Athanasius, & Methodius, & qui stant ab*

Act. 5. edit.
1644. Paris.
rif.

ab illis *. Non id volunt, Angelos esse corpora, sed habere corpora, ut habent Animæ humanæ. Non tamen ejusdem luti cum nostris hodiernis, sed tenuia instar aëris aut ignis: & eorum similia quæ habituri sumus, cùm erimus *ἰσαγγελοι*. Denique, qui locum illum, Gen. vi. 2, &c. de congressu Angelorum cum filiabus hominum, interpretantur: id quod faciunt è Patribus, aliisque, non pauci †: necesse est asserant Angelos habere corpora, suæ naturæ propria & cognata. Ex quibus omnibus colligitur, unâ cum Angelis materiam aliquam cœlestem Telluri præextitisse.

SED quæcunque aut qualiscunque fuerit illa materia lucida, subtilis & tenuis, non extitit seorsim & ante reliquam massam materiæ. Omnis enim materia simul & semel è nihilo producta est. Neque concipere licet actionem creationis in partes & distantia sæcula divisam: manentibus interim vacuis reliqui mundi plagis
&

* S. August. multis in locis, quos vid. apud Sin. Sen. lib. 5. Annot. 8. Vid. Cæsarium Dial. 1. B. P. tom. 4.

† Præter Philon. & Joseph. Just. Mart. Apol. ad sen. Ro. m. p. 44. Athen. Leg. p. 27. Origenes. Clem. Alex. multis in locis. Euseb. præp. Evan. lib. 5. Methodius apud Phot. cod. 234. E Latinis, Tertullianus de hab. mul. c. 2. & aliis in locis. Lactan. lib. 2. c. 14. Cyprian. de disc. & hab. Virginum. Ambros. lib. de Noe. Sulp. Sever. hist. sac. lib. 4. c. 3.

& regionibus. Si mica materiæ extitit ante Epocham Mosaicam, tota moles universi, me iudice, ante eandem extitit. Ac proinde si materia illa Angelica, vel Angelorumvehiculæ, præcessere originem Telluris, ut philosophantur Patres Græci; omnis materia aliquo modo præcessit. Eiusdem verò dispositio & ordinatio, secundum varias partes, regiones, & formas, alio atque alio modo & tempore, ad præscriptum Providentiæ, obtinuit.

HACTENUS de Angelorum præ-existentiâ, & ipsius etiam materiæ, in quantum cum Angelis connectitur, ex autoritate Patrum egimus. Redeamus jam ad rerum naturam, & mundum aspectabilem: neque enim defunt argumenta plura in mundo corporeo, quæ eandem Materiæ antiquitatem confirmant; atque Epocham Mosaicam, præter propter, sexmillennem, non totius universi originem, comprehendere, sed Telluris nostræ sæcula, & tempus formationis è suo Chao, satis testantur. Si phænomena cælorum perlustremus iterum, Syderumque, tam Errantium quàm Inerrantium choros; facilè credemus, tam numerosam progeniem, & meliori dignam parente, non unius Chaûs Terreni sobolem esse; neque pati posse, ut intra exigui temporis cancellos eorum ætates & historiæ includantur. Perpendamus, si placet, quod jam constat omnibus,

bus, Tellurem esse Planetam; multosque esse Planetas, præter Tellurem, ejusdem indolis, similisque materiæ & formæ: quos omnes, probabile est, eundem habuisse suæ originis modum & principium: nempe, unumquemque ortum esse è suo Chao. Ex quo autem facta est Terra, nullius novi Planetæ natales vidimus; ac proinde, aut omnes sunt antiquiores Terrâ, aut cœvi. Si prius, res confecta est: sin cœvos feceris, tot oportebit supponere Chaos, quot sunt primarii Planetæ. Constat enim Jovem, exempli gratiâ, qui suos circumrotat satellites, sibi esse centrum, neque pendere qualitercunque è Terrâ nostrâ; uti quidem nec reliqui, præter Lunam.

PRÆTEREA, Stellæ Fixæ videntur antiquiores Planetis, & unamquamque esse sui orbis aut vorticis centrum. Tot itaque systemata constituenda sunt in cœlo, quot sunt Fixæ: quæ cum sint, numero & mole, maximæ, absorbent hoc punctum Telluris, quasi minus nihilo: neque inde repetendas esse earum origines, aut eò deberi gratias, facilè ferent cœlorum amici, aut quivis Dei operum æqui æstimatores.

DENIQUE, verisimile est Planetas olim fuisse Fixas: Terramque ipsam in eodem censu & ordine numerandam esse. Planetarum origines ex aliâ quacunque hypothesi,

thesi, haud facilè expedit. Saltem si ignem habent in Centro, quod admodum probabile est. Præterea, vidimus Solem, densis maculis quandoque faciem obductum: legimusque per aliquot dies pallidum, obscurum, & quasi extremâ jam in morte luctantem; is autem qui ægrotat, potest mori: & quod uni accidit, aliis ejusdem generis (congeneres autem sunt omnes Fixæ) accidere potest. Fixæ igitur sunt extinguibiles: extinguitur autem Fixa, cùm, crasso macularum cortice, quem perrumpere non potest, oblecta, in corpus obscurum & opacum degenerat: quale quiddam est Planeta.

POSTREMO, Stellæ novæ, quæ nuperis annis apparuerunt in cœlo, nullum habuere cum Terrâ, quoad origines suas, nexum aut cognitionem. Neque magis ullum habent Cometæ: qui, licet, in nonnullis, dubiæ sint & difficilis explanationis, nihil aliud esse mihi videntur, quàm Fixarum cadavera, ut ita dicam: nondum sepulta, nondum ad requiem composita. Vagantur per varias cœli regiones, Umbrarum instar, donec invenerint sedes aptas; quibus repertis, fugam sistunt, &, in Planetas conversi, circa aliquod astrum motus suos obeunt. Quod si, ex aliâ hypothese, pro corporibus originariis habeantur Cometæ, tam immensos peragunt circulos & periodos, ut, eundem

dem nobis unquam bis visum esse, in eâdem sui circuitûs parte, à nemine probari potest.

HÆC & hujusmodi cœlorum phænomena, ad Epocham sexmillennem, salvis naturæ legibus, ægrè revocari possunt. Quin fatendum erit potius non eandem fuisse originem, neque coævam, Telluris nostræ & totius Universi: sive Intellectualis, sive Corporei. Neque mirum videri debet hæc non distinxisse Mosem, aut Universi originem non tractasse seorsim ab illâ mundi nostri sublunaris: hæc enim non distinguit populus, aut separatim æstimat. Maxima pars hominum reliquum naturæ & Universi pro quâdam habet Orbis nostri aut Telluris appendice, quæ nihil valet ex seipsâ, sed attexitur in usum humani generis, & ut commodis nostris inserviat. Rectè igitur Legislatores sapientissimi philosophis reliquit id negotii, ut ubi maturuerit ingenium humanum, per ætatem, usum, & observationes, opera Dei alio ordine digererent, perfectionibus divinis atque rerum naturæ adaptato. Sed de hoc Capite satis: pergamus ad alia.

TERCIO, memorat Moses in suo Hexæmero celebre phænomenon, quod nulli rerum comparet. *Aquas* intelligo *supercælestes*: quibus condendis, aut suis sedibus disponendis, Deus impendisse dicitur

citur integrum diem : non minus scilicet temporis quàm condendo Soli, & Lunæ, & toti cælorum exercitui ! Hæc corpora præclara meritò sibi vendicant viginti quatuor horarum labores, sed rei obscuræ & incognitæ tantundem operis invidemus. Age verò, quæramus has aquas invisibiles : quibus hærent sedibus, aut olim hæserunt. Ait Moses, supra Firmamentum positas esse : Solem verò & reliqua sydera in Firmamento. Eâ ratione aquas illas collocat super omnes Stellæ, aut cælum stellatum ; harum nihilominus centrum, omniumque rerum constituit Terram : cùm verò graviores sint aquæ materiâ cœlesti, ipsoque aëre, quî possunt hærerere in altissimâ sede, nullis corporibus intermediis crassioris fidi, suffultæ ? Nos vetat recurrere ad omnipotentiam divinam, in hâc materiâ, Sanctus Augustinus : qui in tractando hoc ipso argumento, ita nos monet, graviter & appositè. *Nec quisquam dicat secundum omnipotentiam Dei, cui cuncta sunt possibilia, oportere nos credere aquas tam graves quàm novimus atque sentimus, cœlesti corpori, in quo sunt sydera, superfusas : nunc enim, quemadmodum Deus instituerit naturas rerum, secundum scripturas ejus nos querere convenit, non autem quod ipse in iis, aut ex iis, ad miraculum omnipotentia suæ velit operari.* Huic concinit,

Lib. 2. de
Gen. ad lit.

cinit, quod generalius nos docuit alibi,
Sic Deus administrat omnia quæ creavit, Civ. Dei,
ut ipsa proprios motus exercere & agere lib. 7. c. 30.
sinat. Penes has regulas esto judi-
cium.

PRÆTEREA, si extitissent supra altissimos cœlos hujusmodi, nescio quales, Aquæ: quid interfuisset populi hoc nôsse mysterium? Alienum est à more & proposito Mosis, res invisibiles & absconditas, & inutilis notitiæ, memorare in suo Hexaëmero; quod mundi aspectabilis phænomena tantùm profequitur; utpote quæ omnium oculos feriunt, & Creatorem desiderant: quæ verò nullibi comparent, nullo indigent authore, nullâ explicatione.

Quare nonnullis visum est, has aquas supra Firmamentum positas, de nubibus aquosis interpretari, atque duplex idè statuere firmamentum, superius & inferius: illud, in quo resident stellæ: hoc, in quo fluctuant vapores, nubes, & meteora; nempe spatium quod interjacet Terram & mediam aëris regionem, Firmamentum appellant. Sed ex hac interpretatione, quid est, quæso, quod Deus creavit secundo die? aliquantulum spatii? hoc intervallum quod est inter nos & nubila? At istud intervallum extitit antea: non ad mediam aëris regionem tantum, sed ad supremum utique cælum, proten-

E e

sum :

sum : five Lucem primigeniam, five Chaos, interpositum supponas. Quid igitur rei est, quæ sententia, creare intervallum secundo die, quod extitit primo? Neque sepimentum aliquod solidum in cœlis fluidis jam admittitur.

Sed ad refellendum ulteriùs hanc interpretationem, audiamus verba Mosis: Secundo die, inquit, *Deus dixit, Fiat Firmamentum in medio aquarum, & determinet aquas ab aquis.* Nempe superiores ab inferioribus. Extiterunt igitur hæ aquæ, tam superiores quàm inferiores, ante factum hoc Firmamentum interaqueum. Terminus enim, vel determinatio, est rerum jam existentium. Dic igitur quænam erant, vel ubinam locorum, hæ aquæ superiores ante factam hanc separationem. Videntur fuisse priùs massa continua, atque hâc contignatione bipartiri. At pluvix non extiterunt antea, neque nubes. Has itaque si haberi velis pro aquis superioribus, non respondet interpretatio verbis Mosaicis. Denique præposterum esset, nubes condere ante Terram: vel tanti facere hæc vaporum coagula, quæ fiunt & percunt singulis diebus, ut sextam partem magni Dei operis occuparent.

RES eò redit: Generationem naturalem pluvix per vapores densatos, non capit populus; sed pluviam cœlo divinitus

nitùs missam credit, sive immediatè à Deo : huic ut opinioni faveret Moses, statuit commune receptaculum Aquarum super cœlos : ut Deus, pro lubitu, laxatis vel occlusis Cataractis, pluviam dimittat vel retineat. Hæc mihi videtur mens & consilium sacri authoris, quoad Aquas supercœlestes. Atque hoc modo dignitati Mosis optime consulitur, si quoties recessum est à veritate physicâ, id fieri supponamus, κατὰ συγκατάβασιν, ad vires usumque populi suam Cosmopœiam accommodando.

EODEM modo cùm de *Luce primigeniâ* agitur, in primo die creationis, id Phænomenon est pariter inexplicable ratione physicâ ; sed ne Deus videretur in tenebris operari per triduum, opportunum visum est Mosi, sub ipso initio operis, *Lucem* proferre. At qualem Lucem ? Lucem sine fonte, sine scaturigine. Lux autem, si philosophemur, profluit ab aliquo centro, ubi cor & principium sui motûs. Prodit autem Lux in hâc Cosmopœiâ ante omnem distinctionem cœlorum in orbes aut vortices. Præterea, secundum literam, videtur Deus intermisisse opus suum nocturno tempore, ut solent homines : sed non video quî perfici poterat alterum Hemisphærium (cœleste vel terrestre) si ulla fuit operis

intermissio, & Deus non ageret nisi ubi lux esset. Cæterùm has minutias non curat populus, neque Antipodas somniat, aut hemisphærium : sed mundum
 Isa. xl. 22. concipit instar Tentorii, cujus tectum est cælum : & planities Terræ, fundamentum.

SUCCEdit Tertiæ diei opus, ubi origo Oceani ἀρχὴς καὶ ἀδισσώφης, ad captum vulgi describitur his verbis: *Congregentur Aquæ*, inquit Deus, *in unum locum, & appareat Arida. Aridam autem vocavit Terram, & congregationem aquarum, Maria.* Hæc collectio aquarum ad discooperiendam Terram, quæ sub Abyssò latuit, duobus tantùm modis fieri potuit : vel accumulatione aquarum certis in locis, ut nullæ manerent in reliquis : vel excavatione Terræ subabyssinæ, certis in locis, ut aquæ eò subsiderent. Sed accumulatio illa non efficeret alveum Oceani ; itaque omnes Interpretes aiunt, excavatione Terræ factum esse alveum Oceani, eoque deductis aut aggregatis aquis, denudatam esse Terram in cæteris locis. Præterea, eadem operâ factos esse montes, aiunt : nempe ex terrâ egestâ ex hâc fossâ marinâ, & variis in locis exaggeratâ.

Quid luculentius hâc originatione Oceani & Montium, si calculis & severiori examine abstineas. Hæc itaque debent placuisse & satisfecisse populo, qui
 se

se non torquent argutiis. Quibus verò animus est harum rerum examen stric-
tius instituere, consulant, si placet, quæ
scripta sunt, Theoriæ l. 1 c. 8, 9. & ul-
timo. In quo ultimo capite, per rati-
ones multiplices, & indicia manifesta,
monstratur, neque alveum Oceani, ne-
que Montes, neque primam Aridam ha-
bitabilem, ab hac origine provenire po-
tuisse. Eadem verò hic repetere, aut
plura addere, haud operæ pretium esset.

Hæc de primo triduo Creationis Mo-
saicæ. In quâ, si primi & secundi diei
opus præterisset Author, nempe *Lucem
illam vagam, & Aquas supercælestes*; ver-
sumque nonum proximè subjunxisset se-
cundo, suo mundo, vel orbi habitabili,
nihil defuisset. Sed quoniam diem septi-
mum, saltem ut mihi videtur, pro Sabbatho
habere & consecrare decreverat, protra-
hendum erat opus Creationis in sex dies:
ut unâ cum memoriâ mundi absoluti,
& exemplo Dei requiescentis ab omni
operâ, septimus dies perpetuò celebra-
retur. Sed admodum inæqualia sunt ho-
rum dierum pensa: primi diei opus ictu
oculi peractum fuisset: atque, ita opinor,
secundi. Sed diei tertii magnum esset
molimen & diuturnum. Primò exca-
vere fossam tantam, quanta est illa Al-
vei marini; dein, Aquas omnes, quæ
superficiem Terræ operiebant, derivare,

vel potiùs detrudere, in illam fossam. *Detrudere*, inquam, quandoquidem non sponte irent versùs mare, cùm nulli essent adhuc fluviorum Alvei, neque terrarum declivitas. Ubi appliciti erant novi montes, aut egestæ terræ cumuli, iis in locis excuterentur aquæ, & tantundem profluerit in fossam: sed in reliquis locis nisi vis alia accederet, hærent immotæ super faciem Terræ. Utcunque si decurrisset supponas rapidè instar fluviorum, è locis nonnullis Mediterraneis ad mare, aliquot dierum esset. Quarti diei pensum videtur non minùs operosum: Solem, Lunam, Sydera: Deus bone, quot & quanta corpora, una dies parturiit & perfecit. In singulis autem Planetis condendis sex dies impendendi essent, non minùs quàm in nostro; cùm eadem ferè sint formâ, nec dissimili, quantum constat, supellectile & apparatu. Præterea, aggregandi erant omnes, secundum ordinem rerum, ad Tertium diem, cùm sint corpora Terrestria. Luna maximè, quæ à suo centro, Terræ, ægrè se develli patitur, & in aliam classẽ transferri. Sed Moses sequitur Philosophiam vulgi, Lunamque copulat cum Sole, quasi similis essent indolis & magnitudinis. Quinti denique, & sexti diei opera erant multifaria. Omnium Avium & avicularum: Piscium & pisciculorum: Bestiarum,

Gen. i. 10,
& 24.

&

& bestiolearum corpora, fabrefacta fuere in hoc biduo: ex aquis & è Terrâ producta. Tardiùs hodiè proceditur in concinnandis corporibus Animalium: neque id miror, cùm tanti sunt artificii. At cùm cujusque animalis & animalculi corpus adeò accuratè formatum & compositum sit, corpus Telluris, communis omnium Matris adeò deforme, hiulcum, & ruinosum fuisse ab origine mundi, ac est hodiè, nunquam inducar, ut credam. Sed hoc obiter.

VOLUIT Sanctus Augustinus, hæc omnia, quæ dicuntur opera sex dierum, unico momento creata fuisse: quæ dispescuit Moses in classes & diversa tempora, quo magis juvaret imaginationem populi, in concipiendis rerum originibus. Deus, ut mihi videtur, omnem substantiam, sive intellectualem, sive corpoream, unico momento, indivisibili actu, è nihilo produxit. Neque cã ratione à scopo aberravit Augustinus: sed non hìc agitur (secundum rei veritatem) de universâ substantiâ, sed de mundo Terrestris tantùm: nec de ipsius creatione, sed formatione. De creatione rerum omnium ex nihilo, sive ex nullâ præ-existente materiâ, dubitari non potest, neque id fuisse ab æterno (Creatura enim æterna à nobis concipi non queat) sed limites sexmillennes, Epo-

cham breviusculam, Creationi divinæ præscribere nunquam ausus sum. Id, cum multis aliis, inter arcana Dei libentius relinquo.

HÆC breviter annotata ad Genesin rerum à Mose propositam, arguere videantur, non id consilio fuisse sacro auctori, ut mundi ortum explicaret secundum veritatem physicam; quod inutile fuisset populo philosophiæ indocili; sed originem rerum eâ methodo proponere, quæ facilis esset conceptu, animisque hominum pietatem ingeneraret, & veri numinis cultum. Et cum singulæ Gentes antiquæ, Ægyptiæ, Phœniciæ, Chaldaicæ, aliæque, suas habuerint Cosmogonias, in exordio plerumque historiarum, vel suæ Theologiæ præmissas; opportunum duxit Moses, Legibus & institutis, quæ scripturus erat Israelitis, præfari, aut prætexere, non tantum suæ gentis originem, sed etiam totius Mundi. Quùm verò fabulis sæpenumerò, & nescio quot Diis & Deabus, refertæ essent illæ gentium Cosmogoniæ; non sine gravi Religionis corruptelâ: his omnibus expunctis, castè & innocuè argumentum tractavit. Et quò Idololatriæ radices evelleret, Cœlum, Solem, Lunam, Sydera, aliarum gentium maxima numina, non ut æterna, neque sui gratiâ condita, exhibuit: sed

sed ut huic orbi sublunari, atque usibus humanis inservirent.*

Hoc mihi videtur Sacri Scriptoris fuisse propositum. Quod si nudam veritatem ac Theoriam Physicam, quæramus alia tela texenda est. Nempe statuumendum, si rectè judico, Mundum, qui exortus est sex abhinc prope millenniis, non aliud fuisse quàm Orbem sublunarem, sive Tellurem nostram cum cælo. Atque illud Chaos unde ortus est, non universale, aut per immensa cælorum spatia diffusum esse, sed intra præfatos limites contentum; totum scilicet infra Lunam. Dein ex illo Chao prodiit Tellus primigenia: non eâ formâ, quam depinxit Moses: ille enim formam istam delineavit, quæ populo ante oculos observabatur, hodiernam scilicet, & post-Diluvianam; nec sine longâ verborum ambage & argumentorum serie, ad primam formam ascendere potuisset, & utriusque filum ad sua tempora deducere. Denique, nec Sol, nec Sydera, composita sunt ex hoc Chao Terrestris: sed
cum

*S. Basil. Hom. 5. princ. Διὰ τὸ τοῦ προεστυτέρα τῆ ἡλίου περὶ γῆν διακόσμησις, ἵνα ἡ τοῦ προσκυνοῦν τὸν ἥλιον, ὡς αὐτὸν τὴν αἰτίαν τῆς ζωῆς παρεχόμενον, οἱ πεπλανημένοι παύσωνται, &c. Dein, hom. 6. ἡλιος δὲ ὅτι ἦν. In eundem sensum vid. etiam Philoponi κοσμοπ. l. 4. c. 1. πολλάκις εἶπεν ὡς ἰσαγωγικόν, &c.

cùm Hominem, quasi rerum apicem, & sub Deo, supremum Dominum, constituisset Moses, ipsius gratiâ totum universum conditum & constructum exhibuit. Hæc mihi videtur ratio utriusque Cosmopœiæ, Physicæ, & Ethnicæ: ita enim appello Mosaicam; cùm non tam *φυσικῶς* quàm *ἠθικῶς*, institui & ordinari videatur. Intereâ, si aliis aliter visum fuerit, ego neminem vexo, aut de suâ sententiâ perturbare cupio. Quisque suâ luce, atque suo sensu, gaudeat. Eâ autem omnes tenemur uti ratione, quam Deus singulis indulsit, donec quid clarius de cœlo affulserit.

C A P. IX.

Dubiis & objectionibus occurritur, quæ ab iis, qui literæ Hexaëmeri adhaerent, contra præfatam expositionem urgeri poterunt.

HIS ità expositis, magnam objectionum molem obstare video: quam tamen, pro viribus, amovere conabor, atque causam conservare integram apud æquos iudices; quorum utpote officium esse ducimus, ex amore veritatis, &

& rationum momentis, non ex inveterata opinione, sententiam ferre. Rem autem, quàm potero, adductis utrinque rationibus, paucis expediam.

AIUNT imprimis hujus expositionis adversarii **ALIUD** esse Creationem, Aliud rerum jam creatarum Formationem: loqui autem Mosem de Creatione rerum ex nihilo, cujus Epocham statuit paucis retro millenniis: nos autem id totum interpretari de Formatione rerum, sive de materiæ confusæ in mundum habitabilem dispositione. Statum quæstionis accipimus: sed neque à verbis Moſis, nec aliunde, probari potest quod obtenditur. Vox כרא apud Hebræos, κτίζειν apud Græcos, *create* apud Latinos, vim istam non habent. Nec in quacunque linguâ, quod sciam, productio rerum ex nihilo, unicâ voce comprehenditur. Vis & usus dictarum vocum in tribus istis linguis, satis nota sunt: Et quoad Hebraicam speciatim usumque in sacris literis, vocem כרא aliis actionibus effectivè applicari, quàm primæ rerum productioni, apud omnes in confesso est. Ab istoc igitur vocabulo nihil probari potest. Neque, inquam aliunde, vel à sacris literis, vel à ratione, sustentari potest hæc obiectio. Ait quidem Apostolus, πῶς νοῦ-
 μόν κατηγίδει τοὺς αἰῶνας ἑήματι θεῷ, εἰς τὸ μέ-
 γα

ἐκ φαινομένων τὰ βλεπόμενα γεγνέναι. Κατηρτί-
 θαι (*adaptari, compingi, construi*;) non
 significat productionem rei ex nihilo: i-
 Heb. xi. 3. deòque non dicit Apostolus, μὴ ἐξ ὄντων,
 sed, μὴ ἐκ φαινομένων, κατηρτίθαι τὸς αἰῶνας. *Ex*
non apparentibus: sive quod jam eva-
 nuerint, in aliam formam mutata: sive
 quod olim etiam erant tenebrosa, &
 ἀόρατα. Nempe intelligit, quod antea
 notavimus, molem illam cæcam & in-
 digestam, quam תהו ובהו apellavit Mo-
 ses. Hanc molem, hoc Chaos, in or-
 dinem speciemque mundi habitabilis di-
 gessit Deus, & partes ipsius adaptavit,
 quasi membra corporis, è massâ femineâ
 educta, formata, & coagmentata.

DENIQUE quoad Rationem & exteri-
 oris mundi phænomena, nihil est in re-
 rum naturâ quod novitatem Materiæ ar-
 guit: sed novitatem Formæ, multa,
 Quinimò circa cælos nonnulla notavimus
 in præcedenti capite, quæ ætatem plus-
 quam sexmillenem non obscurè indicant.
 Omnis autem materia, ut antea diximus,
 est coætanea: & ni fallor, omnis substan-
 tia creata. Angelos porro præ-existisse
 mundo Mosaico, in superioribus probatum
 dedimus: animasque humanas suis cor-
 poribus Terrestribus præ-existisse, docu-
 it antiquitas, tam Orientalis, quàm Oc-
 cidentalis. Vides quàm multa faciunt
 in partes antiquitatis rerum, sed ex
 nullis

nullo Capite probari potest, Chaos Mosaicum, tunc temporis, è puro puto nihilo prodiisse.

SECUNDO objicitur, quærendo, si materia Chaus extitit ante Mundi Mosaici principium, Quid fuit, quem in finem extitit, aut ubinam loci ante illud tempus? Respondeo, Hæc non esse sollicitiùs quærenda, cum magnâ ex parte notitiam nostram fugiant. Sed vidimus quandoque novas stellas in cœlo oriri, quæ nunquam antea apparuerant, quas tamen præ-extitisse sub aliquâ formâ, & alicubi locorum, æquum est, credamus. Præterea, Cometas sæpe in cœlo advertimus, quorum origo & primæ sedes nos latent. Denique, neutiquam fingendum est, cœlos incorruptibiles; Corpora cœlestia perinde ac Terrestria, suas habent vicissitudines & transmutationes; atque ipsæ Fixæ in Planetas, mediante Chao, converti possunt: & vicissim Planetæ, excussis sordibus, in Fixas reviviscere. Ea est rerum omnium creaturarum instabilitas & reciprocatio. Hæc de materiâ Mundi.

Vid. Theor.
Tel. l. 4. c.
10.

TERTIO objicitur, quoad Formam, ordinem, & genera, rerum conditarum, Mosëm, ex hypothesi nostrâ, recessisse à veritate, & à rerum naturâ: quo consuleret, ut fingitur, utilitatibus populi, & vulgaris ingenii modulo. At
veritas,

veritas, inquit, est res sacra & inviolabilis, quam nullo prætextu lædere, aut ipsius dignitatem infringere : nullas ob causas penitus abdicare licet, maximè viro sacro, & in tractandis rebus sacris.

Hæc est decumana objectio, quæ omnium ferè vires complectitur : & si huic obsistendæ vel superandæ pares fuerimus, minùs metuendum erit à reliquis. Fatemur imprimis, Mosè recessisse à veritate physicâ in suâ Cosmopœiâ : fate-mur etiam, veritatem esse rem sacram : sed in sacris sunt varii gradus & ordines, quorum alii aliis sunt magis aut minùs inviolabiles. Hic de veritate physicâ agitur, non morali aut divinâ : nihil autem usitatius est in sacris literis, quàm, neglectâ veritate physicâ, rerum naturas *λαβουματικῶς* exhibere : hoc est, secundum opinionem, affectus, & judicia, populi. Ita Terram Planam, & quadrangularem, exhibet sacra Scriptura : Cœlum solidum, & expansum instar Tabernaculi : Lunam inter maxima sydera : Solem ab Oriente in Occidentem quotidie cursitantem : Oceanum litoribus altiore. Hæc de Mundo Corporeo. Dein Angelos alatos & linguatos : Animasque sanguineas & post mortem dormituras : denique, Dei ipsius, Optimi Maximi, aures, oculos, manus, digitos, memorat, &

& reliqua membra : prætereà, Infiniti Numinis motus locales, affectus, & passionēs. Hæc vera esse dixeris, vel ad captum vulgi accommodata? Quod si in tot tantisque rebus non refugit aut reformidat Scriptura sacra à veritate recedere, quid ni licuerit Mosi eadem uti libertate in tradendis rerum Originibus? cùm istiusmodi reverà fuerint, ut earum explicationem nudam & philosophicam, populus, nec sapere, nec ferre potuisset.

NEQUE apud Sacros Scriptores tantum, sed etiam Gentium philosophos, moris erat, populum, ἢ πολὺν καὶ διμωδὴν ἀνθρώπων, ut illi loquuntur; vel etiam Discipulos νεοφύτους, crasso modo erudire. Et non nisi peracto quodam Tyrocinio literario, ad interiores rerum sensus admittere. Hunc duplicem docendi modum inter Philosophos sæpius notavimus in præcedenti libro: secundum illud dictum Parmenidis,

Διπλὴν εἶναι τὴν φιλοσοφίαν, ἢ μὲν κατὰ ἀλήθειαν, ἢ δὲ κατὰ δόξαν. *Duplicem esse philosophandi* Apud
Laert.

modum, secundum veritatem, unum: alterum, secundum opinionem communem. Sed non uno modo celarunt veritatem Antiqui: quandoque sermone symbolico, parabolico, vel aliàs figurato: quandoque sermone populari & plebeio: quandoque res explicando κατὰ τὸ θεῖον, vel κατὰ τὴν πρόνοιαν, non ad naturæ leges. Horum omnium modorum exempla habemus

mus in sacris codicibus: neque ideò mirandum, aut hos aut illos secutum esse Mosem, in explicando mundo naturali, ipsiusque origine.

DIXIMUS supra, in rebus sacris, alias aliis esse sacratiores: & quantum ad *veritatem*, hanc sequimur, celamus, aut dissimulamus, pro rationum momentis, quæ inde pendent. Cui unquam, viro probo, viro pio, religio est, ægrotos, pueros, aut mentis malè compotes, in suum ipsorum commodum fallere & decipere? Et quid ni numeremus in hoc censu rudem & indocilem plebem eodem modo tractandam? nempe cum res postulat, & majoris boni adipiscendi ratio. Malo dolo uti in alterius damnum, nefas est: sed ob commune bonum, & ad succurrendum infirmis, fallimus & fallimur sine crimine. Est aliquid magis sacrosanctum & inviolabile in ratione Boni, quàm in ratione Veri; quæ cum pariter conciliari non possunt, cedit posterius priori.

UT hæc ad propositum, Mosemque nostrum, applicemus; convenimus libenter, non temerè aut levi de causâ recedendum esse à vero. Sed verum quod effertur sine fructu, est superfluum: quod autem non sine gravi damno, est noxium. Nostro autem Mosi ita comparatum erat cum suo populo, ut neque cum eorum fructu, nec sine damno, exquisitas rerum
origi-

origines iis exponere poterat. Quid si proposuisset Moses, in exordio suæ Cosmogoniæ, verum mundi systema: dixissetque suis Israelitis, Scitote, Patres Fratresque, Terram, quam pedibus terimus, quæque nobis videtur immota, & rerum omnium stabile fundamentum, gyrare perpetuò, moveri celerrimè, & per integrum sui orbem singulis diebus circumrotari: dein, singulis annis, ferri per altum æthera circa Solem, immensâ ferè orbitâ, Sol intereà, qui nobis videtur strenuissimus cursor, & duodecim horis, plus minus, ingens cœli nostri stadium conficere, nos fallit & ludit oculos. Ille enim hæret otiosus in suâ sede, per diem noctemque: atque id operis commendat Terræ, ut diem & noctem, & diversa anni tempora, suo motu constituat & metiatur. Si hoc modo sermonem suum auspicatus esset Moses, annon, ut absurda narrantem, & à communi sensu aliena, cum risu aut fastidio accepisset populus! & non sine gravi suo damno, virum sacrum, tanquam nugivendum, rejecisset? Hæc tamen vera sunt, licet non utilia aut idonea vulgo: & quæ eorum loco substituit Moses, licet ad literam non vera, maximi erant emolumenti, & ingeniis aptata sui populi. In his igitur mutandis vicibus, cum res id extorquebat, viri cordati

& φιλοσοφῶντι officium præstitisse mihi videtur.

LICEAT alterum exemplum, argumenti confirmandi causâ, & ad vindicandum Mosem, adjicere. Fingamus Theoriam Telluris, à nobis propositam, esse veram: fingamus inquam, dicis gratiâ, Tellurem primigeniam aliam fuisse ab hodiernâ: constructamque eo modo & formâ, quibus in dictâ Theoriâ describitur: operæ pretium fuisset Mosi, aut dignum munere Prophetæ aut Legislatoris, has minutias physiologicas exponere populo? Quinetiam furdus cecinisset suam philosophiam; neque enim hi laterum coctores, spirantes adhuc porrum & cœpe Ægyptiacum: qui vitulum fusilem à Deo, Optimo Maximo, discernere non poterant: potuissent unquam, prima Dei opera, rerum principia, leges & motus naturæ, recognoscere, & ad veritatis normam exigere. Asini ad Lynam, ut inquit diverbium. Quare frustra fuisset Moyses in erudiendis his Philosophis: nec frustra tantum, sed etiam existimationem suam apud populum minuendo, novæ religionis, quam institurus erat, vim & auctoritatem pariter fregisse. Omni itaque modo necessum fuit illi, stylum demittere in hoc argumento: & ignaro populo favere, quò magis prodesset.

QUARTO

QUARTO objicitur, si Cosmopœiæ ad veritatem physicam conformatæ, populum incapacem habuerit Moses, honestius, consultiusque illi fuisset, tacere illud caput de Creatione rerum, vel intactum prætere-
rire, quàm dolosè aggredi, & falsum pro vero substituere. Respondeo, Illud argumentum de Mundi origine, aut rerum creatione, penitùs omittere, non erat integrum Mofi, neque tutum. Habuerunt Gentes circumvicinæ suas Cosmogonias, suam Historiam, aut Physiologiam, de Mundi origine: in plerisque vitiosam, & veræ religioni inimicam. Atque has, similescve, Traditiones, aut Mythologias, secuti fuissent, nisi aliter edocti, Israelitæ. Si nuptum non dederis filiam, ipsa sibi maritum quæret, è famulis forsan, aut humili plebe: & nisi populo dederis suam fidem, dogmata & opiniones, ipsi sibi fingent, quisque pro suo ingenio, pro suo affectu, aut pro suis vitiis.

PRÆTEREA, quod hîc Mofi objectum velis, perinde potest objici Christo & Apostolis. Vita Futura, sive in cælo, sive inferno, & supremum judicium, non possunt à vulgo rectè concipi, & secundum rei veritatem: ideone silentio premenda, aut sicco pede prætereunda, Christo & Apostolis? Aliud planè testantur scripta Evangelica & Apostolica, ubi hæc împius depinguntur: non quidem accuratè,

sed per imagines populares memoriæ firmiter inhæsuras, & movendis affectibus accommodatas; ità, deliciis Paradisi, & Coronis gloriæ, adumbratur cœlum. Infernum verò, Igni inextinguibili, & frigore & tenebris extremis: vermibus denique cutem & carnem arrodentibus. Nec minùs, Dies Judicii, per clangorem Tubæ, referata sepulchra, Libros rationum expositos, & erecta tribunalia, describitur. Sic visum est Spiritui Sancto, res sacras humanitùs tractare, etiam in summâ luce Evangelii: & quæ nudè proposita, & exactâ ratione, à nobis concipi non poterant, non proptereà silenda duxit, sed in novas formas mutanda. In alias, inquam, formas, quæ magis vivæ & conspicuæ essent omnibus, hominesque ad pietatem impellerent, & à malo fortiter deterrent. Hæc ad vindicias Mosis facile converti possunt, qui, eodem actus consilio, doctrinam de Mundi origine, vulgo inexplicabilem in suâ puritate, non idcirco prætermisit: sed eâ methodo digessit & explicuit, quæ religioni maxime esset profutura, nec multum oneraret intellectum populi.

ULTIMO objicitur, si à literâ Mosis recedere licet in primis capitibus Genesios, quidni in reliquis etiam? ubinam sistendum. quo limite, quâ lege? ne, levitate scilicet ingenii, pereat ubique sensus Historicus

toricus & Literalis. Respondeo, communem & notissimam legem esse Interpretum, *Nullibi recedendum à literâ sine necessitate.* Hoc duce, tuti erimus: & si ullibi hanc legem violaverim, quæcunque ita dicta sunt, indicta velim. Illud prætereà notandum, cùm de Mundo naturali agitur in sacris Scriptis, liberius receditur à sensu literali in his quàm in aliis locis: quandoquidem mille exemplis patet, in hâc materiâ ἀνθρώπων παθῶς, vel λαοδουμακῶς, locutos esse sacros authores. Lumen naturale est Dei donum, neque subter modio, aut in sudario, abscondendum; sed quoties huic locus est in veritate indagandâ, ipsius ope uti debemus, in sacris oraculis enucleandis. Id non malè mihi dictum videtur, *Philosophiam esse scripturæ interpretem in rebus naturalibus*: sed philosophiam intelligo non aridam & jejunam, otiosi cerebri figmentum; sed quæ naturæ phænomenis, repetitis experimentis, solidisque rationibus, respondet. Denique in omnibus, sive Theologorum, sive Philosophorum partes agimus, animo æquo & moderato, summâque in numen reverentiâ & pietatē, uti tene-
mur.

Hæc mihi videntur præcipua dubia, aut objectionum capita, quæ remorari poterunt Lectorem, vel forsân arcere à sententiâ nostrâ amplectendâ. Sententiâ,

tiâ, putâ, quæ statuit, Mosẽm, prætermisâ plerumque veritate physicâ, rationes morales, ut itâ dicam, vel Theologicas, secutum esse, in suâ de Mundi ortu narratione. Deum unicum esse Mundi Authorem: & ab ipsius providentiâ regi & constitui rerum omnium origines, motus, & fines: hoc imprimis stabilivit Moses. Et quoad modum originationis, aut ordinem, licet à scientiarum tramite deflexerit, non prolapsus est ad fabulas, ad nugas, aut crassas superstitiones, ut solent Cosmogoniæ gentium. Quibus omnibus multo castiorem esse Mosaicam, si contuleris, facilè cognosces. Græcanicam ex Hesiodo, aliisque, nosti; Phœniciam, ex Philone Biblio. Ægyptiacam refert Diodorus Siculus: aliasque alii. Atque his jam libet præterea adjicere, ut singularum indolem videas & distinguas, Arabicam & Mahometanam.

Ecchell.
Hist. Arab.
cap. 9.

AIUNT Arabes, Deum Opt. Max. universitatem rerum conditurum, omnium primùm *Tabulam quandam amplissimam & calamum, creâsse; ut singula quæ futura sunt usque ad finem mundi, in illam referret.* Hoc factò, album Margaritum procreavit: quod, cùm oculo majestatis conspexisset, in aquas liquefactum est, unde Abyssus emerisit. Hæc subsecuta est æris productio: tum Animarum, & Angelorum. Cæteras autem
Crea-

Creaturas moliens Deus, album unionem creavit, qui statim ab intuitu divino liquefactus est, ac ebullire, fumumque sursum emittere, cœpit, atque spumare. Quo factò, Terras septem constituit, ex ejus spumâ, Deus: nec non fluctus & montes. Ex fumo verò, totidem cœlos. Atque ita completa sunt Cœlum & Terra, secundum traditiones Arabicas.

HIS adhuc multo absurdior est Cosmogoniâ Mahometana: quæ occurrit in *Libro subtilitatum de cognitione veritatum*, atque hoc modo procedit. *Omniū primū Mahometi Lux à Deo creata est, Pavonis referens speciem & formam. Hanc in candidissimâ posuit Deus margaritâ, quam in pulcherrimâ appendit arbore, ubi Creatorem, annis circiter mille, summis laudibus celebravit. Mahometi autem conspectâ hâc luce, totus sudore perfusus est: tunc ex sudore capitis ejus, condidit Deus Angelos: ex sudore vultûs, solium, Tabulam, Calamum, Solem, Lunam, Cœlum, Stellâs, & quicquid in cœlis est. Denique, ut cætera mittam absurdissima, ex sudore pedum Terram universam, & quicquid in eâ est.*

HUJUSMODI sunt gentium exoticarum Cosmogoniæ, futes & fordidæ. His nihil habet cognatum aut concolor, Moses: qui, si à naturâ recessit, & a veri-

tate physicâ; honestè & pudicè id fecit, ut pietatis cultor, & salutis publicæ studiosus. Solonis dictum supra memoravimus, qui, interroganti an optimas leges Atheniensibus condidisset, respondit, *Optimas quidem quas illi accepturi erant.* Quod non minùs verum est de Legislatoris Hebræi doctrinâ & institutis: Quærentique, si optimam Cosmopœiam Israelitis struxit Moses, respondendum itidem, Optimam quam illi ferre aut capere poterant. Id quod simpliciter optimum est, in rebus humanis sæpe attingi non potest: sed quod practicum, vel, sit verbo venia, practicabilium, optimum est, id pro fine & scopo habet vir prudens & cordatus. Neque quicquam reperio in scriptis factive Mosaïcis, quod ab hâc regulâ discordat aut aberrat. Ac proinde veterum sapientum & prophetarum maximus, me iudice, semper haberi meruit & merebitur.

NEQUE tamen nos latet, Origines Mosaïcas malè audire apud Authores externos, & à nonnullis ferè ludibrio haberi. *Celsus anilem fabulam* appellat. Simplicius aliquantò modestiùs, *Fabulosam traditionem, ab Ægyptiis desumptam.* Hæc regerit Philopono. Scripserat nimirum Proclus pro *mundi aternitate*: cui respondet Philoponus. Dein Procli vindex, Simplicius, reponit Philopono, origines

Orig. cont.
Cels. lib. 4.
p. 186.

origines Mosaicas memoranti, hæc verba:

Ἔστι δὲ τὸ Ἰουδαίων νομοθέτην ἐνδείκνυσθαι, λέγοντα, De Phys.
 Ἐν ἀρχῇ ἐποίησεν ὁ Θεὸς τὸ ἐραρόν καὶ τὸ γλυκὺ ἢ δὲ γῆν aud. lib. 8.
 καὶ ἀέρα καὶ ἀβύσσον καὶ ἀναίσχυον καὶ σκοτεινὸν ἐπάνω τῷ
 ὕδατι καὶ πνεῦμα Θεοῦ ἐπιφέρειτο ἐπάνω τῷ ὕδατι.

Ἔτα ποιήσας αὐτῷ τὸ φῶς, καὶ διαχωρίσας αὐτὰ
 μίσην τῷ φῶτι, καὶ ἀνὰ μίσην τῷ σκότεινι, ἐπήγαγε, καὶ
 ἐκάλεσεν ὁ Θεὸς τὸ φῶς ἡμέραν, καὶ τὸ σκότεινόν αὐτὸ
 καὶ ἐγένετο ἑσπέρα καὶ ἐγένετο πρωὶ ἡμέρα μία. Εἰ ἔν
 ταύτῃ τῷ κερῶνι νομίζει γένεσιν, τὴν ἀπὸ χρόνου, ἐντε-
 τίτω, ὅτι μυθικὴ τις ὄσιν ἡ παροῦστος, καὶ ἀπὸ μύθου
 Ἀργυπίων ἀλκυσμῶν. *Si Judæorum Legi-
 slatorem hic indicat Philoponus, ita lo-
 quentem; In principio fecit Deus Cœ-
 lum & Terram: Terra autem erat invi-
 sibilis & incompofita: tenebræque in su-
 perficie Abyssi: & spiritus Dei superin-
 cubuit aquis. Dein factâ à Deo Luce,
 & à luce distinctis tenebris, additur,
 Lucem vocavit Deus Diem, Tenebras
 verò Noctem. Sic vesper & mane fu-
 erunt una dies. Quod si hunc esse mun-
 di ortum putet, eumque temporalem,
 sciat velim, hoc nihil aliud esse, quàm
 fabulosam traditionem, ab Ægyptiis,
 putà, fabulis extractam.*

CONVENIT quidem Mofi, non tantùm
 cum Ægyptiis, sed etiam cum cæteris
 gentibus, quoad materiam substratam sui
 mundi, nempe Chaos: Antiquum Chaos,
 quod omnes gentes celebrârunt. Sed in
 modo constructionis non conveniunt; ne-
 que

que ulla mihi adhuc occurrit Cosmogonia vel inter antiquos Physicos, vel Theologos, quæ Telluris Primigeniæ, vel primi orbis habitabilis, constructionem rectè instituit, vel idoneam reddidit rationem, cur Terra, Elementum gravissimum, altior esset aquâ, multo leviori. Quapropter Strabo, velut in re aliàs desperatâ, ad Providentiam recurrit: atque ipsius ope Terram ab aquis liberat, quas naturæ viribus excutere non poterat. Locus est commemoratione non indignus, quem paucis, si placet, enarrabimus.

Geogr. lib. 17. p. 809, &c. IN construendâ Terrâ, vel mundo Terrestri, duplicem operandi modum exhibet, κατὰ φύσιν, & κατὰ πρόνοιαν. Et, quò nodum illum solveret, Cur Aquæ, suâ naturâ superiores Terrâ, infra ipsius superficiem subsidant, ad providentiam specialem confugit. Quâ in re sequitur quidem Mosem, (quem antea multis, & cum laude memoraverat, in descriptione Judææ) sed è sapientibus exteris, nullum pro duce habet. Rem ferè hoc modo exequitur. Per naturam, ait, Aqua situ altior erat Terrâ, eamque circumdedit totam, in initio rerum, ad modum sphaeræ. Cùm verò providentia constituisset animalia condere, atque maximè hominem, Animal non aquatile, Terram excitavit multis in locis, & intumescere fecit: aliisque depressit & excavavit: ut, hîc

I. lib. 16. p. 760, &c.

hic latentibus aquis, illic extaret Arida, fedesque præberet hominibus & animantibus. Ut videre est in verbis hic appofitis*.

Strab. lib.
17. m. p.
809, 810.

Hoc providentiæ opus appellat, non naturæ. Providentiam intelligit extraordinariam: ordinaria enim eadem est cum lege & ordine naturæ. Ipsissimam, ut vides, infistit viam hic Author, quâ præivit Moses. Nihil habet mali hæc explicatio: peccat tantum in regulam Philosophorum, *Non recedendum esse à Naturâ, sine necessitate*. Nulla enim est necessitas, vel terras elevandi, vel aquas in fossas & scrobes deducendi, ad extruendum primum orbem habitabilem. Prout alibi a nobis ostensum est. Sed ob alias causas, quas sæpius indicavimus, necessum fuit Mosi, ad immediatum imperium

Theor. lib.
1. c. 5.

Nu-

* Νυν δ' ἐπὶ τοσαύτων ὑπομνησέον τῆς φύσεως ἅμα καὶ τὸ τῆς πρόοιας ἔργον εἰς ἐν συμφέροντας. Τὸ μὲν τῆς φύσεως, ὅτι τῶν πάντων εἰς ἐν συννεύοντων τὸ τῷ ὅλῳ μέσον, καὶ σφαιρομέων περὶ τῆς, τὸ μὲν πυκνότητος καὶ μελαίναντος ἐστὶν ἡ γῆ, τὸ δ' ἡττίον τοῦτο, καὶ ἐφεξῆς ὕδωρ· ἐκάτερον δὲ σφαῖρα. Τὸ δὲ τῆς προοίας, ὅτι βεβλήται καὶ αὐτὴ ποικιλοτέρα τις ὕδα, καὶ μυρίων ἔργων δημιουργός, ἐν τοῖς πρώτοις ζωᾷ γεννᾶν, ὥς πολλὰ διαφέροντα τῶν ἄλλων — Ἀλλ' ἐπειδὴ τῇ γῇ περιέκειται τὸ ὕδωρ, καὶ εἰς δ' ἐνυδρον ζῶον ὁ ἀνθρώπου, ἀλλὰ χερσαῖον καὶ ἐναερίον, καὶ πολλοὺς κοινωνικὸν φωτὸς, ἐποίησεν ἐξοχὰς ἐν τῇ γῇ πολλὰς, καὶ εἰσοχὰς, ὥς ἐν αἷς μὲν ἀπολαμβάνεσθαι τὸ σύμπαν ἢ τὸ πλεον ὕδωρ, ἀποκρύπτειν τὴν ὑφ' αὐτῇ γῆν, ἐν αἷς δ' ἐξέχειν τὴν γῆν, ἀποκρύπτειν ὑφ' αὐτῇ τὸ ὕδωρ, πλὴν ὅσον χρήσιμον τῷ ἀνθρώπῳ γένει, καὶ τοῖς περὶ αὐτὸ ζώοις καὶ φυτοῖς.

Numinis, nutumque Providentiæ, sui mundi partes, totumque apparatus, disponere.

HÆC ex Strabone obiter perstrinxi, ut ostenderem Cosmopœiam Mosaicam non esse fabulam Ægyptiacam, quod voluit Simplicius: sed methodo sibi propriâ concinnatam. Hanc postea imitati sunt alii, parcius vel pleniùs: & quod nobis refertur à Suidâ, de Cosmopœia Hetruscâ, ab Hexamëro nostro, paucis mutatis, transcriptum credo. Erat quidem perve-
Voc. Τυφ-
θηρία.
 tusta Hetruscorum philosophia, omni Græcanicâ, ni fallor, antiquior: sed miscentur non rarò cum recentioribus, & interpolantur, veterum dogmata; id quod in illo centone Suidæ sæpiùs accidit.

DENIQUE R. Moses Maimonides crepat multoties suos Zabios vel Zabiistas: quos non Mose tantùm, sed Abrahamo etiam antiquiores habet: & in eorum libris ait reperiri multa de Adamo, *de Serpente, de Arbore Scientiæ boni & mali, de vestimentis primis*. Quæ tamen à Judæis surrepta, mavult supponere, quàm iis data: sed pro fabulis habenda utcunque, si literaliter accipiantur. Audi ipsius verba, *Id verò quod narrant*, nempe Zabaistarum Libri, *de Adamo primo, de Serpente, de Arbore Scientiæ boni & mali, de vestimentis, quod antea non in usu fuerint, Cave,*
Mor. Nev.
pars 3. c.
29.
ne

*ne intellectum tuum abripiat, & existimes illa verè Adamo, vel alii contigisse. Illa enim reverà nunquam fuerunt in rerum naturâ. Verùm si leviter tantùm & superficialiter, rem consideres, deprehendes quod falsa sint ea omnia quæ in hâc fabulâ narrantur, & conficta ab illis, posteaquam Lex nostra gentibus innotuit, & historiam operis B E R E S C H I T H, h. e. Creationis, audiverunt. Tunc enim illi statim omnia secundum sensum literalem acceperunt, & fabulas illas effixerunt. Narrationes de Adamo, de Serpente, de Arbore Scientiæ, de Tunicis pelliceis, pro fabulis habere videtur, si sensum tantùm literalem attendas. Ut cùm Deus dicitur, sub auram vespertinam descendisse in hortum ad deambulandum. Quasi Deus more hominum langueret nimio æstu, adeoque in frigidulis arborum opacarum umbris, ut auram captaret, deambulare confueceret. Hujusmodi sermones crudeos ad vim literæ nollet exigendos esse Maimonides : uti nec *Aquas supercælestes*,* aliæque in primo capite,*

quæ

* Si enim sumatur (Aqua illa supercælestis) secundum sensum literalem, & crasso sensu, tum erit omninò Non-Ens : nam nullum est corpus inter nos & cælos inferiores nisi Elementa ; neque sunt Aquæ super aërem : multò minus cogitari

quæ ad literam alligata, absurda appellat. In his à viro docto non dissentio: sed quoad Zabios suos, eorumque antiquitatem, cum de istâ gente tantillum supersit apud alios authores, nihil dicendum habeo.

DENIQUE disceptari solet, an Traditione acceperit à quocunque, has suas Origines, Moses; vel ipse primus instituerit. Non video quo pacto hoc possit certò definiri: sed multo verisimilius mihi videtur, hanc Cosmopœiam, sive institutionem elementarem in Naturalibus: perinde ac suam Legem, sive institutionem elementarem in Moralibus, Mosi primùm datam vel exogitatum fuisse: nec istiusmodi quicquam à quavis gente antea receptum, à quovis philosopho aut Legislatore constitutum. Sed de dubiis & objectionibus fatis.

tari potest, quod Expansum, & id quod supra illud est, sint supra caelos. Proinde hoc pacto res longè esset difficilior & absurdior quàm ut posses apprehendi. Pars 2. 2. c. 30. m. p. 278.

C A P. X.

Quæ præterea considerata sint, tam rerum momenta, quam authorum testimonia, ut in hac causâ æquum judicium feramus.

QUÆ liberiùs dicta sunt, ex amore veritatis, in originibus Mosaicis explicandis, ne quis malè capiat : aut ad conflandam authori invidiam iis abutatur : oratos velim æquos rerum æstimatores, ut hæc pauca capita, aliàs satis nota, paulisper mecum recolant & recolligant. Primò, Sapientum Orientalium usum & styllum. Secundò, populi Israëliti, quo tempore hæc scripta sunt, mediocre tardumve ingenium. Tertiò, quæ viri docti de his rebus antea commentati sunt. Quartò, quid Deo dignum aut indignum : & qualiter cogitandum est de Summo Numine.

QUOAD primum, notissimum est, Priscos Sapientes & Philosophos veritatem rarò nudam & apertam, exhibuisse : sed variis modis velatam, aut depictam : per symbola, Hieroglyphica, allegorias, typos,

typos, fabulas, parabolas, sermones populares, aliasque imagines. Hoc, ut factis vulgatum in genere, prætereo. Sed illam doctrinam duplicem, popularem & arcanam, quibus usi sunt sapientiae veteres magistri, in discipulis suis erudientibus, quanquam sæpius ipsius meminerim in præcedentibus, non abs re erit paucis recolere. Pro ratione hujus instituti, discipulis suis in duas pluresve classes distribuere solebant, rudiores & magis instructos; atque etiam sua scripta in ἱερωτικὰ & ἀνοργανικὰ. Hæc, accurata erant ad veritatis normam, Illa, ad caput populi accommodata. Id notavit in Moralibus, Cicero: his verbis, *De summo autem bono, quia duo genera librorum sunt, unum populariter scriptum, quod ἱερωτικὸν appellabant: alterum limatius, quod in commentariis reliquerant: non semper idem dicere videntur.* Ità Author Libri de Mundo, ait, sibi necessarium fuisse, ratione sui argumenti, de causâ primâ agere, εἰ μὴ δι' ἀκριβοῦς, ἀλλ' ὅτι γὰρ ὡς εἰς τυπὴν μάθησιν. si minis accurate, tamen ad vulgarem institutionem, vel crassioris doctrinæ formulam. Non immeritò distinxit Varro, Triplicem Theologiam apud veteres, *Fabulosam, Civilem, Philosophicam.* Philosophica inutilis erat populo: Fabulosa, noxia: quare mediam instituerunt, πρὸς

L. 5. de
Fin. bon.
sec. 5.

Cap. 6.
princ.

August. de
C. D. l. 4.
c. 31.

ἢ εἰς τὰς νόμους καὶ τὸ συμφέρον, χρῆσιν ut inquit Metaphy. l. 14. c. 8. fine.
 Aristoteles. In usum commodumque
 populi & vitæ humanæ. Rectè dixit
 Plato, τὸν μὲν ποιητὴν καὶ πατέρα τοῦ παντός. In Tim.
 τὸς εὐρεῖν τε ἔργον, καὶ εὐχόμενα εἰς πάντα ἀδύνατον
 λέγειν. *Universi opificem patremque in-*
venire, difficile est ; ad vulgus expli-
care impossibile. Quod etiam de operi-
 bus Dei, verum est.

SED ut redeamus ad Discipulorum vid. Jam. de vit. Pyth. c. 17, & 18.
 classes & partitionem : id quod in schola
 Pythagoræ notissimum erat. Novitiis
 suis, aliis bienne, aliis quinquenne si-
 lentium indixit : quos ideò ἀκουσικὸς vel
 ἀκουσματικὸς appellari voluit. Duo erant
 pariter philosophiæ genera, Formæ, aut
 Modi : quorum alterum provecioribus
 & clarioris ingenii viris, μαθηματικοῖς dic-
 tis : alterum tyronibus, aut tardioribus,
 propositum. Ita facilè credo utrumque
 Mundi systema, vulgare & mathemati-
 cum, docuisse scholam Pythagoræ : hoc
 inter Mystas ; illud inter rudiores. Con-
 stat enim Pythagoram in mundi nostri
 medio Solem statuissè ; & tamen apud
 Jamblicum, & Laërtium, in vitâ Pytha- Cap. 6.
 goræ, quædam sunt quæ planè redolent
 vulgarem hypothesein ; & quod factum
 est in tradendâ mundi formâ, in ejus-
 dem origine itidem fieri potuit ; dupli-
 cemque eâ de re constitui hypothesein,
 Philosophicam & vulgarem : Hæc popu-

lo exhibendâ, illâ sapientibus reservatâ.

AIUNT Judæi Doctores, *Legem loqui linguâ filiorum hominum* : stylo, notitiisque vulgaribus. Sed habuisse præterea suam Cabalam Mosem, vel doctrinam arcanam : quam seorsim sapientibus & cordatis impertivit. Fuerint olim, necne, hujusmodi Cabala Hebræa, veræ & genuinæ scientiæ thesaurus, non certò novi. Sed moris fuisse priscis sapientibus, aliud in Adytis, aliud in propatulo, docere, extra dubium est. Idque ne suas margaritas, secundum dictum proverbiale, porcis projicerent.

NEQUE hoc prorsus alienum erat à scholâ Christianâ : ubi, discretis Catechumenis ab illuminatis, non ad eadem sacra aut mysteria, cum his illos admittebant. Pariter in ratione doctrinæ, Infantes lacte, Adultos cibo solidiori, nutritiebant Apostoli. Denique, Christus ipse multa celavit discipulos suos, propter eorum imbecillitatem. *Adhuc*, inquit, *multa vobis dicenda habeo, sed quæ ferre non potestis hoc tempore.* Boni Magistri aut Mystagogi est, non quæque subito & promiscuè ingerere, sed pro tempore & captu discipulorum, nunc hæc, nunc illa, paratis animis infundere. Hæc ad propositum nostrum & vindicias Mosis, faciliè accommodantur : sed
de

1 Cor. iii. 2.

Job. xvi. 12.

de Mose plura in sequentibus. Nunc ad secundum monitum transeamus.

SECUNDO, populi Israëlitici, quo tempore suas origines, suasque leges, scripsit Moses, tardum & rude ingenium considerare oportet. Ex Hebræorum legibus & æconomiâ Mosaicâ judicare licet, crassam hebetemque fuisse populi istius indolem: neque rebus naturalibus contemplandis, aut divinis percipiendis, idoneam. Tot ritibus externis, tot ceremoniis infrugiferis, tot minutiis & observatiunculis, viros philosophos, aut cœlestium dociles, nequaquam onerasset sapientissimus Legislatoꝝ. Nihil intellectuale, aut à sensibus abstractum, neque propriarum Animarum immortalitatem, suis institutis & religioni intexuit: pariterque in præmiis & pœnis, ad legem corroborandum propositis, nihil pollicitus aut ultra hujus vitæ terminos, atque bona aut mala temporalia: idque non ob suam, sed populi istius ignorantiam, & animorum, ut ita dicam, crassitudinem.

NEQUE hæc dico in gentis opprobrium, procul absit; sed ex Judeorum ore excipio: ità Manasses ben Israel, *De Resur.*
Si multa in lege istâ, de Mosaicâ loquitur, mentio futuræ vitæ facta fuisset, ridicula ea populo visa fuisset. c. 13.
 Neque aliter R. Moses Maimonides, qui hoc *Mor. Nev.*
 argu- *pars 1.*

Gal.iii. 24.
& iv. 9.

argumentum fusiùs tractat, cap. 33, & 34. lectu dignissimis. Quod si sub hâc pædagogîâ & rudimentis elementaribus, ut verbis Apostoli utar, instituendus erat populus, ad mores animosque formandos: tanto magis à Theoriis philosophicis, tunc temporis, abstinendum erat. Si vitæ futuræ & immortalitatis, quas, ut sciant, magni interest omnium, non ausus est Moyses aperire fontes, ne suis esset fastidio aut contemptui; quanto minùs decuisset virum sapientem, ob dogmata physiologica, neutiquam necessaria, & quæ pariter fastidisset populus, se atque leges suas iisdem incommodis aut periculis exponere.

Flor.

Sed hodierni homines æquum esse censent, Mundum illicò nasci senem: neque illarum affinem esse rerum, quas fert naturæ novitas aut infantia. Sunt autem *ut hominum, ità & populorum, ætates*: ut inquit Scriptor Romanus. Ac ut aliorum omnium, suo modo, & pro ratione temporis: ità, præ cæteris, hujusce populi, inculta & semibarbata erat conditio. Utpote quibus, plusquam quadringentorum annorum servitus, non solum mores & disciplinam, sed tantum non ipsam humanitatem exuerat. Dicam, sed absque invidiâ, erat colluvies quædam hominum: cœtus mancipiorum, ex ergastulis Ægyptiacis nudius

I

tertiùs

tertius eductorum. Qui nullas artes, præter lateritiam : nullas literas, nullum animi cultum, possidebant. Neque hoc tantum, sed dedocendi erant multa, quæ in gente idololatricâ imbibérant ! Judicium igitur, fidemque vestram, appello, si in hanc turbam subito effundenda essent naturæ mysteria, & quæ de rerum principiis, ortuque Universi, disceptantur adhuc inter eruditos, Theoremata.

TERTIO notandum, qui hoc argumentum tractarunt, tam inter Judæos Doctores, quàm Christianos, multi in originibus Mosaicis explicandis, à literâ discedendum esse non diffitentur. Quoad Judæos, Authores Cabalisticos prætereo, qui verba scripta vel nihili faciunt, vel nimii ; nimii puta, cum ex eorum literis, syllabis, & numeris, sensus mysticos, tenui acu, exculpunt. Mitto etiam Philonem Judæum, quod allegoriis totus scateat. Sed R. Mosi Ægyptio nihil imputandum habeo, quo minus sit testis idoneus. Ille autem sæpius in exercitationibus suis circa sacram Scripturam, monet probatque, non ubique inhærendum esse sensui literali : maxime verò in opere Bereschith, sive in historiâ creationis. Præter Authoris præfationem, consule si placet, partis primæ capita 17, 33, & 34. Dein partis secundæ cap. 30. Libet unum atque

Mor. Nev.

G g 3 alterum

alterum dictum, præter ea quæ adduximus in præcedente capite, hîc annectere. Prope finem capitis 29. part. 2. duas attexit propositiones, quarum hæc est prima: *Non omnia secundum literam intelligenda & accipienda esse, quæ dicuntur in opere Bereschith seu creationis, sicut vulgus hominum existimat.* Dein hanc regulam pluribus explicat & confirmat. Nàm aliàs, inquit, non præcepissent Sapientes illa occultari, neque tantâ curâ in iis abscondendis & parabolis involvendis usi fuissent: neque etiam tam studiose prohibuissent, ne de iis sermo fieret coram imperitâ plebe. Sensus enim illorum literales vel gignunt pravæ cogitationes, imaginationes, & opiniones, de naturâ Dei Opt. Max. vel certè fundamenta legis everunt hæresinque aliquam introducunt. Ideoque non sunt in imaginatione vel cogitatione solum consideranda, & sine artium aliarum literalium cognitione: neque, sicut concionatores & commentatores arbitrantur, res comparata est: qui existimant cognitionem explicationis vocabulorum magnam esse scientiam, summamque perfectionem, si multis verbis & longo sermone explicentur. Verum consideranda & intelligenda sunt secundum veritatem intellectûs, post adeptam in scientiis demonstrativis, & mysteriorum prophetiarum cognitionem, perfectionem.

NON

NON dissimilis sermo est in capite 33. partis primæ, in hæc verba, versus principium. *Et hæc quoque causa est, propter quam Lex loquitur Linguâ filiorum hominum, sicut exposuimus: quia hæc ratio commoda & facilis est, ut ab eâ incipiant & discant pueri, mulieres, & communis plebs: in quorum viribus non est, res secundum veritatem ipsarum apprehendere. Quamobrem etiam hoc modo sufficienter, ipsis traditum est de omnibus quæ credenda sunt, & de omni conceptione quæ dirigere potest intellectum ad cognoscendum, quoddam Deus sit & existat, quamvis non ad veritatem quidditatis ejus. Si verò quis fuerit perfectior & sublimioris ingenii, ut cognita habeat secreta Legis; siue ea ab alio didicerit, siue à seipso, ut ab uno ad alterum fuerit incitatus; is ad eum gradum pertingit ut sententias illas veras ac reales credat per vias fidei veræ; nempe vel per demonstrationem in iis, de quibus demonstratio haberi potest, vel per alia argumenta firma & solida, in iis, in quibus fieri id potest, atque ita formaliter cognoscet & intelliget veritatem & substantiam earum rerum, quæ ipsi sunt per similitudines & parabolas traditæ. Monet, ut vides, Doctor Hebræus, non semper terminandas esse cogitationes in*

cortice Scriptorum Mosâicorum (*Legis* enim nomine omnia Mosâica comprehendunt Judæi) quæ ad usum populi & promiscuæ multitudinis adaptantur. Sed quid feret rerum natura, quid severa demonstratio? Quis denique scopus auctoris; ante latam sententiam, attendendum?

IN eundem sensum accipio verba Flavii Josephi, in suo præmio ad Archæologias Judaicas: Quæ commentatus est Moses, inquit, in prolegomenis suæ Legis, de Deo, & mundo condendo, eo consilio dicta esse ut pietatem in animos sui populi instillaret: ex iis nonnulla velo obduxit, alia disertè explicuit, pro ratione argumenti. Τὰ μὲν αἰνιτισμοῦ τῶ νομοθέτῃ ἀξίως, τὰ δὲ ἀλληγοροῦντι μετὰ σεμνότητος ὅσα δ' ἐξ εὐθείας λέγεσθαι συνέφερον, ταῦτα ῥητῶς ἐμφανίζοντι. Τοῖς μὲντοι βελομήτοις καὶ τὰς αἰτίας ἰκάνει σκοτῶν, πολλὰ γένοιτ' ἂν ἡ θεωρία. *Quædam Legislator ænigmaticè significavit, pro rei dignitate: quædam per Allegorias, sed honestè & verecundè. Denique quæ ad literam exprimere convenit, ea nudè & sine ambagibus enarravit. Horum autem singulorum causas si quis vellet expendere, longa oriretur Theoria, vel speculatio.*

PRÆTEREA, Aristobulus, Hebræus & philosophus, in Commentariis explanationum in Mosem, ad Regem Ptolomæum

um conscriptis: datâ occasione ab Anthropopathiis Biblicis, de stylo & scriptis Mosaïcis in genere, hæc habet. Ποικιλῶς γὰρ ὃ βέλει τὸ λέγειν ὁ Νομοθέτης ἡμῶν Μωσῆς, ἐφ' ἑτέρων πραγμάτων λόγους ποιήσας, λέγω τὸ ἥν κατὰ τὴν ἐπιφάνειαν, φυσικὰς διαθέσεις ἀπαγγέλλει, καὶ μεγάλων πραγμάτων κατασκευάς. Ὅις μὲν ἔν πάσει τὸ καλῶς νοεῖν, θαυμάζουσι τὴν περὶ αὐτὸν σοφίαν, καὶ τὸ θεῖον πνεῦμα, καθ' ὃ καὶ περισφύτης ἀνακεκήρυκε. --- Τοῖς δὲ μὴ μετέχουσι δυνάμεως καὶ συνέσεως, ἀλλ' ἐπὶ γεγραμμένον προσκομμένοις, ὃ φαίνεται μεγαλεῖον τι διασαφῶν. Quæ ita reddidit interpretes: *Solet enim Moses, Legislator noster, animi sensa multimodis exprimere; dum rerum aliarum, quatenus in sensum cadunt, voces ac nomina mutuatus, naturales quasdam affectiones, magnarumque rerum molitiones, commemorat. Et quidem, quorum acrior intelligendi vis est, ii, cum sapientiam hominis singularem, tum divinum illum Spiritum, cujus afflatu Prophetæ nomen & famam affecutus est, magnoperè admirantur. At quibus facultas & ingenium angustius est, ii, dum ad unicum Scripturæ corticem adhærescunt, nihil angusti admodum, aut excellentis, ab eo narrari arbitrantur.*

Hæc habes apud Eusebium, qui, in Præp. Ev. l. 8. c. 10.
 fine capitis, suam adjungit sententiam,
 non utique dissimilem, his verbis: Ἐπεὶ
 δὲ διὰ τὴν ἀπὸ τῶν ἑρῶν γύμνασιν παραγγελῶν
 τὰ;

τα, τὸν περὶ τὸν τρόπον τὴν ἀλληγορικὴν παρ' αὐτοῖς ἰδέαι,
 ἕξιν ἂν εἴη, καὶ τὸ δὲ ἐπισημῆνασθαι, ὡς τὸ πᾶν Ἰου-
 δαίων ἔθνος εἰς δύο τμήματα διήρηται· καὶ τὸ μὲν
 πληθὺν, ταῖς ἑρμηνείαις νόμων κατὰ τὴν ῥητὴν διανοίαν πα-
 ραγυελμίνας ὑποθέκας ὑπῆλθε· τὸ δ' ἕτερον ἑρμηνείαν
 ἕξιν τάγμα, ταύτης μὲν ἡρίει, θηοπέρας δὲ τινι καὶ
 τὰς πολλὰς ἐπαναβεβηκυῖα φιλοσοφία περιέχον ἡξίν,
 θεωρεῖα τε ἑρμηνείαν ἐν τοῖς νόμοις κατὰ διανοίαν σημα-
 νομένων. *Nunc verò quoniam & sacra-
 rum legum mandata, & ipsorum alle-
 goriis inclusum sensum expressimus ;
 operæ pretium deinceps fuerit, illud e-
 tiam animadvertere : Gentem hanc Ju-
 dæorum universam duas in partes sec-
 tam ac divisam fuisse. Nam multitudinem
 quidem ritibus illis omnibus, quomodo le-
 gum ipsarum verbis concepti erant, ob-
 strictam Moses teneri jussit : at ceteros
 quorum mens esset virtusque constantior,
 cùm eo cortice liberatos esse, tùm ad
 diviniorem aliquam, & hominum vulgo
 superiorum philosophiam assuescere, atque
 in altiore Legum sententiam mentis
 oculo penetrare voluit.*

L. II C. 7.
 P. m. 822.

His adde quæ habet inferiùs idem Au-
 thor, de modo tractandi res philosophicas
 utriusque mundi apud Judæos. Διχῶν δὲ
 καὶ περὶ τούτων διασημάμενοι λόγον, τὸ μὲν ἑρμηνείαν
 ἕξιν, ἕκ εἰς ἄκρον ᾤοντο δὲ ἂν εἰς πολλὰς ἐκφέρειν, ἡ δὲ
 καὶ τὰς αἰτίας τῆς φύσεως αὐτῶν τὸ δημῶδες πληθὺν
 ἐκδιδάσκον, πλὴν ὅσον εἶδεναι, ὅτι τε μὴ ἀπυτομά-
 τισαι τὸ πᾶν, μηδὲ εἰκὴ καὶ ὡς ἔτυχεν, ἐξ ἀλόγου
 πορεῖς

ποῦς ὑφίσταται ἀγὰρ δ' ὑφ' ἡνίοχου Θεοῦ λόγος, καὶ
 δυνάμεις σοφίας ἀπὸ τοῦ διακυβεύονται, &c. *Cate-*
rùm illi, cùm hujus tractationis duo
capita statuerent, alterum illud, quod
res sensibus objectas complectitur, non
subtiliter & enucleatè vulgò explican-
dum, nec singularum naturæ causas ple-
beia multitudini aperiendas, putave-
runt, nisi quantum necesse erat, ut om-
nes intelligerent, universum hoc, neque
per sese, nec casu ac temerè, fortuito
quodam impetu extitisse : at summi mo-
deratoris Dei ratione, & ineffabilis sa-
pientiæ numine, gubernari, &c. In
 hunc modum de mundo naturali phi-
 losophatus est Moses, ut expediebat po-
 pulo, ad pietatem, non ad scientiarum stu-
 dia. Plura sunt in hoc authore loca
 his cognata; sed ab Eusebio ad alios
 Patres Christianos dilabamur.

QUOTQUOT è Patribus Paradisum
 sensibilem & Corporeum non recepê-
 re, eo ipso, quasi altâ voce, pronunci-
 ant, non adhærendum esse literæ & cor-
 tici Narrationis Mosaicæ. In hoc autem
 censu & sententiâ non pauci fuere, præ-
 ter Originem & Origenistas. Nota est
 tripartitio opinionum apud veteres, cir-
 ca Paradisum : quam refert Sanctus Au-
 gustinus. Alii intelligibilem tantum; Gen. ad li.
l. 8. init.
 alii tantum sensibilem & terrenum : a-
 lii denique utriusque generis Paradisum,
 statuerunt,

In Enarr.
ad Sabin.

BB. PP.
tom. 6. m.
p. 663.

De Grat.
Christ. con-
tra Pelag.
c. 23.

statuerunt. Hoc ad angustiores adhuc terminos reduxit S. Ambrosius : nam, interrogatus à Sabino per literas, quid de Paradiso sentiret, respondit, se de eâ re librum integrum scripsisse, & commemoratis aliorum sententiis, in eo convenire omnes dicit, quod Spiritualis sit. Denique Anastasius Sionita in Hexaëmeron, auctores enumerat non paucos, qui, ante sua tempora, Paradisum allegoricè interpretati sunt. Sed his non immoramur. Id tantùm notatum velim, non iras aut inimicitias excitasse hæc opinionum discrimina circa Paradisum : quandoquidem, ut monuit S. Augustinus, illæsâ fide & bonis moribus, ideoque illæsâ amicitia, circa Paradisum variè opinamur. Sed pergamus ad alios.

CUM Christianis objecisset Celsus, eorum oracula esse nimis obscura & dubia ; recte respondet Origines, in iis quæ spectant ad mores emendandos & utilitatem communem, adeoque ad omne genûs homines, nihil esse dubii in Scriptis Sacris : quæ verò sunt altioris studii & non vulgaris usûs, ea plerumque, variis sermonis umbris, præterquam sapientibus, occultari. Οἱ μὲν ἔν προφήταις ὅσα ἦν αὐτοῖς ἐννοεῖν τοῖς ἀκούσι χρῆσιμα, καὶ συμβαλλόμενα τῇ τοῦ θεοῦ ἐπαποθέσει, χωρὶς πάσης ἐπιχρύσεως, κατὰ τὸ βούλημα τοῦ θεοῦ, εἰρήκασιν ὅσα δὲ μυστικώτερον ἦν, καὶ ἐποπτικώτερον, καὶ ἐχρόμα δεικνύειας

είας τῆς ὑπὲρ τὴν πάνδημον ἀκοὴν, ταῦτα δι' ἀπει-
μάτων καὶ ἀλληγοριῶν, καὶ ὅτ' ἀκαταμάχτων σκοτεινῶν λό-
γων, καὶ ὅτ' ἐνομιζομένων παραβολῶν ἢ παροιμιῶν, ἀ-
πεφάνητο. *Prophetae igitur quaecunque*
auditoribus utilia cognitu jam inde esse
poterant, & moribus emendandis apta,
sine ullis involucris, Deo sic volente,
prolocuti sunt. Quaecunque verò abstru-
siora erant & iis tantum tradi digna,
quibus intima patebant mysteria: quæ-
que Theoriam aliquam vel speculatio-
nem supra captum vulgarem, contine-
bant: hæc per obscuros sermones, per
enigmata & allegorias, per parabolas
& paræmias explicârunt.

UT Origenes Celso, ita ferè Cyrillus L. 2. ad 4.
object.
respondet Juliano: comparanti scilicet & præferenti, Cosmopœiam Platoniceam Mo-
saicæ; nempe quod Mosaica vulgaris es-
set, & Deo parùm digna. Hæc nobis
exprobranti, respondet Cyrillus: 'Ὁ θεο-
πίστης Μωσῆς ἐπεὶ δεῖτο φιλολογεῖν ἰσχυρῶς, ἤγειν φά-
ναι π περὶ τῶν λεγομένων πρώτων ἀρχῶν, ἢ τῶν ἐξ
αὐτῶν σοφισμῶν πειρζότερα ὅτι μακάριον καὶ τῆς
πρῶτης διανοίας ἐχ' ἀλώσιμα σκοπὸς δὲ γέγονεν αὐτῷ,
τὸ τὴν περὶ αὐτῶν, τῆς τῆς ἀληθείας ἐπιστήσεως δόγμασι.
Πεπλάηνθη δὲ καὶ τὸ δοκῶν ἐκαστὸν περισπυρῶντες ἡλί-
κοντο, καὶ τὸ ἔρα καὶ φύσει διὰ τὴν ἐξ ἀμαθείας τῆς ἀγῶνς ἡγ-
νονκότες, ἀπαρτύναντες τῇ κηρύσει. Καὶ εἰ μὴν διὰ
ἐπεγερῶντο τὸ ἔργον, ἕτεροι δὲ τὸ ἡλίον πύλλον. ὡς
δὲ οἱ καὶ σπύρην, καὶ ἄστρον, καὶ γῆν, καὶ οὐτοῖς, καὶ τῇ
ὕδατων φύσει, πλῆρη τε καὶ ζώοντες ἀλόγων, τὸ τῆς ἀσπ-
τάτου

τά τω φύσει δέξαι ἀπονέμειν ἐσπέδαζον. Καθ' ἑκά-
 των δὲ τῶν πραγμάτων εἰς τὸ αὐτοῖς, καὶ πῶς ἔτι
 δευτῆς ἀρρώστιας κατανεμεινέσης ἀπαρταί τὰς ἐπὶ τῆς
 γῆς, ἐπὶ κεφαλῇ ἢν ὁ Μωσῆς, καὶ τῇ καλλίστῃ ἀπασι μα-
 θημάτων εἰσηγητῆς ἀνεδείκνυτο, εἰς μὲν ὅτι κατὰ φύ-
 σιν ὅτιν ὁ τῶν ὅλων δημιουργός, διαρρίδην ἀνακηρυγῶς,
 ἀφ' ἑαυτοῦ καὶ τῶν ἄλλων αἰ καὶ δι' αὐτῶ παρήχθη πρὸς τὸ
 εἶναι τε καὶ ὑπάρχειν ὅλως. Χρησάμενα τοίνυν, καὶ
 μάλα σοφῶς τὸ πολὺ λίαν ἰσχυρομεθεῖν παρελάσας, ἐπὶ
 τῇ ἀναγκαιοτέρῃ καχώρησι λόγον. *Divino Mo-*
si non propositum erat subtiliter philoso-
phari, nec de primis principiis, aut inde
natis elementis differere. Nam curiosio-
ra hæc sunt, nec ab omnibus capi possunt.
Scopus autem ejus erat, animos hominum
istius temporis ad vera dogmata adduce-
re. Errantes enim, & adorantes singuli
quod cuique videbatur, oculis capti
erant: atque unum, verè & naturá,
Deum, ob nimiam ruditatem ignorantes,
colebant creaturam. Et alii quidem
Cælo, alii Solis circulo, Deorum titulos
inscripsere. Erant autem, qui Lunæ
& Stellis & Terræ, ac plantis, & aqua-
rum naturæ, volatilibus & animalibus
brutis, supremæ naturæ gloriam attri-
buere studebant. Cùm igitur res eorum
eò pervenissent, & tam gravis morbus
omnes qui super terram erant, depasce-
ret; adest Moses opitulator, optimarum
doctrinarum author & institutor, qui
clamavit voce clará, UNUM ES-
SE

SE RERUM OMNIUM CONDITOREM, secundum naturæ ordinem: eumque distinxit ab aliis omnibus, quæ ipsius vi extitere, & in universum subsistunt, propterea utilissimè & sapientissimè, missis minutiis & subtilitatibus, ad ea quæ magis necessaria sermonem vertit. His longiusculis licet, non possum non adjungere quæ infra subdit: Πῶς ἐκ αὐτῆς ἀγάπης τοῦ πνεύματος τοῦ ἁγίου τοῦ Μωσέως ἐκείνου τοῦ ἀρετῆς, πειρίεργον μὲν, ἢ βαθεῖον, καὶ ἐκ ἐκπαίδευσης, τοῖς πνεύματι λαλέσας ἑδὲν, ἐκείνου ἢ μάλλον τὰ δὲ αὐτῆς ἢ δύνασθαι μεταφορᾶν αὐτὸς ἐπὶ τὸ ἔχον ὁρᾶν, καὶ ἀπυθύνειν ἑαυτὸς ἐς ἀμώμωτον δόξαν, τὴν ἐπὶ γὰρ φημὶ τῷ πάντων κρατῶντι θεῷ, &c. Omnia nempe supervacaneæ sedulitatis omisit Moses, quò ad bonos mores, summumque Deum, suos homines rectà perduceret.

IN administrandâ Mundi republicâ, Deus, pro ratione temporum & populorum, mutat vices, diversis utitur institutis & disciplinâ, quò salutis omnium maximè prospiciat. Συμμετρὸς ταῖς ἡλικίαις προσφέρει παιδεύματα ὁ θεός inquit Theodoretus. *Quod ab aliis non minùs observatum est;* *lib. 5. c. 11.* *ita Chrysostomus: Ὁ θεὸς ὡς ἀντιπροσώπων καὶ ἀναλογιστῶν, ἀρμόζειν πρὸς τὴν ἀδένειαν ἀνθρωπίνην. Λαλεῖ ὁ θεός, καὶ νομοθετεῖ πολλάκις, ἔχων αὐτὸς δύνανται, ἀλλ' ὡς ἡμεῖς ἀκύνειν δυνάμεθα. Deus in seipso immotus & immutabilis, sese at-*
temperat

temperat ad imbecillitatem humanam: Sæpe loquitur Deus, & leges constituit, non ut ipse potest, sed ut nos capere valeamus. Verum inutile, tacendum: noxium, dissimulandum. Atque Boni, aut Optimi, semper habenda est ratio.

DENIQUE, ut plura simul comprehendam, secundum doctrinam Patrum multa in sacris literis dicta aut facta sunt κατ' οἰκονομίαν vel οἰκονομικῶς, ut loqui amant. Ità sæpius explicare solent quædam duriuscula, & à nudâ veritate aliena, quasi *dispensativè* dicta, vel per modum accommodationis ad utile aliquod propositum: cùm res, de quâ agitur, ità postulat. Hoc genus explicationum ad varios casus adaptant Patres: ita cùm Christus ait se ignorare diem Judicii, id dictum aiunt οἰκονομικῶς. Οἰκονομεῖ γὰρ Χεῖρς, inquit Cyrillus Alex. μὴ εἰδέναι λέγων τὴν ὥραν ἐπεὶ οὐκ ἔστιν ἀληθῶς ἀγνοεῖν. *Dispensatione quadam utitur Christus, nescire se dicens horam illam cùm reverà non ignoret.* Neque aliter Photius, Epist. 228. de eodem sermone Christi: Τὸ μὴ βάλειν τοῖς μαθηταῖς ὑπὸν, ἀπερ αὐτοῖς ἔκ ἐν τέως συμφέρον μαθῶν, ἐδὲ οὗτο τῆς φιλοθεώρου περνοίας ἢ μέθιδ' παραίτῃται μεθοδεύοντο δ' ἂν, ἐξ οἰκονομίας σχηματιζομένη τὴν ἀγνοίαν. *Notuisse eum discipulis dicere, quæ iis scitu nondùm erant utilia, ne hæc quidem methodus à benigna providentia Dei erga homines abhorret. Artificiosè egit,*
per

Thesaur.
209. 22.
sub fine.

per dispensationem præ se ferens & prætexens ignorantiam. Denique Sanctus Epist. 141.

Basiliius de eadem re eandem similemve habet explicationem. Διὰ σὲ, τὴν ἄρσιν καὶ τὴν
ἡμεῖς αὐτῶς ἀγνοοῦμεν, καὶ τοὶ ἄλλοι ἐλάνθανον ὅτι
σοφία — ἀλλὰ οὕτω οἰκονομεῖ διὰ τὴν σὴν ἀξίαν
αὐτῆς, ἵνα μήτε τῷ σενῶ τῆς προθεσμίας οἱ ἁμαρτήσαντες
τῇ ἀθυρίᾳ κατὰφύσιν, ὥς ἐκ ἀπολελειμμένα καὶ ἄ
ματανόας, μήδ' ἔτι πάλιν οἱ πολεμῶντες μακρὰν τὴν ἀν
τικειμένην δύναμιν διὰ τὸ μικρὸν τῷ χρόνῳ λειπολακτῆ
σωσιν. Ἐκατέρως τοίνυν διὰ τῆς προσωποποιήσεως ἀγνοίας
οἰκονομεῖ. Propter te, horam & diem ju-
dicii ignorat, quanguam nihil latuit ve-
ram illam Sapientiam. Verum id ita
dispensat Christus propter tuam infirmi-
tatem: ne, vel ii qui deliquerunt, per
angustiam præscripti temporis adigantur
ad desperationem, velut non relicto resi-
piscientiæ tempore: vel rursus ii, qui
in militia Christiana decertant, per tem-
poris prolixitatem, ad deferendam aciem
impellantur, si viderint sibi bellum fore
diuturnum cum adversa potestate: ita-
que utrisque per simulatam ignorantiam
consult.

Quod si mentem suam, ipsamque veritatem, dissimulabat Christus, κατ' οἰκονομίαν, ut aiunt: quidni Mosis etiam licuerit, in mundo condendo, à veritate physicâ recedere, aliâque uti œconomiâ, ad instruendum populum magis idoneâ? Ex. gr. Si cum Sancto Augustino supponamus,

H h

nanus,

namus, Mundum reverà creatum fuisse puncto temporis indivisibili: & partitionem operis in sex dies factam esse οἰκονομῶς quò meliùs & distinctiùs à populo caperetur. Quid mali aut criminis haberet hic rerum ordo, aut scribendi ratio? Vel si, ex alterà parte, cum philosophis supponamus, Formationem Telluris ex Chao, fuisse opus diuturnum, per multiplices processus & mutationes deductum, hoc autem contraxisse Mosè ad spatium sex dierum, idque, ordine ad usum populi magis accommodato: hoc, inquam, si fecerit Mosès, non veniam tantum, sed etiam laudem meruisse mihi videtur. De suo Gnostico, hoc est, viro verè sapienti, inter alia eximia, hoc rectè dixit Cle-

Strom. 7. mens Alexandrinus: Ἀληθῆ τε φρονεῖ, ἄμα καὶ
m. P. 730. ἀληθεύει· πλὴν εἰ μὴ ποτὲ ἐν θρησκευτικῇ μέλει, καὶ ἀ-
πὸ ἰατρὸς πρὸς νοσηλίας ἐπὶ σωτηρίᾳ τῶν καμνόντων
ψεύσεται, ἢ ψεύδῃ ἐρεῖ, κατὰ τὰς σοφιστάς. *Vera
sentit, simul & loquitur: nisi quando,
loco medicinæ, ut Medicus ad ægrotantes,
ob eorum, qui infirmi sunt, salutem,
mentietur, vel falsum dicet, ut distin-
guunt Sophistæ.* Atque hunc infra ap-
pellat φιλόανθρωπον καὶ φιλόδοτον παιδαγωγόν, *Dei
hominisque amantem præceptorem.*

Ibid.

RECTE autem monuit Clemens, hæc adhibenda esse loco Medicinæ; non enim temerè, aut ex levitate ingenii, sed cùm res ita postulat ob causas graves, recedendum

dum est à vero. Atque hoc modo permiffè mihi videtur Deus, non tantùm primos inter Patres Christianos, fed etiam ipfos Apostolos, in fuis, de mundi fine, calculis & cogitatis, à vero aberrare; nempe per modum Medicinæ, vel κατ' οἰκονομίαν, quò magis expergefaceret fupinos, ad pietatem incitaret, in tolerandis laboribus aut tormentis indefatigabiles redderet: denique, ad fubeundam mortem aut martyrium, alacres, infraçtos, interritos. Quis enim Lucem fugacem, & Mundum craftino periturum, in deliciis haberet? aut fpern cœli, vitæque futuræ, tantilli venderet? Sed pergamus in propofito.

Quæ fupra attulimus ex Clemente Alexandrino, eorum admodùm affinia funt quæ ftatuit Plato de ufu veri & falſi, apud ſapientes, Magiſtratus, & Legiſtatores. Dicit in genere, falſiloquio non utendum eſſe, niſi ἀποτρῴης ἐρενα, ὡς φάρμακον, *ad propulſandum malum, ut medicina, aut pharmacum.* Huiusmodi autem pharmaca magiſtratui eſſe neceſſaria, & in ſalutem populi, ſæpiuſculè adhibenda, dicit: Συχνῶ τῷ ψεύδει καὶ τῇ ἀπάτῃ χρὴ χρῆσθαι ὡς φάρμακον, *ut χρῆσθαι τὸν ἀρχόντα ἐπ' ὠφελείᾳ τοῦ ἀρχομένου, ὡς φάρμακον, ἐν φαρμάκῳ εἶδει πάντα τοιαῦτα χρῆσιμα εἶναι.* *Non raro mendacio & ſimulatione utendum eſt Magiſtratibus ad ſubditorum utilitatem; diximus autem hu-*

De Repub.
lib. 2. in
fine.

De Repub.
lib. 5. m.
P. 459.

jusmodi omnia, veluti pharmaca, salutifera esse. Denique, in secundo de Legibus, his itidem habet gemina aut cognata, idem philosophus: Νομοθέτης ὃ ἔπ' αὐτὸν ὅρεται, εἰ καὶ μὴ ὅσοι ἦν ἕως ἔργου, ὡς καὶ νῦν αὐτὸν ἤρην· ὁ δὲ λόγος ἔχειν, εἴπερ π' καὶ ἄλλο ἐτόλμησεν αὐτὸν ἐπ' ἀγαθῷ φερόμενον πρὸς τὰς νέας· ἔστιν ὅτι τότε φεῦδ' αὖτε λυσίτελεσσαν αὐτὸν ἐφευρατό ποιεῖ, καὶ δυνάμενον μᾶλλον ποιεῖν μὴ βίβη, ἀλλ' ἐκόντας πάντας πάντα τὰ δίκαια; χαλὸν γὰρ ἢ ἀλήθεια, ὃ ξίρε, καὶ μόνιμον.

Præp. Ev.
lib. 12. c.
31.

Εὐσέβιος: Μυρία δ' αὖ ἐυρήσεις ποιεῖν καὶ ἐν Ἑβραίων γραφαῖς. Hæc ita simul reddidit Eusebii interpres: *Legislator qui nonnihil prodesse voluerit, etiamsi non eo se modo res haberet, quo sese habere jam evicimus, si quid unquam apud juniores, utilitatis causâ, falsi dicere potuit; estne quod utilius unquam potuerit, aut quod facilius efficiat, ut omnes ad omnia æquitatis officia, non vi, sed ultrò ac sponte, adducantur? Veritas quidem, mi Hospes, pulchrum quid ac stabile est, at eam persuadere, non ità promptum. HIS tu affinia Hebræorum in literis sexcenta reperies, inquit Eusebius. Sed ex Platone satis: adde tantum dictum Philonis Judæi, qui Platonizare dicitur; his verbis: Τῷ ἀεὶς αὖ νομοθετήσαντι τέλει ἐν δὲ περὶ αὐτοῦ, πάντα ἀφελῆσαι τὰς ἐνυγχαίνουσι. Optimum Legislatorem oportet unicum habere propositum, ut prosit omnibus in quos inciderit.*

Quod Deus
sit. imm.
m. p. 236.

Τῷ ἀεὶς αὖ νομοθετήσαντι τέλει ἐν δὲ περὶ αὐτοῦ, πάντα ἀφελῆσαι τὰς ἐνυγχαίνουσι. Optimum Legislatorem oportet unicum habere propositum, ut prosit omnibus in quos inciderit.

derit. Hæc, Platonis doctrinæ consona, ad vindicandum Mosem, Legislatorem Hebræum, & sacrarum literarum styllum, applicuit Philo. Redimus itaque ad Mosem.

DE cujus Hexaëmero, quod præ manibus est, hanc tulit sententiam Philopon<sup>In Hexa-
em.</sup>

Σκοπὸς ἦν Μωσῆ, ὅτε φυσιολογῆσαι, ὅτε ἀστρονομῆσαι· ἀλλ' εἰς Θεογνωσίαν, καὶ ὅτι τῆς κοσμογονίας, ἀνθρώπους ἀγαγεῖν καὶ παρῆσαι.

Non propositum erat Mosi, aut Physicum agere, aut Astronomum: sed homines ad Dei cognitionem, etiam in origine mundi exhibenda, adducere & apparare.

Idem sentit supra laudatus Eusebius, de Mose & Authoribus sacris; Μωσὴς δὲ καὶ τὰ Ἑβραίων λόγια, τίτων ^{Περ. Ev. lib. 15. c. 8. in fine.} (de

rebus naturalibus, & phænomenis cœlestibus loquitur) ἵδεν πολυπραγμονεῖ καὶ ἐκόντως, ὅτι μηδὲ πρὸς βίην κατόρθωσιν, τοῖς περὶ ταῦτα ἀσχολήμοις λυσιτελεῖν ἐποιεῖται.

Moses & Hebræorum Oraculis, ista, naturæ scilicet, & cœli phænomena, non multum curavere; nec immeritò: cùm, eorum studiosos nihil ad vitæ emendationem, inde juvari posse judicaverint.

DE vulgari stylo Cosmopœiæ Mosaicæ, κατὰ συγκατάβασιν, facile est plura numerare & afferre suffragia: sed ne nimius videar, adjiciam tantum Sancti Basilii & Chrysostomi, eâ de re, sententias. Ille in Hexaëmeron sermone primo, hæc habet:

Ἦν γάρ τι, ὡς ἔοικε, καὶ περὶ τοῦ κόσμου τέτυκτο ὁ τῆς μὲν
 διαιρέσεως ἡ ἑστὶ θεωρητὸν, ἀνιούρητον δὲ καλεῖσθαι,
 διὰ τὸ τοῖς εἰσαγομένοις ἔτι, καὶ νηπίοις κατὰ τὴν γνώ-
 σιν ἀνεπιτήδειον. *Æquum est credere, fuisse
 quiddam ante mundi Mosaici constitutio-
 nem. Quod quidem animo contemplari
 possumus: ejus autem nullam fecit men-
 tionem Moses, nullam reliquit memoriam,
 quòd istis parvulis, & vix dum initiatis,
 tantæ rei cognitio impar esset & inidonea:*
 * Hoc pluribus profecutus est S. Chryso-

In Gen.
 λόγ. β.

stomus: Ὅρα τῆς συγκαταστάσεως τῆς ὑπερβολῆς ἡ δὲν
 περὶ τῆς ἀποστόλων δυνάμεων διαλέγεται Μωσῆς ἔχ-
 ῶς, ἡ δὲ εἰκὴ, πύτην ἡμῖν ἔτεμα τῆς διδασκαλίας
 τὴν ὁδὸν ἵππεδὴ γὰρ Ἰουδαίοις διελέγετο, τοῖς περὶ τὰ
 παρόντα ἐπισημείοις, καὶ ἡ δὲ νοητὸν φαντασθῆναι δυνα-
 μένοις, ἀπὸ τῆς αἰσθητῶν τέως αὐτὸς ἐπάγει πρὸς τῆς
 ὅλων συμπεργόν. Et postea: Καὶ μὴ ξενηθῆς, ἀγα-
 πητὲ, εἰ Μωϋσῆς ταύτην ἔρχεται ὁδὸν, ἐν ἀρχῇ καὶ ἐν
 περιουσίᾳ τοῖς παχυλάτοις Ἰουδαίοις διαλεγόμενον.
 — ἡ δὲ γὰρ ἦν ἔυλογον τοῖς ἔτι γαλακτοτρῶσιν
 δεομένοις, σερραῖς μελιδύσαι τροφῆς. Καθάπερ γὰρ οἱ
 διδάσκαλοι, &c. Utitur exemplo præcepto-

Cont. Jul.
 lib. 2. ad
 objec. 4.

ris in instituendis pueris: quo utitur etiam
 Cyrillus, aliique Patres, in hac causâ.
 Summa dictorum à Chrysostomo hæc est,
 Moses, in præmio suæ Legis instruendo,
 cùm probè nôrit quibuscum ei res esset,
 hebetis

* Iterum hom. 9. Μᾶλλον δοξάσω τὸν μὴ ἀπασχολήσαντα
 τὸν νῦν ἡμῶν ἐπὶ τὰ μάταια, ἀλλὰ πάντα εἰς οἰκοδομὴν καὶ κα-
 λωτισμὸν τῶν ψυχῶν ἡμῶν γραφῆναι οἰκονομήσαντα.

hebetis nempe, & inexercitati ingenii Judæis, καὶ ἀσυχὰς αἰῶνα temperavit & demisit sese ad populi captum: atque comodo differuit de Mundi origine & Conditore, quo potuit maximè ingredi & occupare pectora imperitæ multitudinis: ac, per viam facilem, ad Deum verum, unicum, & omnipotentem, perducere.

DENIQUE, ut hoc argumentum absolvamus, reduc exemplum ad nostra tempora, & penes unumquemque fit judicium. Siquis jam functurus esset officio Prophetæ aut Apostoli apud Indos, aliosve populos infideles, quoties incideret occasio de Cælo & Stellis, de Sole, Lunâ, & Terrâ, verba faciendi, annon populari doctrina, styloque, ci utendum esset, & perorandum juxta receptas apud istas gentes opiniones, de cursu Solis & Cælorum motu, de luce & magnitudine Planetarum, de stabilitate Terræ, aliisque? quanquam etiam id omninò apud se resciverit & persuasum habuerit, opiniones illas Astronomorum & Philosophorum rationibus & calculis non respondere. Nec enim id illi negotii creditum erat, barbaros illos docere theoremata aut argutias philosophiæ, sed religionem, & veri Dei cultum & præcepta. Hæc non minùs olim convenère Mofi nostro, quàm hodierno Indorum Apostolo: quin etiam multò magis, si tempora & populos

conferamus. Sed de hoc argumento satis.

Gen. iii. QUARTO & ultimò, Qui literæ & verbis Mosaicis tenaciter adhærent in omnibus, monendi sunt, nequid Deo indignum, aut religione nostrâ, admittant; vel divini numinis majestatem suâ irreverentiâ lædant. Nos utique Christiani summum numen colimus, Deum optimum maximum: vel, quod dici solet, *Ens infinitè perfectum*. Nihil igitur in Theologiâ nostrâ Deotribuendum, quod dedecet *Ens infinitè perfectum*. Visne autem dicamus, *Ens infinitè perfectum* descendisse de cœlo, & deambulâsse in horto sub vespere: & inclamâsse Adamum, latitantem inter arbores? *Ens infinitè perfectum* fecisse *Tunicas pelliceas*, & induisse eas viro & fœminæ; cum cæteris quæ in colloquio illo *Ens infinitè perfecti*, cum Adamo, cum fœminâ, cum serpente, referuntur.

Cum vero affigimus, non verbis tantum sed reipsâ, ea quæ repugnant naturæ divinæ, peccatur in dignitatem Numinis. Quod, si malo animo factum esset, & in materiâ gravi, non contumeliæ tantum, sed speciem aliquam haberet blasphemiæ, Cavendum est igitur in utrâque parte, ut neque leviter & sine jure à verbis & literâ dissiliamus: nec, ex alterâ parte, quæ *ισχυρως* dicta sunt, superstitiosâ imbecillitate

litate in damnum Numinis interpretemur. Rectè dixit Clemens Alexandrinus, Strom. 7. p.m. 701.
 ἡ θεοπρέπεια ἔξισ' ὅτι τὸ πρέπον τῷ θεῷ σώζουσα· θεο-
 φίλης ὁ θεοπρεπὴς μὲν ἐστίν. Unicus Dei amicus est, qui Deo conservat quod suâ naturâ dignum est.

NEQUE minùs Religionis nostræ conservanda est dignitas. Ansam arripere solebant nominis Christiani hostes, ex scriptis Mosaicis, crassiùs expositis, fuggillandi vel irridendi religionem Hebræam nostramque, tanquam Idioticam, aut fabulosam. Exempla dedimus antea in Simplicio, & in Celso : qui, præter alia, generationem mundi Mosaicam appellat μάλα ἐυνδικήν, *admodum stolidum*. Orig. contra Cels. l. 6. p. 309.
 Nunc audiamus Julianum, eâdem chordâ sæpiùs oberrantem. De Colloquio Evæ & Serpentis verba faciens Julianus, Cyr. contra Jul. l. 3. objec. 2.
 τὴ διαφέρει, inquit, ἥ παρὰ Ἕλλησι πεπλασμένην μύθων, τὰ τοιαύτα; *Quid differunt hæc fabulæ ab illis quas Græci finxerunt?*
 Et de Horto Eden, & Fœminâ datâ Adamo in adjutorium, quæ tamen decipit eum ante vesperam, audenter & apertè dicit, ταῦτα ἥ ὅτι μυθώδης παντελῶς, Ib. objec. 1.
hæc prorsus sunt fabulosa. Denique, de ejectione Adami ex Paradiso propter comesum pomum, ne lignum vitæ gustando, Deus fieret, hæc habet, τῶτων τοίνυν Ib. objec. 4.
 ἔχασον, εἰ μὴ μῦθος ἐστίν, ἔχων ἀπόρρητον θεωρίαν, ἔπερ
 ἐγὼ νερόμικτα, πολλὰς γέμουσιν οἱ λόγοι περὶ τοῦ θεῷ
 βλασφη-

βλασφημίας. *Horum unumquodque, nisi fabula sit, arcanam habens speculationem, id quod ego existimo, multâ in Deum blasphemiam repleti sunt illi sermones.* Vides quanta hinc orta sit offensio apud exteros, quòd ea quæ scripta sunt à Mo-
se in his narrationibus, ἀθεοπρεπῆ, & religione cœlitùs misâ, prorsus indigna judicaverint : nimirum si in verborum cute & cortice hæreamus. Ea igitur laudenda mihi videtur interpretatio, quæ hæc scandala, hoc odium, à religione nostrâ amolitur.

DENIQUE, ita interpretandus est Moses, ut neque secum discordet, neque cum cæteris authoribus sacris, in suis originibus tradendis. Hoc enim necesse est cedat in damnum & dedecus religionis nostræ, si inter se dissideant ipsius oracula. Ita, si Moses in suo Hexaëmero exhibeat nobis Terram Hodiernam, loco Primigeniæ : postea verò ea introducat phænomena, quæ conciliari non possunt Terræ hodiernæ ; qualia sunt, Ante-diluvianorum longævitas, Disruptio Abyssii in Diluvio, & origo Iridis post diluvium ; ita exponendum est Hexaëmeron, ut Moses non desciscat aut dissideat à seipso. Prætereà, si Regius Prophetæ celebret, inter miranda Dei opera, *Terram super aquas fundatam* (Ps.xxiv. 2.) *Terram supra aquas extensam,*
(Ps.

(*Pf.* cxxxvi. 6.) Sapiëntia itidem memoret (*Prov.* viii. 27.) *Orbem circumductum Abyſſo.* Sanctus Petrus denique, Terram ante-diluvianam, ita *constitutam ex aquâ & per aquam, verbo Dei*, ut exinde fuerit aquarum obnoxia diluvio, 2 Pet. iii. 5, 6. Hæc inquam, omnia, ita tractanda sunt & componenda, ut dictio vulgaris Hexaëmeri non obruat, & authorem ipsum, & ejusdem sacræ classis plures alios. Præsertim cùm unius capituli commodâ interpretatione, multis nominibus aliâs necessaria, Moses & sibi & cæteris conciliari possit.

Hæc autem in medium affero, quasi adversâ acie disposita, non quod mihi volupe sit Scriptores Sacros inter se committere, Prophetas & Apostolos; ut concitato pulvere inter tantos viros, ipse intereâ elabar & effugiam. Sed cùm nos premunt pondere unius loci aut Scriptoris, æquum esse videtur alterum pluresve, in oppositâ lance, substituere: ut causâ redeat ad æquilibrium saltem, si non in partes nostras propendeat. Sed de his rebus satis.

Ut huic tandem Tractatui finem imponamus, paucis monendum est, Quæ de Originibus Mosaicis commentati sumus, nobis licet persuasissima, ab aliis utcunque, non nisi Tentaminis loco, haberi

beri vellem. Cæcutimus sæpe in propriis, perspicaces in alienis erroribus advertendis ; proinde, nec secundas cogitationes, nec aliorum monita, negligam aut aspernabor. Interea, quod reliquum est, claudamus omnia, fuis ad Deum precibus, ut erroribus nostris ignoscere dignetur, sicut nos ignoscimus alii aliis. Ut memor sit & misereatur angustiarum, & caliginis, quibus opprimuntur, in hâc carne, in hoc carcere, Animæ humanæ ; ut suo lumine nos indies magis magisque illustret, eoque præeunte, ad suum Regnum cœleste tandem perducat, per Dominum nostrum, Jesum Christum.



APPEN-



APPENDIX.

*De Brachmanis hodiernis apud Indos,
eorumque dogmatibus.*



U M supra meminerimus L. 1. c. 3.
Brachmanorum hodiernorum
apud Indos, quos ex An-
tiquâ stirpe propagatos esse,
multa indicia ac rerum &
studiorum cognationes, fidem faciunt;
non ingratum erit, opinor, nec à pro-
posito alienum, de eorum dogmatis cir-
ca rerum Origines & revolutiones, per
modum Appendicis, quædam hîc attex-
ere. Quæ quidem dogmata plerisque
neglectui esse solent, quod mythologicè
tradantur, & crassis fabularum umbris
veritatem obscurant.

INDORUM autem nomine hîc com-
plectimur, præter Imperium Sinense, Reg-
num Indostan, sive magni Mogolis: Reg-
num Siamese, Malabaricum, Chiqua-
china, Choromandel, & siqua sunt alia
in

in Oriente nobis nota, quæ barbariem aliquatenus exuerunt. In his singulis est quoddam genus philosophorum aut Theologorum, & in regno Indostan, Siam, aliisque vicinis, veterum Brachmanum videtur esse progenies: moribus, vitæ instituto, doctrinâ & linguâ sibi propriâ, à reliquo populo secreta & discriminata. Habent illi Cabalam quandam, sive doctrinam traducem ab aliis ad alios, atque vulgo ignotam. Hæc autem doctrina non singula capita aut minutias Philosophiæ persequitur, ut moris est hodiernis Philosophis: sed, instar Theologiæ naturalis veterum, tractat de Deo, de Mundo, de rerum origine & exitu, de periodis Mundanis: de primævo naturæ statu, & repetitis renovationibus. Hæc dogmata traduntur à nonnullis apertiùs, ab aliis obscuriùs & fabulosiùs: sed sparsa fuisse primitùs inter has gentes, quæ supersunt adhuc eorum vestigia manifestè docent: libetque, speciminis loco, quædam Capita hujusce hodierno-barbaræ Theologiæ vel Philosophiæ ex nuperis Itinerariis brevisculè notare.

NIHIL refert à quo Regno aut Regione ordiamur. Permagnum est illud Mogolis, Indostan dictum, quod ex Europæis plures invisère, testes idonei & fide digni. Sunt in hoc regno, præter

ter Mahometanos, Gentiles vel Pagani : & inter Gentiles est quædam Tribus vel ordo hominum, qui Sapientum, Sacerdotum, aut Philosophorum, titulum gerunt, & funguntur officiis. Habent sibi linguam peculiarem, quam *Hanscrit* appellant seu linguam puram. Hæc conscriptos tenent Libros quosdam antiquissimos, quos nuncupant Sacros, & magno Prophetæ Brahmæ, à Deo datos esse aiunt : ut olim erat Mosis Lex Israelitarum.

Hujus Linguae Brachmanicæ Alphabetum habes apud Athan. Kircherum, Chin. Illuf. pars 3. c. 7. descriptum manu P. Henrici Roth, qui per plures annos Literaturæ Brachmanicæ apud Indos, studium impendit. Et in hæc linguâ non tantum suam Theologiam, sed omne genus instituta Philosophica, conscribunt & occultant.

PRÆTER *μυστεμψιχασιν* & *ἐποχὴν ἐμψύχων*, antiquissima dogmata : de creatione universi, & ejusdem fine vel abolitione, priscorum instar philosophantur : cum hæc explicant per egressum vel effluxum rerum omnium à Deo, & in eundem regressum vel retractionem. Hoc autem more Cabalistico vel Mythologico exprimunt. Fingunt enim immensam quandam Araneam esse primam rerum Causam : quæ, materiâ

è suis visceribus eductâ, hujusce universi telam contexuit, & mirâ arte ordinavit. Sedet illa interea in arce sui operis, & cujusque partis motum sentit, regit, & moderatur. Tandem cum fatis lusit in suâ telâ adornandâ & contemplandâ, retrahit, quæ evolverat, fila, atque ita omnia resorbet in seipsam, totaque rerum creaturarum natura in nihilum evanescit. Hoc modo Mundi ortum, ordinem, & interitum, repræsentant hodierni Brachmanes: neque hæc multum abludunt à sententiis veterum supra memoratis (lib. 1. cap. 7.) si, fabuloso cortice adempto, nucleum adeamus. Plura de Gentilibus Indostanis, si vacat, legere licet apud Henricum Lord, F. Bernier, aliosque peregrinantes, qui eorum literaturam diligentius quæsierant.

IN Regno Siam, vel Siamensi, Imperio Mogolis contermino, est eadem Brachmanum progenies. Guido Tachard è Societate Jesuitarum, Legatum Gallicum comitatus ad Regem Siamensem, de eorum Philosophiâ vel Theologiâ hæc nobis retulit. Primos homines, aiunt, majores fuisse hodiernis, longæviores, & multa sæcula vixisse morborum immunes. Terram hodiernam, longo æstu & ardore arefactam, igne consumptum iri. Exiccato Oceano

ano, liquefactis montibus, & adæquatâ totâ Telluris superficie. Hæc mihi occurrunt apud dictum Authorem. Plura autem apud alios, quæ compegit & ludendo explicuit nuperus Poëta his versiculis;

*Stolidus Regni Mysta Siami,
Oëtoginta dat perituro
Sæcula Mundo. Tunc qui tantum
Jam furit uno fervidus oculo,
Septem pandet lumina Pbæbus,
Quæis æquoreas ebibet undas:
Quæis immensum vindice flammâ
Destruet Orbem. Sed duo calidis
Quæ restabunt testâ favillis
Binos homines Ova creabunt.
Qui sæcundo semine cultum
Iterum poterunt reddere mundum.
Quem non falsis Neptunus aquis,
Alluet unquam, tantum rigui
Undique Fontes, dulcesque Lacus,
Irrorabunt molliter herbas.
Et perpetuo vere Beatos
Spargent variis floribus Agros.*

Zavecot,
in Frag.
Mar. Græc.

NON tantum hodiernam Terram perituram esse, idque Igne, docent Brachmanes Siamenses; sed fore etiam, ut ex ipsius cineribus nova Terra enascatur. Terra *sine mari*, qualem vidit Johan-

Apoc' xxi.

Cap. 2.

nes Propheta : & sine temporum vicissitudinibus annuis, *perenni Vere Beata* ; qualem descripsimus Theoriæ libro quarto. Mirari quidem licet gentem semibarbaram, hæc dogmata retinuisse usque à Noachi temporibus ; neque enim aliunde, quàm à traditione, in harum rerum notitiam illis pervenire licuit ; neque aliunde profluere potuit, aut primordia capere, hæc Traditio, quàm à Noacho, & Sapientibus antediluvianis. Sed ex quo Authore, aut Itinerario Siamensi, hæc desumpsit Poëta, mihi nondum innotuit.

Vid. part.
2. c. 5.

PRÆTEREA, Regnum Choromandel, in orâ meridionali Indiæ, suos habet Brachmanes : quorum mores & doctrinam non indiligenter exploravit Abrahamus Rogerus, qui *Januam apertam ad arcana Gentilismi* conscripsit, multos annos ibidem commoratus. Afferunt autem plures esse mundos, in diversis universi regionibus, simul existentes : & plures etiam successivos : eundem nempe Mundum destrui & renovari, secundum certas temporum periodos. Mundum nostrum Terrestrem ab ætate quâdam aureâ incœpisse, atque igne perituum esse. Denique, doctrinam de *Ovo mundano*, retinent, Mundum ovo comparantes ; ut
solent

solent veteres, tam Græci quàm Barbari.

DENIQUE, Regno Choromandel contiguum est Regnum Malabaricum : ubi P. Robertus Nobilius, missionis, ut dicitur, Maudarenfis fundator, partem non exiguam suæ vitæ peregit ; doctus linguam, tam vulgarem Indicam, quàm Brachmanicam. Scripsisse dicitur multa de Theologiâ Brachmanum, sed quâ linguâ, nescio ; neque enim ex ipsius scriptis quicquam mihi hætenus videre contigit : nec de hac reliquisve, quæ supersunt, Indiæ regionibus, suppetunt mihi commentaria aut fideles narrationes, quibus ediscam eorum traditiones aut dogmata, ab oculatis auritisve testibus.

Vide Ale-
gamb.

SINENSIVM etiam meminimus supra, populi perantiqui, sed apud veteres, in re literariâ, ignoti. Id habent cum cæteris Orientalibus commune, quod Mundum Ovo comparent, & ex eo ortum velint. Atque primum suum Hominem, Puoncuum dictum, pariter prognatum statuunt ab Ovo : sive id de Chao interpreteris, sive de Tellure Primigeniâ. Et licet à Brachmanis non videantur mihi suam traxisse philosophiam aut historiam, eorum tamen literas & Alphabetum arcanum tanti faciunt,

M. Mart.

Hist. Sin.

c. 1.

Nieubof.

Legat. Bat.

p. 51.

faciunt, ut veluti quid sacrum & antiquissimum, suis idolis ea inscribere soleant.

DENIQUE Mahometanos, latè diffusos per Orientem, sub aliis atque aliis dominiis, intactos prætereo : utpote homines novos & ἀριστοφους. Quod olim dixit Soloni Sacerdos Ægyptius, *Vos Græci semper pueri estis : Senex Græcorum est nullus*, mutatis nominibus multo magis hic locum habet. Nec malè fui dicti rationem reddit Ægyptius, Νέοι ἐστὶ τὰς ψυχὰς πάντες ἰδιώται γὰρ ἐν αὐταῖς ἔχετε, δὲ ἀρχαίαν ἀκοὴν, παλαιὰν δόξαν, ἡ δὲ μάθημα χρόνῳ πολλὸν ἔδεν. *Juvenes estis animis : in illis enim nullum, ex antiquâ traditione, priscorum dogma : nullam doctrinam vetustate canam retinetis.* Hæc quadrant quàm maxime in Mahometanos, ubicunque sparsos. Nihil retinent antiquæ sapientiæ, & dominandi cupiditas omnem illis ademit bonarum literarum amorem aut studium.

IN ipsâ Perside, ubi olim floruit magni Zoroastri & Magorum Philosophia mystica, nihil superest hodiè commemoratione dignum. Narrat Henricus Lord, quem supra nominavimus, cùm Saraceni inundârint Persidem, victo & occiso Rege Jezdegirde, circa

annum Christi 628. è Persis nonnullos, qui novæ servitutis & novæ religionis jugum ferre non poterant, conscensis navigiis in Indiam se & sua transtulisse : Regibusque Indis juratâ fide, suam quenique religionem, cultumque veterem, impunè exercuisse. Horum Indo-Persarum refert idem author nonnulla dogmata, circa ortum, ætates, finemque Mundi : sed tot fabulis referta, ut repetitu parùm digna videantur.

ATQUE illud in genere notandum est de Gentilibus hodiernis, superesse quidem apud eos nonnunquam antiquissimorum dogmatum πατροπαράδοτων, circa Mundum naturalem, quædam vestigia : at situ, squalore, fordibus obducta : plerumque etiam additamentis fictitiis, ad nauseam usque, onerata ; ut nullius sint numeri aut ponderis, cùm argumentis virilibus res agitur. Miseret me quidem Terrarum Orientalium, primæ sapientum sedis, florentissimi olim bonarum literarum Emporii, à multis retro sæculis in fœdam barbariem conversarum.

Tantæne Animis cœlestibus iræ ?

FAXIT Deus, ut easdem non subeamus vices, neque retrahat iratus, id luminis, quo gaudemus in Occidente; sed in omnes partes magis magisque diffundat, donec *Scientia Dei repleverit Terram, ut Aquæ replent mare.*

F I N I S.



A D
Virum Clarissimum *A. B.*

Circa nuper editum de

ARCHAEOLOGIIS PHILOSOPHICIS

Libellum,

AUTHORIS *Epistole Duae.*



*Ad Virum Clarissimum A. B. circa nuper
editum de Archæologiis Philosophicis
Libellum,*

EPISTOLA PRIMA.

NON ingratum mihi facis, Vir optime & integerrime, quòd me velis monitum identidem, quas forte Objectiones contra nuperum Tractatum de Archæologiis Philosophicis, aut inter amicos, aut inimicos, audiveris: idque eo animo factum puto, ut falsò inscriptas mihi sententias, aut malevolas interpretationes, effugiam. Non omnes, probè nòsti, veritatem metiuntur aut æstimant rationum pondere & momentis, sed affectibus abrepti, aut præjudiciis occæcati, quasi clausis oculis, de rerum coloribus decernunt. Sæpe etiam, ad concitandam invidiam, Authoris verba sensusque in alienas partes detorquent.

Ais te audivisse, à nescio quibus, aut susurronibus, aut malè fidis interpretibus, præfatum de rerum originibus tractatum, patrocinari aut favere Mundi *æternitati*:

at-

Vid. Lib.
p. 423.

atque etiam Rerum creationi, *ex nihilo*, adversari. Quorum utrumque iniquissimè dicitur. Neque multis opus est ut hoc tibi testatum faciam: audi paucis, si placeat, authoris sententiam, Libro Secundo: *De creatione rerum ex nihilo, dubitari non potest: neque id fuisse ab æterno. Creatura enim æterna à nobis concipi non queat.* Nullum Ens finitæ perfectionis, nedum Materia (Res omnium infima & abjectissima) in se involvit, aut in suâ Ideâ, necessariam existentiam. Existit igitur contingenter, modò existat: & aliunde habet suam existentiam quàm à seipso. Et quoad Materiam (de quâ agitur præcipuè) cum prima Materia fieri non potuerit ab aliquâ præexistente; neque propriâ vi existere: sequitur necessariò eam fuisse creatam sive productam ex nihilo.

NEQUE impossibilis haberi debet hujusmodi Creatio. Productio enim rei possibilis, non est impossibilis: Materia autem est res possibilis, licèt non necessaria: & nullo alio modo produci potest.

DEIN, quoad alteram partem, de rerum *æternitate*. Qui res mutabiles & successivas fingunt esse æternas, non tantùm id gratis fingunt, sed etiam in multiplices incidunt repugnantias & absurda, quibus sese extricare, non est penes mentem humanam,

HÆC

HÆC quoad mentem Authoris. Cæterum in explicandis Antiquorum Dogmatibus, in *Libro Primo*, oportebat sequi veritatem Historicam: & quid quique senserint de rerum ortu, sive rectum, sive secus, bonâ fide exponere. Denique quoad Creationis Epocham, veteribus intactam & inexploratam, neque hanc ausus sum ego fixis terminis definire. Ac proinde cum *Creaturam æternam concipi non posse* affirmâssem, subnectitur statim, *Sed limites* Ibid. *Sexmillennes, Epocham breviusculam, Creationi divinæ nunquam ausus sum præscribere. Id, cum multis aliis, inter arcana Dei libentiùs relinquo.*

NEQUE hâc in re, opinor, immodestiam me redarguet quisquam: cum satîs notum sit, ex antiquis Patribus, tam Græcis, quàm Latinis, statuisse plures, Angelorum ordines universos, & Cælorum nonnullos, ante hunc Mundum Sublunarem extitisse: idque per innumera sæcula & æternitates, ut verbo utar S. Hieronymi. Atque hanc In Tit. i. 2. suam sententiam, non tantum ratione humanâ, sed adductis ex Sacrà Scripturâ locis & argumentis, confirmatam, Doctrinæ Catholicæ vim & pondus habere voluerunt. Tantum abest, ut huic opinioni minimam erroris labem, nedum noxii, inurendam senserint.

POSITO autem hoc fundamento, tam Angelos quàm Cælos, extitisse ante Orbem

bem nostrum: nisi ingentem hiatum fingere velis, quantum jam occupat orbis iubilunaris, aut Planetarius, intervallum illud medium aliquali materiâ replendum erit. Neque mihi quidem fas est concipere primum Dei opus instar cassæ nucis, aut instar testæ vel corticis sine pulpâ. Denique, quod summa rei est, Quicquid statueris, de reliquis Universi regionibus, Orbis nostri habitabilis, atque humani generis, ortum temporalem esse, & utrumque quasi recens natum, semper asserui, atque adhuc obfirmatus assero. Sed de hac re satis superque.

Ais præterea, Id mihi vitio verti à nonnullis, quòd Mosem, virum maximum, minùs reverenter tractaverim: atque eo nomine, ipsam Scripturam sacram aliquatenùs læserim. Mosem quod spectat, Hunc ego Prophetam maximum, divinitus actum & inspiratum, miraculis munitum, & supra sortem humanam evectum, semper habui & habiturus sum. Et quoad opus illud Hexaëmeri, id perinde ac reliqua sua Scripta, sub auspiciis & regimine Spiritûs Sancti conditum & apparatus sentio. Neque huic obstat, quod doctrinam illam de rerum Genesi, Parabolâ vel Allegoriâ aliquatenus involutam, ut ante me plures alii, crediderim. Parabolas enim Christi & Prophetarum, non minùs quàm Scripturam Literalem, inter Oracula

la divina meritò numeramus: neque officit styli ratio, quo minùs à Sacro fonte derivetur. Utraque docendi methodo utitur Spiritus Sanctus, & utramque eâdem veneratione amplectimur.

Hoc, opinor, inter omnes convenit: sed eâ de re laboramus maximè, ut certos Indices & Characteres, quibus Stylus Literalis ab arcano discerni & dijudicari possit, inveniamus. Nos imprimis communem hîc sequimur interpretandi regulam, *ut à Literâ non recedamus unquam, nisi rei necessitate coacti.* Nihil autem difficilius est, quàm hanc necessitatem, sine invidiâ & animorum offensione, demonstrare. Nam si incongrua & absurda Literæ affigas, clamant nonnulli, te contemptui habere Scripturam Sacram, & à malevolis irridendam exponere. In his salebris hæremus, & quâ viâ eundum sit, nescio. Sine incongruis & absurdis non recedendum est à Literâ (a quâ omnes recedunt, datâ occasione, & recedendum statuunt) neque tamen ferunt æquo animo, ut hæc absurda in lucem proferantur. In his, inquam, angustiis versamur. Interea, quod ad me attinet, dum hæc incongrua repræsentaverim, siquid acrius, aut asperius, vel siquid crudè & immaturè dictum est, quod piis & sapientibus offensus esse possit; id totum, quicquid est, indictum volo. Et colloquium illud inter



Ad Virum clarissimum A. B. circa nuper editum de Archæologiis Philosophicis Libellum,

EPISTOLA SECUNDA.



ALTERUM benevolentiae tuæ, & amicitiae pignus, Vir ornatissime, literas tuas secundas, mense jam elapso, libenter accepi. In quibus amicorum objectiones nonnullas, ut antea inimicorum, contra Archæologias nostras, mihi notas facere dignaris. Juvat utique dissentientes amicorum Sententias unâ conferre, & de rebus dubiis, sine æstu aut invidiâ candidè contendere. A leni pulsu, vel nixu, oritur lux: à rudi collisione Ignis.

IRA hominum non operatur Justitiam Dei, neque veritatem. In concitatis animi motibus, tam intellectus, quàm voluntatis, pertubantur actiones. Sapientia habitat in regionibus serenis, & intempestis; & efficacissimum erroris in aliis remedium,

dium, est placida, & perspicua refutatio. Non potui non in illam semper propendere opinionem, Neminem irasci in veritate defendendâ, qui eandem plenè possidet, vidétque in claro lumine. Evidens enim, & indubitata ratio, sibi sufficit, & acquiescit : aliisque à scopo aberrantibus (nisi animo id fiat malevolo) non tam succenset, quàm miseretur. Sed cùm argumentorum adversantium aculeos sentimus, & quodammodo periclitari causam nostram, tum demum æsttuamus, & effervesCIMUS. Hæc in laudem tui candoris præfati : ad objectiones jam properamus.

Alis imprimis, Mundum creatum esse per intervalla, idque spatiis sex dierum, prout Moses retulit in Hexaëmero: probari denuo, vel confirmari in Decalogo: ubi quarti præcepti, de observando Sabbatho, hanc reddit rationem Moses, quòd Deus mundum fecerit in sex diebus, septimumque in quietem consecrârit. Nulla esset vis, inquis, hujusce rationis, si vel puncto temporis creatus esset mundus, vel si insumptum fuisset plus temporis in eodem construendo quàm sex dies. Non igitur mysticè, aut Parabolicè, sed secundùm Literam exponendum est Hexaëmeron.

RESPONDEO, rationem à Mose traditam, de Sabbatho observando, valere, atque

atque vim suam habere, ex alterutrâ hypothesi, vel expositione Hexaëmeri, Literali, vel mysticâ. Si literam sequamur, omnibus in propatulo, & tibi in confesso, est ratio. Si mysticè & parabolicè nobiscum intelligas, Sabbathum est typus Sabbatismi in mundi renovatione futuri, atque sex dies, qui præcedunt, sunt totidem millennia, quibus duraturus est mundus. Quâ de re vide, si placeat, quæ differuimus secundum veteres, tam Judæos quàm Christianos, in Theoriâ Telluris, lib. iii. 5. & lib. iv. c. 8. Hujus autem beati Sabbatismi memores, quàm religiosè quantoque cum gaudio, hodiernum Sabbathum, futuri imaginem, contemplari, & celebrare debemus.

Quod si rationem Literalem Sabbathi hîc unicè respiciendam velis, quid mihi dixeris, Amicorum optimè, si nullum fuisse institutum Sabbathum, nullum celebratum, ante tempora Mosaica, constiterit. Neque Noachidis, neque Antediluvianis datum esse unquam hoc præceptum, sed Judæis solis, idque post exitum ex Ægypto. Hoc certè nos docent præclarinominis Doctores Christiani, & Sacrorum Librorum interpretes. Justinus cum Tryphone agens, Sabbathi institutum, non minùs quàm circumcisio-^{In pag. 236.} nem, Judæorum proprium & Gentile fa-

cit: & cùm Adamum, Abelem, Enochum, Lothum, Noachum, & Melchisedechum, enumerasset, qui incircumcisi placuerunt Deo, addit, hos etiam omnes, sine observatione Sabbathi, Deo gratos fuisse. Καὶ ὃ μὴ σαββατίζοντες οἱ προνομιασμένοι πάντες ὄντιμι, τῷ Θεῷ εὐπρέσπουν, καὶ μετ' αὐτὸς Ἀβραάμ, καὶ οἱ τότε υἱοὶ ἅπαντες μέχρι Μωσέως. Dein, paucis interpositis, de Enocho, aliisque, iterum verba faciens, inquit: οἱ μὴτε περιτομὴν, τὴν κατὰ σὰρκα ἔχοντες, μὴτε σάββατα ἐφύλαξαν, μὴτε δὲ τὰ ἄλλα, Μωσέως ἐντειλαμένως ταῦτα ποιεῖν. *Qui neque circumcisionem, quæ est in carne, habebant, neque Sabbathum observabant, neque alia insuper, quæ Moses fieri præcepit.*

IRENÆUS eodem modo (lib. iv. c. 30.) sine circumcisione, Sabbathis, cæterisque Mosæicis, Deo placuisse Patriarchas asserit: *ipse Abraham sine circumcisione, & observatione Sabbathorum credidit Deo, & reputatum illi ad justitiam, & amicus Dei vocatus est. Sed & Loth sine circumcisione, &c. reliqua autem omnis multitudo eorum, qui ante Abraham fuerunt, justi, & eorum Patriarcharum, qui ante Moysen fuerunt, sine his quæ prædicta sunt, & sine lege Moysis, justificabantur.*

TERTULLIANUS iisdem insistit vestigiis, capite secundo, & quarto adversus Judæos. Eosdémque cùm recensisset Patriarchas, hos omnes non Sabbathizasse

tizasse ait. Verba non adjicio, cùm longiuscula sint, quæ consulēs, si placet, per otium.

VIDES hos primævos Ecclesiæ Triumviros, infra secundum à Christo nato sæculum, consensisse in eandem sententiam de origine Mosaicâ Sabbathi : Patriarchis anterioribus utriusque mundi, ignoti, vel inobservati. Sed à nonnullis hîc oblatum audio qualecunque responsum ad minuendam vim horum Testium : aiunt nempe, non hîc loqui Patres præfatos de Sabbatho universim, sed de Sabbatho Judaico, eo rigore, eoque apparatu, quibus hoc institutum munivit postea, & stabilivit Moses, in republicâ Hebræâ observandum : hujusmodi, inquiunt, Sabbathum ignorabant, vel non observabant Patres ; neque mirum profectò, cùm nondum natum esset. Sed multis modis deficit hoc responsum. Primò in verbis dictorum Patrum nulla est restrictio, aut distinctio Sabbathi in Judaicum, & ante-judaicum : vel Mosaicum, & originarium : at Sabbathi universim non observasse Patres ante-mosaicos affirmant hi Patres Christiani. Præterea conjungunt Sabbathum cum circumcisione, & cum ritibus Mosaicis ; ac uti non erant circumcisi Patriarchæ, inquiunt hi Patres, ita eodem modo non erant Sabbatarii : hoc est universim.

DENIQUE, distinguas, si placet, inter Sabbathi substantiam, ut ita loquar, & circumstantias. Duo maximè includit Sabbathum, vacationem ab opere servili, & solennem Dei cultum : cùmque Authores præfati asserunt Patriarchas antemosaïcos non coluisse Sabbatha, necesse est, eo nomine, nisi verbis nos ludificantur, istæc duo subintelligant ; negentque Patriarchas celebrasse quemlibet diem septimum, vacando à laboribus, & sacra faciendo, modo singulari & solenni : hoc si concesseris in animo habuisse Justinum, Irenæum, & Tertullianum, optati sumus compotes, & distinctiunculas, & minutias nihil moramur.

SED aliâ forsan ratione hæc testimonia refelles : novos & adversarios citando testes, ne dicam subornando : Chrysostomum putâ, Theodoretum, Epiphanium, aliósque. Respondeo, nullum, opinor, reperies Patrem, ejusdem cum præfatis Triumviris, vel superioris ætatis, qui populum priscum, & Patriarchas Sabbatha coluisse affirmet. In commentariis aut concionibus ad Gen. ii. Literalem hypothefin forsan sequuntur nonnulli : aliis autem in locis, ubi de re ipsâ agitur, præceptum Sabbathi non humano generi datam, neque ideo ab initio rerum, sed Judæis proprium, & gentile, iidem statuunt : quâ de re differemus infra

Quòd

Quòd si diffideant, inquires, & sibi ipsis malè constent, in neutrà causà testes sunt idonei. Esto : sed de cā re quid statuendum sit, videbis statim. Inter-
cā, si plures in nostrā parte testes desi-
deres, advoca *Augustinum, † Eusebium
Pamphilum,

* Sanctus Augustinus penitus abolevit Sabbathum primæ-
vum, quandoquidem ipsius radicem aut fundamentum sus-
tulit : sex nempe dies Creationis : à quibus unicè pendebat
requies, & sanctificatio septimæ. Ideo Sabbathum illud fi-
guratè intelligendum esse, ut typum, sæpius docet, De Civ.
D. lib. xx. c. 7. & lib. ult. cap. ult. de Genesi contra Manich.
lib. i. c. 22. & alibi pro re natā.

† Eusebius nullum agnoscit Sabbathum ante-mosaicum ;
idque testatur variis in locis, Demonstr. Evang. lib. i. cap. 6.
Primum de Melchisedecho, ait, ὁ σάββατον τί ποτ' ἔστιν
εἰδότες neque quid esset Sabbathum novit. Et cū talem fuisse
Noachum, Enochum, Abrahamum, monuisset, ultimò sub-
dit exemplum Jobi : Τί δαί λέγειν τὸν τρισμακάριον Ἰωβ,
τὸν ἀληθῆ ἄνθρωπον ἐκεῖνον, τὸν ἀμεριπτόν, τὸν δίκαιον, τὸν
θεοσεβῆ ; τῆς εἰς ἄκρον εὐσεβείας αὐτοῦ, καὶ δικαιοπραγίας, τίς ἄρα
αἰτία ἦν ; μήτι γε τὰ Μωσέως παραγέγραπτα ἤδαμῶς, ἀλλὰ
σαββάτι ἡμέρας ἐπιτήρησις ἦν, ἣ τινος ἄλλης Ἰουδαϊκῆς ἐθε-
λοθησκείας ; Φυλική ; πύθεν, προσκυτέρῳ τοῖς χρίνοι Μω-
σεως, καὶ τῆς κατ' αὐτὸν νομοθεσίας γενόμενης ; Eodem mo-
do de Sabbatho & de Mose disserit in Præparatione Evangel.
lib. vii. c. 6. Τὸν δὲ τῆς εὐσεβείας τρόπον Ἰουδαίοις μὲν πρῶ-
τον ἀπάρξασθαι τῆς νομοθεσίας Μωσέα, σαββάτι τινός παρὰ
δοῦντα ἡμέραν. Non à Majoribus acceptum, dicit, aut Tra-
ditione Patriarchali, sed à Mose primum introductum apud
Judæos Sabbathi cultum. Denique in Hist. Eccl. lib. i. c. 4.
de Priscis Patriarchis, pietate, justitiā, & reliquis virtutibus
universis præstantibus, tam antediluvianis quàm Noachidis,
verba faciens, ait, ὅ' ἢν σώματι αὐτοῖς περιτομῆς ἐμελλεν,
ὁ σαββάτι ἐπιτηρέσει ; neque circumcisionem, neque Sab-
bathi observacionem, curabant : — more Christiano vi-
ventes. Hactenus Eusebius : atque idem prosequitur argu-
mentum Chrysostomus, (quicquid aliàs dixerit) cū de iis
K k 3 qui

Pamphilum, Joh. * Damascenum, venerabilem † Bedam, aliosque: ut Judæos mittam non fatis inter se concordēs. Sed pergamus in proposito.

SECUNDUM has sententias aut suffragia Patrum, vides nullum fuisse Sabbathum institutum aut celebratum ab initio mundi, neque ante tempora Mosaica. Quod si verum sit, Amicorum Optime, tuum in te retorqueo telum, sed amicā manu. Quā, quæso, fide literalī, vel quo genere

qui ad Abrahamum usque vixerunt (Hom. 121.) Sermones instituit, his verbis inter cætera: Οὐκ ἐδέξαντο τὸν νόμον, οὐκ ἐφύλαξαν σάββατα. *Neque legem receperunt, neque Sabbathum observarunt.*

* Joh. Damascenus de Orthodoxā fide, eandem sententiam plenius explicat. lib. 4. c. 5. Παρὰ ταῦτα. *Οἱ μὲν γὰρ οὐκ ἦν νόμος, οὐ γράφη θεόπνευστος, οὐδὲ τὸ σάββατον τῷ θεῷ ἀφιδρωτό· ὅτε δὲ ἡ θεόπνευστος γράφη διὰ Μωσέως ἰδοὺ, ἀφιεράθη τῷ θεῷ — τὸ σάββατον. *Quum Lex non esset nec Scriptura divinitus inspirata, neque Sabbathum Deo sacra-
batur. At quando Scriptura divinitus inspirata per Moysen data est, sacratum est Deo Sabbathum.*

† Denique his adde, si libet, venerabilem Bedam, in I. u. cæ cap. vi. *Volens, inquit, intimare Sabbathi legalis observantiam cessare ultrā debere, & Naturalis Sabbathi libertatem (quæ ad Moysen usque tempora, cæterorum dierum similis erat) oportere restituere.* Et postea in eodem capite (ut & in præfatione ad Psalms) sex dies Creationis, & requiem in septimā, ad exemplum Augustini, quem solet imitari, in typos convertit. *Eodem præcepto, inquit, simul & futuri sæculi formam in præsentibus adumbrans: ubi qui per sex sæculi hujus ætates bona fecerunt, in septimā quiete malorum (tantummodo, non autem bonorum) sunt ferias habituri.* Epiphanius autem in contrariam sententiam incidisse videtur, ex malā interpretatione Sabbathi διευτεροπρώτη, Luc. vi. 1. Theodoretus innocuam statuit utramque partem, nec lite aut cen-
surā dignam,

Her. 51.
Alog.
num. 31.

genere Orationis, dixit Moses in Decalogo, Sabbathum fuisse institutum, aut sanctificatum, ab initio mundi, si nullum fuit Sabbathum ante tempora Mosaica? Idem dixerat vel dicturus erat Moses in suâ Cosmopœiâ : & eodem animo utrobique : nempe, si rectè judicamus, ut hoc præceptum Sabbathi, quod maximi erat momenti, ratum faceret, atque fortius imprimeret Judæorum animis. Hujusmodi quid innuere videtur Theodoretus : Ἰσχυρίσας ταῦτα γράφων (loquitur de Mose & de verbis ipsius, Gen. ii.) Quæst. 21.
in Gen. ἀναγκάτως, τὸ, ἡγίασεν αὐτὴν, τέθεικεν ἵνα πλεονεκτήσῃς ἀπὸ τοῦ νόμου τοῦ σαββάτου. *Ad Judæos ista scribens, necessariò posuit hoc, sanctificavit eam ; ut majori veneratione prosequerentur Sabbathum.* Hoc præceptum maximi dico fuisse momenti : cùm, præter cætera, solenne foret perpetuumque monitum, tam de novitate Mundi, quàm de futurâ ipsius renovatione. Cùm verò dictum præceptum de sabbatho observando non esset insitum naturæ nostræ, aut suo lumine clarum, (nulla enim est differentia Dierum, aut revolutionum Terræ) ut cætera præcepta Decalogi, opus erat aliunde petitis argumentis ad illud corroborandum. Ac proindè munivit hoc præceptum Moses variis modis : primò, uno atque altero miraculo circa Mannam, Exod. xvi.

quod præludium erat Sabbathi solenni-
us instituendi. Dein, Requies Dei post
absolutum opus Creationis, Exod. xx.
Israelitarum ex servitute Ægyptiacâ e-
ductorum Commemoratione, Deut. v.
His argumentis & rationibus usus est
Moses ad confirmandam authoritatem Sab-
bathi, quò altiùs ageret radices in suis
Israëlitis, quorum intererat maximè conser-
vare & sacrosanctam habere hujus præ-
cepti memoriam.

AD præfatum argumentum, quo usi
sunt Patres contra primævam Sabbathi in-
stitutionem, nempe quod nuspiam ob-
servatum legimus à Patriarchis; solet
quandoque responderi, Historiam sacram
de Patriarchis esse admodum succinctam
& compendiosam, neque ideo mirandum,
si quid præteritum fuit aut tacitum in
breviusculâ narratione. Appositè hoc
dictum videtur. Hoc tantum regeo:
Noachi, Abrahami, & Jobi Historiam
latius & explicitiùs narrari in sacris Li-
teris: qui cum omnes essent veri Dei &
pietatis cultores, hoc unicum præceptum
quod datum esse volunt humano generi
primævi Sabbathi vindices, nullibi compa-
rere aut memorari in praxi aut Commen-
tariis de eorum vitâ, meritò miramur.

Gen. vi. 9.

*Noachus erat vir justus, perfectus in
generationibus suis, & ambulabat inde-
finenter cum Deo.* Inquit Scriptura sacra.

Qui

Qui omnes partes justitiæ & pietatis explevit, officium Sabbathi celebrandi, in sui Creatoris memoriam, explevisse non legitur. Noachum *prædicasse*, sacrificasse, munda & immunda discriminatedum esse, legimus: nullibi verò Sabbatizasse. Referuntur & distinguuntur in Historiâ Noachi, dies, menses, anni, tempora; nulla Sabbathata. Denique, inter scelera & impietates mundi Antediluviani non memoratur Sabbathi violatio: & renovato mundo post diluvium, & repetita Dei benedictione quasi in principio rerum, altum de Sabbatho silentium.

AD Abrahamum quod attinet, cum sæpius invocasse summum numen & nomen Dei: aras multis in locis struxisse: decimas pependisse Melchisedecho: circumcisum fuisse: sacrificia non tantum consueta, sed unicum etiam filium, Deo obtulisse. Hæc, inquam, non reticentur in historiâ Abrahami: sed hunc virum magnum coluisse Sabbathum, vel quemlibet diem singularem præ reliquis sacrum habuisse, nec palam dicitur, nec ullis indiciis colligi potest. Prætereà in peregrinationibus Abrahami & ipsius filiorum, quarum non paucæ narrantur à Mose, itineris ob diem Sabbathi intermissi nulla fit mentio: quod tamen postea in itinerariis Israëlitarum, cum deser-

desertum transfirent, notatum accepimus.

Job. 11. 9. DENIQUE quod spectat ad Jobum, virum, Deo teste, *incomparabilem, integrum, rectum; timentem Dei, & à malo recedentem*: facile credes hunc hominem nihil divinitus præcepti, aut promulgati omnibus, ignorasse, aut cognitum neglectui habuisse. Rerum exordiis proximior erat quàm Moyses, neque eum latere poterat institutum universale, primitus à Deo datum humano generi. Dein, hujus illustris viri historiam non raptim, & summatim, ut sæpe solet; sed integro Libro expositam habes: triplicem statum subiit, instar mundi nostri. Primò vides in statu integro & florentissimo: dein fractum & miseriis obrutum: denique renovatum & restitutum; ubique vero æqui rectique, religionis erga Deum, purique cultûs, tenacem. In hoc vitæ suæ & pietatis stadio, monstres mihi, velim, aliquod vestigium, aliquam memoriam aut signum, observati Sabbathi. Non defuit occasio, in hac narratione, memorandi hujusmodi instituti, si quid fuisset. Meminit author originis mundi, & foundationis terræ: & jubilantium Angelorum, incæpto, vel absoluto opere; quod proximè accedit ad argumentum nostrum. Neque tamen discriminationis dierum, aut sanctificationis

cationis alicujus septenarii, omnino mentionem facit. Præterea, obtulisse dicitur Jobus Holocausta ad sanctificandos, aut expiandos filios; nequid fortè dixerint fecerintve liberiùs aut irreverentiùs inter convivandum: sed de Sabbatho sanctificando, nec monitum dedit nec exemplum. Denique cùm suam tuetur innocentiam in capite xxxi. multisque se purgat liberatque culpis, tam quoad mores quàm cultum divinum; de violato aut observato Sabbatho nullum internisecet verbum, nullam lucem aut umbram.

HIS aliisque innixus rationibus, haud facilè mihi persuadeo, institutum Sabbaticum fuisse universale, ad omnes gentes populosque protensum: quod si communi primoque humani generis auctori datum fuisset in natali mundi, valuisset apud omnem suam stirpem, adeoque apud omnes gentes, lex Sabbatica, & religio Sabbathi. Fæstorum & Feriarum retinentissimus est populus, neque facilè excideret, quod singulis septimanis iterandum esset. Si omnis periisset religio apud præscos, atque omnes ritus sacri, unà extinctum jacuisse Sabbathum non mirarer: sed ubivis gentium, & in omni ævo, sacrificia & victimas, dies fæstos, aliasque superstitiones, in usu fuisse novimus. Fæstum autem diem septenarium,

um, aut observatum aut divinitus aut humanitus institutum, nisi à Mose Legislatore, & in Republicâ Judæâ, nuspiam terrarum audivimus. Ut Antediluvianos præteream, quorum curta est & sicca Historia; apud Noachidas, quam memoriam, quod Monumentum Sabbathi, reperire licet? Superfunt & conservantur adhuc *Præcepta Noachidarum*, quorum alia respiciunt cultum divinum, alia mores humanos; sed colendi Sabbathi aut septimi diei, neque hæc neque illa meminerunt.

Si quod fuisset, ab initio, hujusmodi præceptum, non facilè extingui potuisset in Antediluvianis, propter longævitatem Adami, qui id à Deo acceperat, ad stirpem suam universam propagandum. Neque minùs religio fuisset Noacho liberos suos non instruere hâc lege sacrâ, aut officii sui in hâc parte non admonere quemlibet. Et si fortè neglectum aliquatenus, aut oblitteratum sensisset in profanis ante diluvium Noachus, eò magis curæ habuisset, ut in suâ familiâ posterisque revivisceret. Sed præter omnem spem & expectationem, observati Sabbathi, aut publicè aut privatim, in literis sacris aut exoticis, nulla occurrit mentio ante tempora Mosaica.

NEQUE illud prætereundum est: Judæos ab exteris nuncupari solitos, *Sabbatarios*,

tarios, vel Sabbathi cultores: iisque nominibus, tanquam notis & indicibus, gentem & religionem Hebræam designari. Lamen. i. 7.
 Nota sunt tam * Poëtarum, quàm Historicorum †, & Philosophorum loca in hoc argumento: ubi seriò, vel ludendo, vel per contumeliam, de Sabbatho, & Sabbathariis Judæis verba faciunt, iisque, ut superstitionem genti suæ peculiarem, hunc ritum exprobrant.

DENIQUE, ipsi Prophetæ & Authores sacri hanc sententiam apertè confirmant, cùm Sabbathum aiunt Judæis datum esse in signum fœderale & distinctionis: sic Deus alloquitur Israëlitas per Mosem, Exod. xxxi. 13. *Sabbatha mea servatote, nam signum est inter me & vos per generationes vestras, ad cognoscendum me Jehovam esse, qui sanctifico vos.* Hoc ego, quasi Sacramento, vos mihi consecro, & devoveo, & à reliquis gentibus distinguo. Idem nos docet Propheta Ezekiel, cap. xx. 12 & 20. *Ac etiam Sabbatha mea dedi ipsis* (nempe Judæis, non reli-

* Ovid. de Art. Amand. lib. i. Pers. Sat. v. Mart. lib. iv. Epigr. 4. Juvenal Sat. xiv. Claud. Rutilius, Itiner. lib. i.

† Agatharcides apud Jos. lib. i. contr. Apion. Just. lib. xxxvi. cap. 2. Senec. libro contra superstitionem, citante August. lib. vi. de Civ. D. c. 10. Tacit. Hist. v. Princ. Dion. Cass. Hist. xxxvii. Plutarch. Symp. xlv. Julianus apud Cyril. Alex. lib. v.

reliquis gentibus) *ut essent signo inter me & ipsos: ut sciretur me Jehovah sanctificare vos.* In quæ loca interpretes, tam Hebræi, quàm Christiani docent, Sabbathum datum esse, ut singulare institutum, quo ab aliis populis discriminentur Judæi. Sive, ut ait Theodoretus in locum, ἵνα τὸ ἰδιόζον τῆς πολιτείας χωρίζη μὲν αὐτὰς τῶν ἐθνικῶν ἐπιηδαιμάτων. *Ut hæc vitæ instituendæ ratio peculiaris Judæos distingueret à Gentium institutis.*

Advers. 13.

DEIN, in sequentibus hoc explicatiùs edifferit, his verbis: Καὶ τὰ ἄλλα τοίνυν τοῖς ἄλλοις κοινανῶντες, κατὰ τὴν τῷ σαββάτῳ φυλακὴν, ἰδίαν πνα πολιτείας ἔχον ἐδόκουν· οὐδὲν γὰρ τῶν ἄλλων ἐθρῶν τάυτην ἐφύλαττε τὴν ἀρχίαν· οὐδὲ ἡ περιουσία αὐτὰς τῶν ἄλλων ἐχώριζεν, ὡς τὸ σάββατον. *In aliis quidem cum aliis Communione juncti, in observando Sabbatho propriam quandam videbantur habere rempublicam. Nulla enim alia gens hoc otium observabat. Neque Circumcisio ita ipsos ab aliis distinguebat, ut Sabbathum.* Ad hoc ultimum probandum, subjicit, Ismaelitas, Idumæos, & Ægyptios, Circumcisione usos esse: τὴν δὲ τῷ σαββάτῳ φυλακὴν μόρον τῶν Ἰουδαίων ἐφύλαττεν ἑθρῶν. *Sabbathi autem observationem sola Judæorum natio custodiebat.* Hoc maximum discrimen Judæos inter & gentes per observationem Sabbathi agnovit itidem Julianus Apostata: cùm de præceptis Decalogi verba faciens,

Cyril. contra Jul. lib. 5. Princ.

ciens, inquit: Ποῖον ἔθνος ἐστὶ, πρὸς τῶν θεῶν, ἔξω τῶ, ἢ προσκυνήσεις θεοῖς ἑτέροις, καὶ τῶ, μνήσθητε τῶν σαββάτων, ὃ μὴ τὰς ἄλλας οἰεῖται χρῆναι φυλάττειν ἐντολάς; *Quænam gens est, per Deos, si hæc dempseris, non Adorabis Deos alios, MEMENTO SABBATHORUM, quæ mandata cætera servanda non putet?*

HÆC tibi, Amicorum Optime, plusculis quidem, sed quâ potui brevitate, circa rem Sabbaticam exposui: ut certiore haberes notitiam, & quasi intuitum eorum omnium, quæ ad hoc argumentum attinent: iisque expensis, æquo consilio apud te statuas & decernas, Quale fuerit Sabbathum illud primordiale, à Mose memoratum ab ipsis rerum incunabilis, Literale an Typicum. Ego quidem nihil aliud esse reor, quàm umbram vel Typum *Sabbatismi*, decurso vel absoluto hoc mundo, futuri. Prout sex illi dies creationis sunt totidem periodi, vel millennia, quibus duraturus est mundus, & hujusce sæculi opera & labores. Et in hâc Explicatione S. Augustinum, præter alios, ducem habeo & Hyperaspistem. Qui Libro & Capite novissimis *de Civitate Dei*, ut alia loca non repetam, hæc habet: *Erit ibi maximum Sabbathum, non habens vespem, quod commendavit Dominus in primis operibus mundi, ubi legitur, & requievit Deus die septimo ab omnibus operi-*

operibus suis, quæ fecit; & benedixit Deus diem septimum, &c. *Dies enim septimus etiam nos ipsi erimus, quando ejus fuerimus Benedictione, & Sanctificatione pleni atque refectioni.* --- Ipse etiam numerus ætatum, veluti dierum, si secundum eos articulos temporis computentur, qui in Scripturis sanctis videntur expressi, iste Sabbatismus evidentius apparebit, quoniam septimus invenitur. Ut prima ætas, tanquam dies primus, sit ab Adam, usque ad, &c. Ubi sex dies creationis non vult esse literales, sed typicos, & sex ætatum mundi representationes quasdam aut imagines: septimum pariter, sive Sabbathum primordiale, noluit esse literale; sed figurativum; futuri Sabbatismi in septimo millennio adumbrationem. Quemadmodum Paradisus Moisaicus futuri, in mundi renovatione, Paradisi est præfiguratio Typica: prout consensu veterum, & collatis primis Genesios Capitibus cum ultimis Apocalypseos, sacri Canonis A & Ω, manifestè constat.

SED his supersedeo, ne præjudicare videar, aut sententiam ferre, de re tuo arbitrio permittendâ. Memineris, si placet, statûs causæ: & quid testibus, quid rationibus, affirmatum dedimus. Quæsitum est, an Sabbathum fuerit institutum universale, datum & promulgatum humano generi, in rerum exordio: vel institutum
Mo-

Mosaicum, & Genti Judaicæ proprium. Hoc posterius testati sunt Patres Christiani, primi ordinis: Quinetiam Prophetæ, & Moses ipse, asserunt, Sabbathum institutum esse in monumentum fœderale, Deum inter & Judæos; & instar parietis intergerini eisdem Judæos inter & Gentes. Dein, cùm argumentis & rationibus agitur, ostendimus, observati Sabbathi nullum extare documentum, nullam memoriolam, vel in Antediluvianis, vel Noachidis, (oblatâ licèt sæpius occasione) usque ad tempora Mosaica. Denique derisum esse à Gentibus, tam Græcis, quàm Romanis, hunc ritum Judaicum: atque eo semper, quasi stigmate, signatos, & ludibrio habitos, Judæos.

NEQUE fucum tibi faciant, aut *Jeudo-œcclesiæ* obtrudant, adversæ sententiæ fautores, sub nomine & prætextu *Hebdomadis* aut *Septenarii*; quorum occurrit apud gentes & authores externos, non rarò, nec incelebris mentio: sed his nominibus nihil minùs intelligunt Authores illi, quàm Sabbathum (Mosaicum, aut Adamicum) vel quemlibet ritum religiosum. Numerum septenarium celebrabant Philosophi, propter virtutes & mysteria, ut credebant, in eo recondita: Hebdomas Planetaria in usu erat apud Astrologos & Mathematicos; unde denominationes Planetarias singulis diebus suæ Hebdomadis imposuere.

L I

Quod

Quod postea in communem usum transiit. Alii septimum à novilunio, sive ab ineunte mense, aliósque sacros habuere. Hæc autem argumentum nostrum non attingunt, neque hæc negamus: Sabbathum verò, sive diem septimum recurrentem in singulis septenis, ulli instituto publico, civili, vel religioso, sancitum esse inter Gentes, Græcas, Romanas, aut Barbaras: hoc est quod strenuè negamus. Sed de hac re satis, & de primâ tuâ objectione.

SECUNDO objicis, & nos urges ab incommodo. Eâ, inquis, libertate, quâ usi sumus, recedendi à verbis & à literâ Mo-
 fis, cum nos premunt absurdiuscula, abusus esse homines Atheos & incredulos, ad elevandam Authoritatem Mo-
 fis, & parvipendendam Scripturam sacram. Respondeo: Nihil minùs sequitur: his enim
 & hujusmodi absurdis literalibus usi sunt hostes religionis nostræ, ad labefactandam
 Scripturæ Sacræ, & religionis nostræ authoritatem. His igitur amotis, arma iis è
 manibus excutimus, atque omnem cavil-
 landi ansam: salvâque præstamus ex omni
 parte, & quasi invulnerabilem, religionem
 nostram. Quod si, ex adverso, sensûs litera-
 lis patrociniū ubique in sacris literis, &
 speciatim in originibus Mosaicis, susceperis,
 novas generabis lites, non sine discrimine
 causæ principalis, terminandas. Dicam
 tibi liberè sententiam meam: Qui adhæ-
 rent mordicus nudæ literæ verbisque Mo-
 fis

fis in
 locu
 loru
 tam
 ligi
 em
 ph
 pr
 tis
 qu
 bu
 lo
 d
 A
 æ
 ci
 na
 q
 h
 e
 f
 o
 f
 b
 n
 i

sis in enarrandis rerum originibus, dant locum, ansamque Atheorum & incredulorum contumeliis, aut cavillationibus, tam contra Scripturam sacram, quàm religionem in eâ revelatam. Hoc patet exemplis, Celsi, Juliani, Simplicii, Porphyrii, aliisque; qui ex hac pharetrâ deprompsere sagittas, quibus, veneno tinctis, petebant Prophetam Mosem: utpote quem rerum origines scripsisse aiunt, Fabulatoris instar, aut Plebeii; neque Philosophorum sapientiam eum attigisse, nedum viri divinitus afflati. Ita spurco ore Archæologias Mosaicas, alii *μῦθον Ἀϊσινπληκτον*, alii *anilem fabulam*, alii *Græcanicis deteriorem*, appellârunt: Deo indignam arbitantes illam rerum œconomiam, quam in ortu mundi, & initiis Naturæ & humani generis, exhibuit Moses. Quintiam ipse Philo, Judæus licet, non abstinuit hujusmodi dictis: *ἐνθες πᾶν τὸ ὄρεσθαι ἐξ ἡμέρας — κόσμον γεσόνον*, *Rusticanæ simplicitatis est credere, mundum sex diebus conditum esse*. Hoc sextiduum operis & requiem septimi diei, deridet etiam in suis carminibus Claudius Rutilius:

Septima quæque dies turpi damnata verno,

Itin. lib. 1.

*Tanquam lassati mollis imago Dei:
Cætera mendacis deliramenta catastæ
Nec pueros omnes credere posse reor.*

De Mose loquitur, & de suo Hexaëmero.

LUCIANUS, vel alter illius non abfimilis, in Dialogo, qui dicitur Philopatris, Cosmopœiam *Βραδυσλώσσα*, quo nomine Mosem intelligit, fugillans, ait lucem ipsius primigeniam fuisse *φῶς ἀόρατον καὶ ἀγνώστου*, *lucem, quæ nec visu percipi possit, nec intellectu.* Manichæi etiam (referente Sancto Augustino, Lib. xxii. contra F. Manich. c. 4.) dicebant se rejicere Libros Mosis, quòd in iis plurima legerentur indigna Deo : & inter alia, de Hexaëmero dicunt, Mosem describere Deum ab æterno in tenebris versatum, tenebras fuisse conditas ante lucem, & Deum super aquas tenebris obsitas, per noctem, antequam lucem faceret, inambulasse: quinetiam describit eundem Deum, ad insolitæ lucis aspectum, admiratione perculsum, atque adeò antea nescientem quid esset lux, ut cùm primum illam vidisset, optimam judicasset.

DENIQUE hæc omnia confirmare licet & concludere, cum judicio dudum lato Th. Aquinatis: qui in hac causâ definiendâ statuit, sententiam Augustini, negantis intervalla & dies successivos creationis, commodiorem esse ad tutandam Scripturam sacram à morsibus infidelium, quàm vulgarem Hypothefin : verba ipsius hæc sunt. *Harum expositionum prima,*

De Poten.
Dei, quæst.
35. art. 2.

ma, scilicet Augustini, est subtilior, magis ab irrisione Infidelium Scripturam defendens: secunda verò, scilicet aliorum Sanctorum, est planior, & magis verbis literæ, quantum ad superficiem, consona. Duplicem etiam Interpretationem originum Mosaicarum, ex præfatis Authoribus exteris, Celsus & Julianus, agnoscunt, neque iisdem utramque premi incommo- dis: sed ex illâ interpretatione, quæ tota residet & acquiescit in sensu literali, venenata spicula in Mosem intorquent.

Hæc quum ita se habeant, dic fodes, per amicitiam nostram, uter horum, Interpres Literalis an Philosophicus, am- cior sit Mosi, ac Sacræ Scripturæ reveren- tior. Tu, qui hunc & illam ludibrium facis inimicorum: vel Ego, qui utrius- que honorem tueor, & sartum tectum conservo; neque in his oraculis sacris eno- dandis quicquam recipiendum esse duco, quod indignum sit summo Deo, aut ipsius summo Prophetâ.

Hæc quoad Gentes & hostes externos, dicta sunt: ut eorum tela retundamus. Sed operæ pretium erit præterea paucis ex- pendere, quot mala pepererit inter ipsos Christianos, quot errores, hæc supersti- tiosa ad textum literalem adhæsiō. Su- perstitiosam appello, quæ invitâ rei natu- râ, & repugnante ratione, literas, & syl- labas, sensumque Grammaticum, mordi-

cus tenet, nec veritatem ultrà quærit. Si vacat, & libet, hujus insipientiæ exempla nonnulla, notissima quidem illa, sed non levis momenti, tibi in memoriam revocabo. Primum, ex hõc fonte manavit fœdissimus error Anthropomorphitarum. Fœdissimus, inquam, utpote qui Deum Optimum Maximum transformet in bipedem, nostrumque facit similem, os, humerosque, & alia membra. Huic tamen dogmati, quantumcunque à ratione abhorrenti, planissimis & apertissimis verbis, iterum iterumque repetitis, patrocinator Scriptura sacra. Patrocinator certè, nisi sensum literalem deferas, & nobiscum transeas in rationis & sanæ Philosophiæ castra.

SCRIPTURA sacra asserit, primò, in genere, *Hominem factum esse ad imaginem Dei.* Dein, affectus humanos, proprietates, & facultates nostras, Deo pariter attribuit. Denique ad explendas omnes partes probationis firmæ & consummatæ, ipsa membra, partesque Dei, recenset: figillatim, & nominatim, quemadmodum in corpore nostro.

RECOLAMUS hæc breviter, si placet. Peractis cæteris mundi partibus, cum ad hominem condendum ventum esse, ait
 Gen. i. 26, Deus, *Faciamus Hominem ad imaginem*
 27. *nostram, secundum similitudinem nostram; Itaque creavit Deus Hominem*
 ad

ad imaginem suam, ad imaginem Dei creavit eos. Repetuntur verba, ut de re & sensu, ut videtur, certiores facti essemus: & nequa lateret ambiguitas in voce *Imaginis*, additur, *secundum similitudinem nostram.* Denique, si quis restat scrupulus de significatione harum vocum, observare oportet, (secundum leges interpretandi) earundem vocum, vel ejusdem phraseologiæ, usum, si fortè recurrant in eodem Authore. Occurrunt autem apud Mosem iterum, cap. v. 3. Ubi de Adamo dicitur, eum genuisse filium, *ad similitudinem suam, ad imaginem suam.* Unde sequitur, ex vi verborum, quemadmodum Sethus erat Imago Adami, ita Adamus Dei. Præterea, in novo fœdere eadem est dictio, eandemque habet vim, cum de incarnatione Christi agitur: dicitur enim factus *ἐν ὁμοιώματι ἀνθρώπων*, ut A-Phil. ii. 7.
damus dicitur factus *ἐν ὁμοιώματι Θεῆ*. Quemadmodum igitur Christus induit veram hominis formam, ita Adamus veram formam Dei. Ita primò argumentantur Anthropomorphitæ. Denique Imaginem Dei in homine aliquid denotare externum & aspectabile, res ipsa, & alia loca Scripturæ, satis indicant: 1 Cor. vii. 14. & xv. 49. collata cum Phil. iii. 21. & Joh. iii. 2.

SECUNDO, Scriptura sacra, inquit, nobis exhibet manifestò affectus humanos,

proprietates, & facultates naturæ nostræ in Deo. Primò, Deum habere animam, dicitur: & loquelâ uti, & sermocinatione, instar nostrum. Dein, dormire & expergisci: ridere etiam, quod proprium censetur hominis. Quinetiam facti sui Deum pœnitet quandoque, quandoque aliorum miserescit. Dicitur etiam, irasci, vexari, dolere, gaudere, admirari, amore aut odio prosequi. Præterea moveri de loco in locum, descendere & ascendere, aut per cœlos & aëra transferri. Denique, videre, audire, odorari, tangere & tangi. Hæc Deus nobiscum, aliisque corporibus, habere dicitur Communia, in sacris Literis.

TERTIO, membra & partes corporis nostri in Deo etiam reperiuntur, secundum easdem literas sacras. Memorantur ibidem Dei digiti, manus, brachia, caput; & in Capite facies, os, cum labiis & linguâ, nasus, oculi, & aures; memorantur etiam interiora corporis, cor & viscera; dein tergum & posteriora Dei; denique crura & pedes. Quinetiam sæpius apparuit Prophetis aliisque Deus, & se visibilem reddidit, temporibus priscis: Angeli etiam hucusque conspiciunt ipsius faciem. Stephanus vidit eum in cœlis, & ambulasse dicitur Deus cum Adamo in Paradiso. Vides, quot classes argumentorum, quot loca sacre Scripturæ afferunt

An-

thrope
um.
rejici
tot sa
esse o
vel i
qui
nes
fec
cor
pe
qu
hu
en
p
no
in
&
a
e
y

thropomorphitæ, in suæ causæ patrocini-
um. Quò te vertes, nescio, si rationem
rejjicis interpretem. Quid respondendum
tot sacris testimoniis? Concedemus Deum
esse corporeum, ex autoritate Literæ?
vel id negabimus ex autoritate rationis?
quippe quæ demonstrat clarè, perfectio-
nes naturæ divinæ, sive Entis infinitè per-
fecti, consistere non posse in quocunque
corpore. Hoc tenent & tuentur, & hìc
pedem figunt optimi interpretes: docent-
que, quoties Scriptura loquitur de formâ
humanâ, aut naturâ Corporeâ Dei, id fi-
eri κατὰ στυγατέβαιν, ut animis populi &
plebis aliquam imprimat ideam Dei, licèt
non veram. Donec scilicet à rebus sacris
instructiores facti, capere queant de Deo
& naturâ divinâ notitias magis idoneas &
accuratas. Vulgus hominum nihil con-
cipit per modum substantiæ, præter cor-
pus & corporea; & in corporeis, nullam
formam præstantiorem humanâ: oportebat
igitur ex hâc materiâ, & in hâc for-
mâ effingere Deum vulgo; vel, quod pe-
jus esset, iis fingendum suo modo & suo
ingenio permittere*. Hæc de Anthro-
pomorphitis

* Non videt imperita plebs, quomodo aliquid vere, & citra
dubitationem possit existere, nisi corpus. Et quicquid non
est corpus, sed affectio tantum in corpore, juxta ipsos qui-
dem existit, & est Ens, sed imperfectius quam corpus: quia
scilicet ad illius existentiam corpus necessario requiritur.
Quod

morphitis dicta sunt: Corporei numinis, & sensûs literalis Scripturæ, Adoratoribus.

QUEMADMODUM circa formam Dei, ita etiam circa formam Mundi, & hujusce telluris, à veritate aberrârunt, qui sensibus, imaginationi, verbisque perperam intellectis, addictiùs & serviliter hæserunt. Hâc ratione nullos Antipodas admiserunt è Patribus Christianis non pauci: nullum à nostro Hemisphærium. Neque Terram esse Globum voluerunt, aut Globosam; sed, instar tabulæ, planam: Cælumque circumfundi, ad modum Tentorii. Hæc, inquiunt, est vox sacræ scripturæ: & quid si reclamet Philosophia, quid si Mathematica? non moramur has argutias: Dei verbo, veluti sacræ Anchoræ, unicè innitendum est.

NEQUE vulgus tantùm, aut proletarii homines, sed viri celebres eruditione & autoritate, hoc dogma de incolis alterius Hemisphærii, inter prophana, & absurda, numerârunt. Et malè sibi metuit Sanctus Augustinus, ne alterum caput humani generis, præter Adamum, quærendum esset, si trans Oceanum, vel in adversâ
parte

Quod vero neque corpus est, neque affectio in corpore, id in principio intellectus hominis, maxime autem juxta imaginationem ejus, plane non existit, &c. *Maimon. Mor. nev. par. I. cap. xlvj.*

parte Terræ novi essent, nescit qui, homines vel populi. Denique, Fidei nostræ ac religioni adeò funestam habuere hanc sententiam, ut D.* Vergilius impietatis accusatus fuerit, & in magnum discrimen adductus à Bonifacio, tunc temporis Legato in Germaniâ Pontificio, quòd Antipodas agnoverit, vel defendendos susceperit.

CÆTERUM non obstante hoc æstu Theologorum, & Authoritatis sacræ prætextu, vicit tandem ratio, & sanæ mentis Judicium: neque quisquam est, nunc dierum, qui derideat Antipodas: aut oraculis divinis, cordatè & solerter expositis,

* Erat Vergilius in Disciplinis, quas *Mathematicas* vocamus, & in Philosophiâ profanâ, magis, quàm tum mores Christiani ferebant, eruditus. Ex illiusmodi Literarum scitis, contra opinionem vulgi, & D. Aurelii Augustini, Lactantii, & aliorum, fortè docuerat, (id quod nostro sæculo non argumentis investigandum, sed experimentis cognitum est) circumfundi Terræ homines undique, & conversis inter se pedibus stare: unde Antipodas Græca nuncupat voce. Hoc ita acceptum est, quasi Vergilius alium mundum, alios sub terrâ homines, alium denique Solem, atque aliam lunam esse adfereret. Bonifacius hæc velut impia, & Philosophiæ divinæ repugnantia, refutat: Vergilium publicè, privatim, arguit: ad recantandum has nanias provocat, efflagitatque jure suo, ut Legatus Germaniæ, ne ille, hujusmodi deliramentis, sinceram, & simplicem Christi sapientiam polluat atque contaminet. Re tandem ad Zachariam Pontificem delatâ, Ille mandata & literas misit ad Utilonem Boiorum Regulum, his verbis, Vergilium Philosophum (si sacerdos sit, inquit, nescio) a templo Dei & Ecclesia depellito, Sacerdotio in Concilio abdicato, si illam perversam doctrinam fuerit confessus. *Avens. Annal. Boior. lib. iii.*

fitis, repugnare sentiat. Veritas est Temporis filia, quam parit aliquando unico nixu, aliquando diutius in partu laborat. Nova & insolita sæpe displicent primo aspectu, quæ tamen secundæ cogitationes, vel ætas postera, ubi deferbuerint animi, rata habent, & rationi consentanea. Hoc in nonnullis dogmatis experti sumus: in aliis, opinor, experturi. Sed de Antipodibus satis.

ATQUI circa formam majoris mundi non minùs disconvenit inter Theologos & Mathematicos. Theologi, aiunt, testari Scripturam sacram clarè & dilucidè, id quod supponere videtur Moses in suo Hexaëmero, *Solem moveri*: adeoque Terram quiescere, Mundi centrum, circa quod rotatur Universi machina, totùsque cælorum exercitus, singulis diebus. Stetit quidem Sol, inquiunt, tempore Josuæ, sed per miraculum & præter ordinem naturæ: ut umbra recessit in horologio Ahaz. At communem ordinem si respicias, & consuetum Naturæ tramitem, *Sol tanquam sponsus prodiens è thalamo suo, lætatur sicut robustus decursurus viam. Ab extremitate cælorum exortus ejus, & revolutio ejus ad extremitates eorum.* Sic dicit Propheta. Vides hîc cursum solis à carceribus ad metam, & quòd percurrit stadium, singulis diebus.

At

At iniques hæc est dictio figurata: rectè quidem quoad similitudinem sponsi, aut Gigantis agnosco; sed nisi egressum aliquem cursumque solis concedas, tollis ipsa stamina orationis & propositum Authoris; quod ubique in comparationibus, & in ipsis Parabolis, conservandum est.

HIS tamen, aliisque sacræ Scripturæ locis & testimoniis non obstantibus, Physici & Mathematici solem immobilem, Terramque moveri statuunt, tam dictim circa suum axem, quàm circa ipsum Solem annuatim. Quod à multifariis Cœlorum Phænomenis motibusque arguunt & ostendunt. A Fixarum & Planetarum materiâ diversâ, & ad motum aptitudine vel ineptitudine: ab instabilitate Corporum in Fluidis vorticosis: & à legibus naturæ, quæ superflua fugit, viasque affectat brevissimas & simplicissimas: denique, ut totum opificium Deo dignum sit, immenso & sapientissimo.

HÆC & hujusmodi nobis proponunt argumentandi capita; quæ mentem, in his scientiis exercitatam, ita in assensum rapiunt, ut pauci sint hodie rerum Astronomicarum periti, qui hanc hypothesin de *Telluris motu* non amplectantur: vel apertè vel tacitè. Tacitè, inquam, ubi regnat Tyrannis inquisitoria: nec veritatem efferre licet, etiam in rebus naturalibus, quæ displicet Tribunali Ecclesiastico.

fiastico. Hic sensus suos & cogitata dis-
simulare & comprimere coguntur Philo-
sophi : aut obscurè & per ambages signi-
ficare. Sed ubicunque fas est verum
quærere, & profiteri, in hanc libenter
descendunt sententiam. Quod verò atti-
net ad sacræ Scripturæ dicta, de motu aut
cursu Solis, his facillè respondent æqui in-
terpretes : ad sensus scilicet & opiniones
humanas, captumque populi, accomoda-
ri has loquendi formulas ; quibus etiam
utuntur hodie, in quotidiano sermone, ii-
dem Sapientes, qui planè aliter sentiunt
in imo pectore. Loquendum enim cum
multis, cogitandum cum paucis. No-
tum est itidem, quàm plurimis exemplis,
Spiritus Sanctum loqui *linguâ filiorum
hominis*, & ad conceptus populares suum
formare, & attemperare stylum.

Hi errores & hallucinationes vulgares,
circa formam Dei, formam Mundi mayo-
ris, & Telluris nostræ, à sacris Scriptu-
ris malè perceptis derivati, exemplis &
monitoribus esse possunt, quò cæcus amor
aut affectatio verbalis interpretationis, in-
consultâ ratione, incautos ducit, & im-
peritos. Neque minùs circa mundi ori-
ginem, quàm illius formam in errorem in-
cidemus, si neglectâ rerum naturâ, & Au-
thoris scopo, hypothesin parabolicam, aut
popularem, cum Mathematicâ aut Phy-
sicâ : & mundi nostri terrestri ortum,
cum

cum magni Universi origine : denique, humani generis natales in hac Terrâ, cum natalibus Angelorum & Archangelorum, confundamus. Præterea, huic Mundo condendo Deum operam dedisse per sex dies, inquit Hexaëmeron : hic si tempus definitum pro indefinito accipias ; dein, sex dies, potiùs quàm plures aut pauciores, ad constituendum Sabbathum & Sabbatismum : mentem Prophetæ non malè forsan assequeris : salvâ rerum naturâ & creatoris dignitate. Utramque verò lædit, qui hæc crassè & κατὰ τὸ ἰδιωτικῶς interpretatur, ac velut illotis manibus sacra tractat. Sed de his fatiis alibi diximus.

LITERA occidit, inquit Apostolus, *spiritus autem vivificat*. Quod de Legge & Evangelio dictum, transferre licet aliquando ad sensum Literalem & Spiritualem : cùm verba nuda & frigida, nimium sequaces, aut præcipientes, in errores ducunt. Prolatis jam hujus rei pluribus exemplis, liceat alterum erroris Literalis adjicere, idque gravissimi, ne dicam, infandi. Illud monstrum dogmatis intelligo, *Transubstantionem*. Opprobrium Christianæ religionis & fidei. Quid dixi, Christianæ fidei ? Imò Generis humani, & naturæ rationalis dedecus & opprobrium. Quæ unquam Gens coluit Deos farraceos ? quis unquam Barbarorum

rum hujusmodi numen agnovit vel adoravit? Ex eodem ligno olim fecerunt scamnum, vel Priapum, Ethnici: sed ex eâdem farinâ, placentam vel Deum Optimum Maximum, soli faciunt Christiani. Sed à quâ tandem provenit origine hoc dogma, hic cultus: à naturâ, an Revelatione? A Revelatione, inquiunt, atque iterum iterumque nobis inculcant Servatoris nostri verba, *Hoc est Corpus meum*: Ἰσὺς ἔφη, qui major Mose est: atque hoc nobis erit instar omnium demonstrationum. Neque de modis rerum solliciti sumus, neque absurda vestra moramur. Omnia Deo sunt possibile, atque omnipotenti & veraci numini, liquidâ fide, sine examine, sine morâ credendum est.

QUID ad hæc respondent Literales? nunc eorum res agitur: si verba Servatoris in primâ & Grammaticâ significatione accipiamus, hunc utique sensum præ se ferunt; & nisi propositum Authoris, & rei naturam, de quâ tractatur, introspicias, Fides reformata, quoad hunc ritum, periclitabitur. Mihi quidem, qui Sancti Spiritûs scopum in quocunque argumento, Scripturæ stylum, & quid ferat, aut ferre recuset materia subjecta, semper mecum in consilium assumo, nihil manet dubii aut difficultatis. Qui verò his prætermisiss, jejunis aridisque hærent

hærent verbis, infamem illum errorem non faciliè eradent aut refellent. Quòd si consentias, his omnibus utendum esse regulis, & cautelis, in eruendâ veritate & Sacrarum Literarum sensu, in hoc loco ; in aliis pariter, scriptisque Mo-
saïcis non minùs quàm Christianis, eundem interpretandi modum æquum erit concedere.

HÆC pluribus exposui, vir Colendissime, ut secundæ tuæ dubitationi satisfacerem. Revertamur jam ad propositum. Summa rei huc redit : in explicandis oraculis sacris peccari potest ex utrâvis parte, vel nimium adhærendo verbis & literis, vel ab iisdem recedendo sine iustis causis. Uterque modus, vel interpretandi vitium, errores peperit : sed literalis, ni fallor, graviores. Paucis retrò sæculis, probè nôsti, non licuit, per maximam partem orbis Christiani, appellare *Panem, Panem*, aut *Vinum, Vinum*. Sed virtute quatuor verborum à Sacerdote prolatorum, Panis erat Caro, viva Caro, verè & propriè : & vinum, sanguis, vitalis sanguis. Manentibus interim iisdem Corporibus, ut priùs, quoad omnes proprietates ; quantum arte aut ingenio, sensu aut ratione, explorari poterat. Quorsum verò nobis mendaces oculi, cæterique sensus ? Ad quid valet ratio ? Si ludimur in propriis utriusque

M m

objec-

objectis, actum est de naturâ humanâ. Quinetiam actum est de religione Christianâ, si de miraculis & de resurrectione Christi non fidendum sit sensibus: & de ipsâ denique existentia Dei, si non rationi. Eò tamen cæcitatibus, nescio quo pacto, prolapsa erat pars plurima gentis Christianæ, ut hoc ἀπίστων ἀτοπώτατον, pro articulo fidei, eoque primario & antiquissimo habendum duxerint. Quod tantopere oppressit intellectum humanum, & totam vim naturæ rationalis, ut jugum ultrâ ferre non potuerit. Cum verò ex verbis Salvatoris nostri, *Hoc est Corpus meum*, crassius expositis, ortus sit hic error, ad examen deventum est, an propria vel figurata fuerit hæc Christi locutio: æquisque judicibus re permisâ, vicit tandem sensuum externorum, & rationis internæ, vis ineluctabilis. Unde hoc scandalum, Gentibus, Judæis, Mahometanis, è fide nostrâ reformatâ foeliciter exemptum gratulamur:

DENIQUE notandum, Interpretes Literales in nonnullis à Literâ abscedere, cum nulla urget necessitas in materiâ subiectâ. In aliis autem, ubi urget maxime, nullum recessum concedunt. Quâ in re sunt iniqui Judices. Exempli gratiâ: In doctrinâ de millenni Christi Regno apud Prophetas Veteres & in Apocalypsi Johannis, sæpius descripto, Lite-

ram a
unt.
lis G
ne M
Apo
celeb
& v
qua
fuu
faci
S
mo
eff
do
ra
fe
m
de
u
c
c
v
r

ram abdicant, & ad Allegorias confugunt. Pariter in doctrinâ, de *Novis Cælis & Novâ Terrâ*, sive de Renovatione Mundi, apud Isaiam Prophetam, & Apostolos, Paulum, Petrum, Johannem celebratâ, aufugiunt à verbis explicitis, & nodum in scirpo quærunt. Hæc iniqua sunt, inquam : cùm ad arbitrium suum, sine certâ lege, studio partium, jus faciunt.

SED ut huic Sermoni finem faciamus : monemur his exemplis, non omnia ejusdem esse fili in sacro textu, neque eodem modo tractanda : cùmque sensus literalis & rationalis non cohærent, instituendum esse examen de utriusque rationibus & momentis ; ut, quod æquâ lance præponderat accipiamus. Præstat autem nobis ut hoc examen fiat ab amicis, quibus curæ erit ut fidei nostræ summa, & sacrarum literarum autoritas, facta tecta conserventur ; quàm ab inimicis, qui utramque his machinis expugnare fatagunt. Extraneorum quorumcunque religionem & dogmata ad minutias usque excutimus, & si quid absurdi continent, falsi convincimus & irridemus : meâ autem interest multò magis ut Religio, quam profiteor ipse, sit vera, quàm ut aliorum sit falsa : ut illa absurdis careat, quàm ut altera iisdem abundet. Absque examine autem & judicio adhibitis, hæc & illa

M m 2

sunt

sunt æquè vera ; ut omnia sunt ejusdem coloris sine luce.

NEQUE refugit examen Religio Christiana : *Deum Ignotum colere*, non nostrum est : neque Fidem, cujus nulla reddi potest ratio. *Explore omnia*, inquit Apostolus, *quod pulchrum fuerit retinete*. Ὅσα ἐστὶν ἀληθῆ, ὅσα σιμνά· -- ταῦτα λογίζεσθε.

1 Theff. v.

21.

Phil. iv. 8.

Quæcunque vera sunt, quæcunque veneranda, augusta, Deo & hominibus digna, *hæc cogitate* Christiani, ut monet idem Apostolus. Denique, precatur Deum, ut sui Philippenſes abundent ἐν ἐπιστάσει καὶ πάσῃ αἰσθήσει, εἰς τὸ δοκιμάζειν τὰ διαφέροντα. *Ut abundant cognitione & sensu, aut judicio ad explorandum ea, quæ differunt*, vel quid alia aliis præstent ; tam in discriminandis doctrinis, quàm in rerum praxi. Egregia sunt etiam in hoc argumento Patrum monita & consilia. Justinus Martyr in Apologiâ pro Christianis : Τὸς κατ' ἀλήθειαν εὐσεβεῖς καὶ φιλοσόφους μένον τἀληθὲς τιμᾶν καὶ εἰργασθῆναι, ὁ λόγος κατασφύρει, παρ' αὐτομένους δόξαις παλαιῶν ἐξακολουθεῖν, ἀν' φαῦλαι ᾖσι. *Qui verè Pii & Philosophi sunt, eos solam veritatem in pretio & amore habere, ratio dicat, Veterum opinionibus, si pravæ sint, insistere detrectantes*.

Apol. ii.
Princ.

Therapeut.
Ser. i.

Præclare etiam Theodoretus : Ἀνδρῶν σωφρονέντων ἴδιον, μὴ προλήψαι δολοίαν, μηδὲ ἕξειν προσεδέσθαι παλαιοῖς, ἀλλὰ ζητεῖν τἀληθές, καὶ τὸ χρήσιμον πανταχόθεν συλλέγειν. *Proprium viro-*

rum

rum prudentium est, præconceptæ opiniononi non servire, nec Patriis moribus allegari: sed veritatem quærere, & quod utile est undiquaque colligere.

His præceptis & Consiliis si obsequamur, nihil metuendum erit nobis ab Atheis aut Infidelibus. Quæ solido nituntur fundamento, non metuunt procellas: sed quæ arenæ superstructa sunt ad omnem impetum ventorum concutuntur, si non labescunt. Præterea, ut hoc demum te moneam, hujusmodi hominum nequam & infestorum Religioni non parum augeatur numerus, & confirmatur audacia, ab imperitis, crudis, & insulis interpretamentis sacræ scripturæ; qualia nempe concoquere non potest mens sana; & eorum causâ cætera, quæ pulchra sunt & præclara, inconsultò & per concomitantiam, ut aiunt, rejiciunt. Sed ad reliqua progrediar.

TERTIO mihi objicis; nonnulla loca, quæ figuratè interpretamur, in Prolegomenis Mosæicis, citari alibi in sacris literis & in novo fœdere: idque secundum literam & sine ullâ sensûs arcani significatione. Non inficior. Ita Apostolus inquit, *Serpens decepit Evam sua calliditate.* Author ad Hebræos Sabbathum² primævum, & Adamicum respicere videtur, cap. iv. 4. Psalmista memorat aquas supercœlestes, Psal. cxlviii. 4. Ali-

æque sunt pauca repetitiones, vel allusiones ad ea quæ dicuntur à Mose in primis Capitibus Genesew. Sed quid hinc probas, vir Optime? Qui alterius Scriptoris verba recitat, nudâ repetitione nihil mutat in sensu, sive sit literalis, sive parabolicus. Si Apostolus alicubi pro re natâ citâisset aliquam è Parabolis Christi: putâ, illam, si velis, de Lazaro & Divite: repetiissetque verba Christi, *Dives apud Inferos, cùm esset in Tormentis, vidit Abrahamum è longinquo, & Lazarum in Sinu ejus. Tum ipse clamans dixit, Pater Abraham, misereri mei, & mitte Lazarum, ut intingat extremum digitum suum in aquam, & refrigeret linguam meam. Quoniam crucior istâ flammâ.* Ecquem putas sanæ mentis, hinc probaturum esse, Lazarum habuisse digitos, vel Divitem habuisse linguam, apud Inferos? vel Christi verba non esse parabolica, quandoquidem ab alio Authore sacro repetita legimus in formâ literali? Simili modo in datis exemplis, cùm Apostolus citat parabolam Mosaicam de Serpente, qui allocutus est & fefellit Evam, nullâ additâ interpretatione: Hoc neutiquam probet Mosem non locutum esse parabolicè; nisi eodem argumento probare velis, Diabolum non interfuisse illi negotio: ipsius enim non meminit Apostolus, nec ipse Moses.

Denique

Luc. xvi.
23, 24.

Deni
tz Il
vern
guir
Chri
expl
cre
eri
fue
ter
mi
fu
tu
H
ig
C
C
E
J
v
r
S
.

Denique Christus ipse citat verba Prophetæ Isaïæ de Inferno, Cap. lxvi. 24. ubi *vermis non moritur, neque Ignis extinguitur*. Hæc verba, inquam, recenset Christus, Marc. ix. 44. nullâ adhibita explicatione: neque tamen propterea credimus fore vermiculos in Inferno. Fieri etiam potest, ut quæ visione exhibita fuere, recitentur historicè, tanquam externè & plenâ luce peracta. Nunquam mihi persuadebis Hoseam Prophetam sumpsisse in uxorem aut concubinam, scortum meritorium: idque mandato Dei, Hof. i. & iii. Apostolus Paulus ait, *An ignoratis corpora vestra esse membra Christi: num igitur sublata membra Christi faciam scorti membra? Absit. Et quæ sequuntur.* Istæc igitur apud Hoseam symbolicè interpretor, aut in visione facta, narrentur licet nudè & sine explicatione; Jovem Martemque Scortatores hujusmodi decent mandata, non purum Israelis & Christianorum Numen.

PRÆTEREA, Propheta Ezekiel dicitur jacuisse tricenos nonaginta dies in latus sinistrum: intuendo laterem quendam cui insculpta erat Urbs Hierosolyma. Dein, quadraginta dies in latus dextrum, coram eodem coctæ terræ frustulo, Cap. iv. Hæc *ἐν ὧς* affirmantur in scripto Prophetico, cum multis aliis, de comesto Volumine, Cap. iii. de abrais capillis, variè-

que dispositis, ferè ad ritum ceremoniarum magicarum, Cap. v. Et de perfossâ suâ æde propriis manibus, & translatâ supellectile super humeris, Cap. xii. Quid memorem Jeremiæ cingulum, & ad Euphratem repetitum iter? Cap. xiii. Ejusdem etiam Calicem à Deo acceptum, & delatum ad plurimas quaquaversum gentes, ut inde biberent, Cap. xxv. 15, &c. Juga etiam portâsse dicitur in multas terras, & Regum cervicibus imposuisse, Cap. xxvii. Hæc & hujusmodi acta Prophetica, quum neque τὸ πρόσωπον neque τὸ πῶλον rationem habeant, non nisi in visione Propheticâ censeo exhibita, * ad repræsentandum iis per hæc symbola quæ fata imminebant Gentibus aut Judæis.

NEQUE aliter judicandum esse existimo de colloquiis Dei cum Satanâ : quæ nonnunquam in historiâ sacrâ memorantur: Notum est alloquium ad Satanam, unâ cum Joshuâ, Pontifice maximo, in Prophetiâ Zachariæ : Cap. iii. ver. 1, 2,

3.

* Absit ut Deus Prophetas suos stultis vel ebriis similes reddat, eosque stultorum aut furiosorum actiones facere jubeat: Præterquam quod præceptum illud ultimum (de radendâ barbâ & capillis) Legi repugnâisset: fuit enim Ezekiel sacerdos magnus, & propterea ad duo illa præcepta negativa, de non radendo angulo capitis, & angulo barbæ, obligatus. Proinde non nisi in visione Prophetiæ factum fuit. *Maimon. Mor. Nev. pars II. c. xvi. Deim subjicit, Qui verò minùs firmo judicio sunt præditi, illi hæc omnia ita intelligunt, ac si Propheta narraret quid sibi injunctum fuerit, & quid revera fecerit, &c. Lege, si places, totum caput.*

3.
visio
fed
ad f
troo

ph
lo
A
R
D
in
r
f
J
e

3. Quod utique ratio rei suadet aut in visione factum, aut omnino non factum : sed exhibitum & relatum à Prophetâ per προσηγορίαν διακριτήν, ac si factum fuisset, ad significandum Dei Providentiam & Patrocinium Ecclesiæ.

SED notissima est historia Michaïæ Prophetæ (1 Reg. xxii. 19, 20, &c.) ac colloquium & consultatio illa Dei cum Angelis suis, tam malis quàm bonis, de Rege Achabo decipiendo. Ubi roganti Deo, Quisnam ex omnibus illis astantibus iret deceptum Regem Achabum : unus malignus Angelus sese obtulit, qui id se facturum reciperet. Dein quæsit Deus ab istoc Dæmone, Quo modo, aut quâ arte falleret Achabum. Respondit, Inspirabo, tanquam venenum, mendacia suis Prophetis. Abi, inquit Deus, & ut dixti, facito. Hæc est dictorum summa ; sed nequid inter recitandum aberrârim, audi ipsâ verba Prophetæ, 1 Reg. xxii. 19, 20, 21, 22. *Vidi Jehovam insidentem solio suo : & totum exercitum cæli adstantem ei, à dextrâ, & à sinistra. Dixitque Jehova, Quisnam è vobis pelliciet Achabum, ut ascendat & pereat apud Ramothas Gileadis ? Hic dixit hoc modo, & ille dixit illo modo. Tandem prodiit quidam Spiritus, qui consistens coram Jehovâ, dixit, Ego pelliciam eum : Dicente verò Jehova ei, Quo pacto ?*
Dixit,

Dixit, Egressus ero Spiritus mendacii, in ore omnium Prophetarum ejus : tum dixit Jehova, pellicies ; etiamque praevalbis : exi & fac ita. Hæc ita se habent, ut vides secundum literam & narrationem historicam. Sed Ecquis est, qui sit ausus dicere, has res ita gestas esse revera & literaliter ? Deum iniisse consilium cum suis Angelis, probis reprobisque, de fallendo & seducendo Achabo : & maligni cujusdam Dæmonis sententiam cæteris omnibus prælatam esse, Deoque acceptam, & effectu confirmatam. Agnoscunt, opinor, omnes, hæc non nisi visione peracta, aut sine visione à Prophetâ proposita, ad significandum eventum, Deique consilium circa Achabum Regem.

HINC satis patet, quàm cautè interpretanda sint nonnulla Prophetarum facta, & Dei colloquia, in sacris literis exhibita. His liceat adjungere unicum præterea exemplum, quod ad indolem argumenti nostri circa colloquia à Mose adornata in tertio capite Genesæos, proximè accedere videatur. Est conventus ille celebris & colloquium Dei, filiorum Dei, & Diaboli, quod occurrit in Prolegomenis Libri Job, & narratur historicè, his verbis : *Factum est quodam die, cum venissent Filii Dei, ut se sisterent coram Domino ; venit etiam Satan in medio eorum,*

rum
Un
mir
lan
Sat
Jo
tu
g
in
d
ne
E
in
&
V
F
f

rum. Dixitque Dominus ad Satan, Unde venis? Et respondet Satan Domino, à peragrandò Terram, & perambulando in eâ. Dixitque Dominus ad Satan, num considerasti servum meum Job, &c. cum aliis multis quæ sequuntur in isthoc Dialogo. Quæritur jam, quo genere orationis hæc conscripta sint, aut intelligenda? Narratur res tota, ut vides, per modum historiæ, aut rei gestæ: non minùs quàm narratio Mosaica in suo Dialogo inter Evam & Serpentem, aut in altero illo inter Deum, Protoplastos, & Serpentem. Nec minùs incongruum videtur Colloquium institui inter Serpentem & Fœminam, ut est apud Mosè: quàm inter Deum & Cacodæmona, ut est apud Jobum. Optimi tamen Interpretes hunc locum Jobi Parabolicè exponendum esse censent. Quidni igitur & alterum etiam apud Mosè? Sed de hoc loco Jobi quid sentiunt Commentatores, audiamus.

MOSES Maimonides, etsi dubius sit, Mor. Nev. par. iii. c. xxii. fuerit necne Jobus persona vera: *secundùm utramque autem sententiam, inquit, sive nempe fuerit, sive non fuerit, certum tamen est, quòd illa quæ à principio Libri ipsius commemorantur, de colloquio inter Deum & Satanam, de traditione item Jobi in potestatem ipsius, sint parabolica. Nec aliter exponitur à nostris;*

tris : Mercerus in locum, de hoc confesso Angelorum, & colloquio Dei verba faciens, *non quòd, inquit, ità crassè hæc ad litteram facta fuerint, sed Scriptura sese nostro captui & ruditati accommodare voluit. Tale colloquium Domini, &c.* cum aliis multis in eundem sensum. Eò etiam collimant verba Grotii in locum, *Solent Dei decreta, Angelorum bonorum ministeria, malorum machinationes, exprimi ad formam judiciorum aut consiliorum Regum.* Hanc sequuntur regulam alii Interpretes, hæcque ὑποποτικῶς dicta ad imitationem rerum humanarum, rectè notant : *Res non est gesta, inquit alter, ut hic narratur : sed prosopopœia tantum est, aut hypothesis, per quam intelligitur veritas, Deum Satanæ permisisse, &c.* Per προσωποποιίας vel ὑποποιίας, inquit alius, indicat hæc omnia *justo & sapienti Dei consilio acta.*

VIDES hic, sine scrupulo, res gestas, aut quæ narrantur historicè ad instar rerum gestarum, haberi ab Interpretibus pro parabolicè aut figuratè dictis. Nec id cuiquam proinde vertendum esse vitio, quod à verbis recedat, ubi Literalis interpretatio læsura esset Majestatem divinam, aut rerum naturæ palàm obnuitur. Dispicendum est imprimis in sacris literis interpretandis, Quæ sit res significata ;

dein

Marian in
Schol.

Scult.

dein
mod
gen
que
non
fin
se
or
v
co
n
n
e
t
r
i
v
c

dein quis modus significandi. Variat enim modus significandi pro ratione sæculi, & gentis: pro captu & ingenio populi. Neque hæc eadem sunt ubique in omni æconomia, & in omni ætate. Hæc autem singula cùm nôrit Providentia omniscia, sese accommodat variis rerum humanarum ordinibus, ad temperandum Mundi universale regimen: quod nos miselli parum comprehendimus aut observamus. Denique, cùm dictio sacræ Scripturæ sit admodum figurata, stylusque mixtus, res est judicii non exigui in singulis locis distinguere, quâ utitur loquendi formâ Spiritus Sanctus, quo genere sermonis. Sanctus Petrus de Balaami Asinâ verba faciens, inquit, *Fumentum mutum, humanas voces edens, inhibuit Prophetæ dementiam.* ^{2 Epist. ii. 16.} Aiunt tamen Hebræi, hoc totum in *Visione prophetiæ* factum esse. Nec credunt fœdam Bestiam è rauco guttore emugiiisse voces humanas: ratiocinatum præterea, & injuriam expostulâsse cum suo Domino. Hæc tibi meditanda relinquo. Non memini ego, in historiâ sacrâ, ullibi revera locutas esse Bestias. Et quod in officiis peragundis monuit Apostolus, idem in tractandis literis sacris observandum puto: *Πάντα εὐσχημένως καὶ κατὰ τάξιν γένησθω. Decenter & secundum ordinem explicentur omnia.* ^{Maimon. Mor. Nev. par. II. c. iv.}

DENIQUE in citandis & applicandis dictis Mosaïcis & Prophetis Veteris Testamenti, non semper agunt Apostoli κατ' ἀνάγκην. Ea quandoque, ut alia præteream, allegoricè accommodant in usum populi, quæ nullum habent in Historiâ vel in textu Prophetico figuratæ locutionis indicium. Aliâque κατὰ ψῆφον usurpant, sine notâ sensûs interioris, quem ratio suadet sibi maximè proposuisse Authorem. Cæterum, hoc argumentum, de stylo sacre Scripturæ, si ingrederer, cresceret mihi scribendi materies, plusquam ferre potest Epistolæ modus, aut tua forsan patientia. Ad finem propero.

QUARTO mihi objicis: sed quorsum mihi plura objicis, Bone Vir? Cùm nondum responsum dederis argumentis, quibus invitus retineor in sententiâ tibi adversâ. Amolire tantùm hæc obstacula, & nullis opus erit machinis ad me trahendum in tuas partes. Depellor à communi semitâ, non dissilio: depellor, inquam, & deterreor, propter salebras, & præcipitia, & loca impervia; Rem capis, opinor, mentemque meam. Frustra accumulas objectiones, inquam, Unum est necessarium: Fac tantùm ut Litera Hexæmeri cohæreat & concordet cum Dei & rerum naturâ; nihil ultrâ quæritur, ambabus ulnis amplectar istiusmodi explicationem. Donec verò hoc vulnus sanaveris,

ris, nequicquam quæris remedium aliunde,
& quasi novâ plagâ. Me vides constrictum
rigidis rationibus: excute hæc vincula,
solve mihi has compedes, & eandem
libens ibo tecum viam. Vale, Vir
Optime, & memor sis amici tui observantissimi.

F I N I S.





BOOKS lately printed for J. Hooke.

I. **T**HE Theory of the Earth, containing, an Account of the Original of the Earth, and of all the general Changes which it hath already undergone, or is to undergo, till the Consummation of all Things: In Four Books. The two first concerning the Deluge, and concerning Paradise; the two last concerning the burning of the World, and concerning the New Heavens, and New Earth: With a Review of the Theory, and of its Proofs, especially in reference to Scripture, &c. In Two Volumes.

II. De Fide & Officiis Christianorum Liber.

III. De Statu Mortuorum & Resurgentium.

N. B. *These three written by Dr. BURNET, late Master of the Charter-House.*

A01

1453383





11335

